
Carnier, Robert Les trugédies

Pn 1625 G2A14 1882a Bd.3



SAMMLUNG LANZÖSISCHER NEUDRUCKE

HERAUSGEGEBEN

VON

KARL VOLLMÖLLER

ROBERT GARNIER LES TRAGEDIES

. TREUER ABDRUCK
DER ERSTEN GESAMMTAUSGABE (PARIS 1585)
MIT DEN VARIANTEN ALLER VORHERGEHENDEN
AUSGABEN UND EINEM GLOSSAR

HERAUSGEGEBEN

VON

WENDELIN FOERSTER

DRITTER BAND:

ANTIGONE, LES IVIFVES.





HEILBRONN VERLAG VON GEBR. HENNINGER 1883.

SAMMLUNG

FRANZOSISCHER NEUDRUCKI

Während es an bequem zugänglichen Ausgaben als französischer Texte in Deutschland und Frankreich fehlt, ist man für die mittlere und neuere Zeit beinah ausschliesslich auf französische Publikationen angewieser die, kostspielig ausgestattet und in beschränkter Zahl al gezogen, meist schwer erreichbar sind. Gar manche si Sprach- und Literaturgeschichte wichtige Denkmäler sin in Frankreich überhaupt nicht wieder neu herausgegebe worden. Hier soll die "Sammlung französischer Nei drucke" eingreifen. Dieselbe wird metrische und prosaisch Dichtungen, französische Grammatiken (so vor allem d zahlreichen, überaus wichtigen des 16. Jahrhunderts alte Verslehren, literar- und kulturgeschichtliche Abhanlungen, auch genaue Abdrücke erster Ausgaben d Hauptwerke der französischen Klassiker enthalten. D Ausgaben werden je nach Bedürfnis entweder von Drue fehlern gereinigte Neudrucke oder kritische Texte sei Jedes Bändchen wird mit einer Einleitung und mit A merkungen versehen, die kurz und bündig alle zu Verständnis Nötige bringen. Typographische Nachbildu der Originale ist schon im Interesse der Uniformität Sammlung ausgeschlossen, dagegen wird die orthograp sche Gestalt der alten Drucke genau beibehalten, u so dürften die Ausgaben auch für die Geschichte d französischen Orthographie von Wert sein. Ihre V

SAMMLUNG PRANZÖSISCHER NEUDRUCKE

HERAUSGEGEBEN

VON

KARL VOLLMÖLLER

ROBERT GARNIER LES TRAGEDIES

TREUER ABDRUCK
DER ERSTEN GESAMMTAUSGABE (PARIS 1585)
MIT DEN VARIANTEN ALLER VORHERGEHENDEN
AUSGABEN UND EINEM GLOSSAR

HERAUSGEGEBEN

VON

WENDELIN FOERSTER

DRITTER BAND:

ANTIGONE, LES IVIFVES.



HEILBRONN VERLAG VON GEBR. HENNINGER 1883.



PQ 1625 G2A14 1882a Bd.3

INHALT.

									Seite
Antigone .		•							1 (383)
Les Iuifues									95 (477)

of far feet

Contract!

 $[203^{\mathrm{v}}]$

ANTIGONE, ov LAPIETÉ, TRAGEDIE.

[204] A MONSEIGNEVR

BRISSON, CONSEILLER

du Roy en fon Confeil priué,

et President en sa Cour

de Parlement

L me founient, Monfeigneur, que lors que la genereufe liberalité de nostre bon Roy (non iamais affouny d'illustrer les belles et admirables vertus de ses sujets) eust honoré la docte preud'hommie de monseigneur de Pibrac, de la souveraine dignité de President à la Cour, les Muses 5 me meirent à propos l'vn de mes Tragiques ouurages en main, pour testifier en mon esgard la publi[204^v]que alaigresse que la France avoit de son advancement. Et ores, que la mesme debonnaireté de nostre mesme Roy a voulu decorer vostre semblable vertu d'une mesme dignité, en ceste 10 mesme Cour, les mesmes Tragiques Muses me viennent tirer des mains cet ouurage de mesme stile et facon: pour, vous le presentant, demonstrer que ie ne veux estre seul qui ne communique à l'vniuerfel conjouissement de ce Royaume, por le nouvel ornement de vos merites. Car qui est le 15 F ançois, chez lequel n'ait penetré la celebrité de vostre

nom? qui n'ait l'oreille repue et trauersee du son de vos louanges? voire qui ne soit tiré en vne merueillable admiration, de voir les astres et les hommes ainsi conspirer 20 à [205] l'embellissement d'un si digne sujet? Ie ne puis dire que nostre âge (bien que miserable) soit vn secle de fer, ce pendant que ie verray la vertu ainfi esclater au pourpre de Senateurs, sur le throne de la supreme Iustice de ce Royaume, telle que nous la voyons reluire en la droite 25 equité de ces six reverables peres, qui tiennent en ce saint Areopage le premier rang d'authorité: et ausquels la vertueuse saison de nos ancestres ne se peut vanter d'auoir rien produit de pareil. Pour le moins devons-nous esperer de nostre bon Prince, comme d'vn second Auguste, le re-30 tour d'vn siecle d'or, tandis que tels Pilotes maniront, fous le bon-heur qui l'accompagne, le gouvernail de fa Iustice. Mais ie m'esgare, Monseigneur, et sans y penser, [205] poussé de l'impetuosité de mon desir, ie me viens embarquer sur la mer de vos louanges: et au lieu de vous 35 presenter vne Tragedie, ie semble vouloir entrer en vn Paneguric. Ie me radresserau donc, pour vous entretenir des infortunes de ceste pitoyable Antigone, qui reuiuant en nostre France, se vient, comme esperdue, ietter entre vos bras, pour luy estre aush fauorable support, qu'elle 40 fut debonnairement le soustien et conduitte de son miserable pere.

> Vostre tres-affectionné feruiteur R. GARNIER.

[206] ARGVMENT D'ANTIGONE.

CHacun sçait, comme Edipe fils de Laye Roy de Thebes, et d'Iocaste sa femme, sut exposé à mort sur le mont Cithéron, aussi tost qu'il fut né: pour auoir esté predict au Roy qu'il seroit vn iour par luy occis. Et que Phorbas pasteur de Polybe Roy de Corinthe, qui passoit d'auan- 5 ture, le voyant pendu à vn arbre les iambes trauersees d'vn ofier, et le trouuant bel enfant à fon gré, le porta à la Royne sa maistresse, qui n'en auoit aucuns, laquelle le nourrit et eleua comme sien. Et que deuenu grand, avant sur la verité de son origine consulté l'oracle d'Apol-10 lon, il luy fut dict, qu'il trouueroit son pere pres de Thebes: où s'estant acheminé il eut fortuitement querelle auec les gens du Roy, qu'il rencontra en chemin sans le cognoiftre, lequel accouru au fecours des fiens, fut par luy occis en la meslee. Que depuis estant retourné à 15 Thebes, et l'ayant deliuree des molesties du Sphinx, il espousa la Royne Iocaste sa mere, et eut d'elle quatre enfans, Eteocle, Polynice, Antigone, et Ismene. Que quelque temps apres, la ville estant mortellement infectee d'vne longue et irremediable peste, il entendit de l'oracle, que 20 la contagion ne cesseroit que la mort du defunct Roy ne fust vengee. Ce qui fut cause, que s'estant plus exactement informé du temps, du lieu, et de la façon de ce meurtre, il decouurit que c'estoit luy mesme qui l'auoit [206^v] perpetré, et qu'il auoit commis inceste auec sa 25 mere. Et qu'ayant horreur de telles execrations, il s'arracha les yeux de ses propres mains, quitta la ville, et alla faire penitence sur les rochers de Cithéron, passant fes miserables iours en lamentations et regrets, auec Antigone, qui ne le voulut abandonner. Or ce pendant 30 Eteocle et Polynice ses fils entrez en differend pour le droict du Royaume, conuindrent et accorderent en fin de regner fuccessiuement d'an en an. Et suivant cet accord,

1 *

Eteocle ayant, comme aisné, commencé sa charge, s'v 25 trouua si bien, que son temps expiré il ne voulut laisser prife et se demettre du gouvernement, pour receuoir vn fuccesseur. Dequoy Polynice iustement indigné se retira vers les Princes de Grece, pour implorer leur aide au recouurement de son Royaume. Et entre autres s'adressa 40 au Roy des Argiens Adraste, qui l'ayant faict son gendre, assembla vne forte armee pour le remettre en ses terres, et en dechasser l'vsurpateur. Ils camperent pres les murailles de Thebes, où estoit Eteocle, qui mist toutes ses forces aux champs, et à l'instant se donna vne cruelle et 45 fanglante bataille, où mourut la plus part des deux armees, mesmes les chess et capitaines. Polynice extremement desplaisant de la mort de Tydee son beau-frere, de Capanee, Hippomedon, Amphiaree et Parthenopee, belliqueux et magnanimes seigneurs, fist appeller son frere Eteocle 50 au combat, auquel ils entrerent si furieusement, [207] à la veuë des deux camps, qu'ils demeurerent tous deux morts fur la place. Dont Iocaste aduertie, se donna d'vn poi-gnard dans le sein, et mourut. Les Argiens d'autre part voyans celuy mort, pour lequel ils auoyent prins les 55 armes, et se sentans merueilleusement affoiblis de la perte qu'ils auoyent faitte, leuerent le siege, et se retirerent hastiuement. Creon frere d'Iocaste s'estant fait Roy, fait enterrer ses morts, auec defense à peine de la vie, d'inhumer les corps des ennemis, et sur tous celuy de Poly-60 nice, motif d'vne si funeste guerre. Et pour l'execution de son ordonnance, fait asseoir des gardes pour surprendre les infracteurs d'icelle. Ce non-obstant Antigone se refout d'enseuelir son frere, et de ne le laisser manger aux bestes et oiseaux: mais comme elle vaquoit à ce pitoyable 65 office, elle est prise et menee à Creon, qui la condamne Elle est descendue et enclose en vne cauerne pour y mourir de faim: mais elle, sans attendre vne si longue mort, s'estrangle de ses liens de teste. Creon l'auoit fiancee auec Hemon fon fils, qui l'ayant trouuee 70 morte en ceste cauerne, où il estoit entré pour l'en tirer, vaincu d'amour et de douleur, se trauerse le corps

de fon espee, et trespasse sur celuy de sa maistresse. Les nouvelles de ce piteux accident venues aux oreilles de la Royne sa mere, la saissrent d'vne si intolerable douleur, qu'elle se tua sur l'heure. Creon comblé de tristesse pour l'amas de tant de soudains et multipliez desastres, $[207^{\text{V}}]$ sait de lamentables regrets, qui ferment la catastrophe de ceste Tragedie.

Ce subiet est traitté diuersement, par Eschyle en la Tragedie intitulee Des sept Capitaines à Thebes, par So-80 phocle en l'Antigone, par Euripide aux Phenisses, et par Seneque et Stace en leurs Thebaides. La representation

en est hors les portes de la ville de Thebes.

LES ENTREPARLEVRS.

Edipe.
Antigone.
Iocafte.
Meffager.
Polynice.
Hemon.
Ifmene.
Chœur de Thebains.
Creon.
Chœur de Vieillards.
Les gardes du corps de Polynice.
Chœur de filles Thebaines.
Eurydice.
Dorothee.

$[208] \quad \mathbf{A} \mathbf{N} \mathbf{T} \mathbf{I} \mathbf{G} \mathbf{O} \mathbf{N} \mathbf{E},$

ov

LA PIETÉ,

TRAGEDIE.

ACTE I.

EDIPE. ANTIGONE.

Edipe.

TOY, qui ton pere aueugle et courbé de vieillesse Conduis si constamment, mon soustien, mon addresse, Antigone ma fille, helas! retire toy,
Laisse moy malheureux souspirer mon esmoy,
Vaguant par ces deserts: laisse moy ie te prie,
Et ne va malheurer de mon malheur ta vie.
Ne consomme ton âge à conduire mes pas,
La fleur de ta ieunesse auec moy n'vse pas,
Retire toy ma fille. Et dequoy me prosite,
Me voulant souruoyer, ta fidelle conduite?
Ie ne veux point de guide au chemin que ie suy:
Le chemin que ie cherche est de sortir d'ennuy,
[208] M'arrachant de ce monde, et deliurant la terre
Et le ciel de mon corps, digne de son tonnerre.

5

10

15

Pour ne voir plus le ciel aueugler me fuis peu, Mais ce n'est pas assez, car du ciel ie suis veu: Le ciel tout regardant est tesmoin de mon crime, Et ne m'engousser helas! sous l'infernal abysme, Me fouffre, abominable, encores aualer, 20 Les faueurs de la terre, et le ferein de l'air,

Retire donc ta main qui tendrement me serre, Et permets que tout seul par ces montagnes i'erre. I'iray sur Cithéron aux longs coustaux toussus, Où dés que je su né, dés qu'au monde je sus

Où dés que ie fu né, dés qu'au monde ie fus

25 Ma mere m'enuoya, pour dans vn arbre paiftre

Les corbeaux de ma chair qui ne faifoit que naiftre:

Il me demande encore, il me faut là tirer.

C'est luy, c'est Cithéron, que ie doy desirer:

C'est mon premier seiour, ma demeure premiere,

30 C'est la raison qu'il soit ma retraitte derniere.

Ie veux mourrir vieillard, où ie fus destiné
De mourir enfançon, si tost que ie fus né.
Redonne moy la mort, rens moy la mort cruelle,
La mort, qui me suiuoit tiré de la mamelle,

35 O meurtrier Cithéron: tu m'es cruel toufiours, Et mes iours allongeant, et retranchant mes iours, Pren ce corps qui t'est deu, ceste charongne mienne, Execute sur luy l'ordonnance ancienne.

Las! pourquoy me tiens-tu? ma fille: et vois-tu pas 40 Que mon pere m'appelle et m'attire au trespas?

Comme il se monstre à moy terrible, espouuentable?

Comme il me suit tousiours et m'est inseparable?

Il me monstre sa playe, et le sang iaillissant

[209] Contre ma fiere main, qui l'alla meurtrissant.

Antigone.

45 Dontez, mon geniteur, ceste douleur amere.

Edipe.

Et qui pourroit donter vne telle misere?

Dequoy sert plus mon ame en ce coupable corps?

Que ne sors-tu, mon ame? helas! que tu ne sors

D'vn si mechant manoir? penses-tu qu'il me reste

50 Encore vn parricide, et encore vn inceste?
I'en ay peur, i'en ay peur, ma fille laisse moy:
Le crime maternel me fait craindre pour toy.

Antigone.

Ne me commandez point que ie vous abandonne,

55

85

90

Ie ne vous laisseray pour crainte de personne: Rien rien ne nous pourra separer que la mort,

Ie vous seray compagne en bon et mauuais sort.

Que mes freres germains le Royaume enuahissent, Et du bien paternel à leur aife iouissent: Moy mon pere i'auray, ie ne veux autre bien, Ie leur quitte le reste et n'y demande rien. 60 Mon feul pere ie veux, il fera mon partage, Ie ne retiens que luy, c'est mon seul heritage. Nul ne l'aura de moy, non celuy dont la main S'empare iniustement du beau sceptre Thebain: Non celuy qui conduit les troupes Argolides: 65 Non pas fi Iupiter de foudres homicides Les terres escrouloit, et fumant de courroux Descendoit maintenant pour se mettre entre nous, Il ne feroit pourtant que ceste main vous lâche, Ie feray vostre guide, encor qu'il vous en fâche. 70 Ne me reiettez point, me voulez-vous priuer Du bonheur le plus grand qui me puisse arriuer?

S'il vous plaift de grauir fur l'ombrageuse teste D'vn coustau bocager, me voyla toute preste:

[209^v] S'il vous plaist vn vallon, vn creux antre obscurci, 75 L'horreur d'vne forest, me voyla preste ausi:

S'il vous plaist de mourir, et qu'vne mort soudaine

Seule puisse estoufer vostre incurable peine,

Ie mourray comme vous, le nautonnier Charon

Nous passera tous deux les varues d'Acheron.

Nous paffera tous deux les vagues d'Acheron.

Mais ployez, ie vous pry, cet obstiné courage,
Surmontez vostre mal, surmontez vostre rage.
Où est de vostre cœur la generosité?
Voulez-vous succomber sous vne aduersité?

Edipe.

O la grande vertu! bons Dieux! ce peut-il faire Que i'aye onque engendré fille si debonnaire? Ce peut-il faire helas! qu'vn lict incestueux Ait peu iamais produire enfant si vertueux? Desormais ie croiray qu'vne Louue outrageuse Nourrisse dans ses flancs vne Brebis peureuse: Que d'vn Pigeon craintif foit vn Aigle naissant, Et d'vn Cerf lasche-cœur vn Lion rugissant: Que la nuict tenebreuse engendre la lumiere, Et la brune Vesper l'Aurore iournaliere:

95 Puisque d'vn sale hymen, que nature desend, De la mere et du fils, peut naistre vn tel ensant.

Laisse moy, mon souci, veux-tu bien que i'endure Que mon pere soit mort sans venger son iniure? Pourquoy me serres-tu de ta virgeale main Ma dextre parricide, et mon bras inhumain.

100 Ma dextre parricide, et mon bras inhumain, Taché du mesme sang qui me donna naissance? Mechante, abominable et pestifere engence!

Ie ne fay qu'allonger la trame de mes maux:

Ie ne vy pas, ie sens les funebres trauaux

105 D'vn qui tombe au cercueil, mon ame prisonniere

[210] Est close de ce corps, comme vn corps de sa biere.

Tu penses me bien faire en prolongeant ma fin,

Mais ie n'ay rien si cher qu'accourcir mon destin.

Tu retardes ma mort qu'auancer ie desire,

Car la vie est ma mort, et mon mal deuorant
Ne peut estre guari si ce n'est en mourant.

»Qui contraint viure aucun qui n'en a pas enuie,

»N'offense moins qu'ostant à quelque autre la vie.

115 Par ainsi laisse moy: i'ay, desireux, quitté
Du Royaume Thebain l'antique dignité:
Mais ie n'ay pas, laissant ce royal diadéme,
Despouillé le pouuoir que i'auois sur moymesme.
Ie suis maistre de moy, personne ne me doit

120 Defendre, ou commander: car moy feul i'ay ce droit.

Antigone.

N'aurez-vous point pitié de ma douleur amere?

Edipe.

N'auras-tu point pitié du malheur de ton pere?

Antigone.

Voftre malheur eft grand, mais vn cœur genereux Surmonte tout malheur, et n'est point malheureux.

$\mathbf{E}\mathbf{d}$	i	n	۵

Le malheur où ie fuis n'est pas remediable.

125

Antigone.

Du malheur qui vous poingt vous n'estes pas coupable.

Edipe.

Apres m'estre du sang de mon pere polu?

Antigone.

Non, puisque l'offenser vous n'auez pas voulu.

Edipe.

I'ay ma mere espousee, et massacré mon pere.

Antigone.

Mais vous n'en sçauiez rien, vous ne le pensiez faire.

130

Edipe.

C'est vne forfaicture, vn prodige, vne horreur.

Antigone.

Ce n'est qu'vne fortune, vn hasard, vne erreur.

Edipe.

Vne erreur, qui le sang me glace quand i'y pense.

Antigone.

Ce n'est vrayment qu'erreur, ce n'est qu'vne imprudence. Edipe.

Quel monstre commit onc telle mechanceté?

135

Antigone.

»Personne n'est mechant qu'auecques volonté.

Edipe.

Ce font propos perdus: Tu ne fçaurois combatre Par tes fortes raisons mon cœur opiniastre. l'ay desir de mourir, et de plonger mon mal

Auec mon ame serue, en l'abysme infernal: Et si plus bas encore vn trespaßé deuale,

Plus bas ie veux tomber que la voûte infernale.

Penses-tu pour m'oster de la dextre le fer, Pour m'ofter vn licol, ourdy pour m'estouffer, Pour destourner mes pas des roches sourcilleuses,

Et pour me reculer des herbes venimeuses, M'empescher de mourir? tu tasches pour neant

De me clorre l'enfer qui est tousiours beant.

145

140

»La mort s'offre fans cesse: et combien que la vie 150 »De tout chacun puisse estre à tout moment rauie.

»La mort ne l'est iamais, la mort on n'oste point. »Quiconque veut mourir, trouue la mort à poinct.

»Mille et mille chemins au creux Acheron tendent,

»Et tous hommes mortels, quand leur plaist, y descendent.

155 O mort, ô douce mort! viens estouper mes sens, Et me perce le cœur de tes dards meurtrissans, Deschire moy le sein de tant d'horreurs capable, Arrache moy la vie, et l'esteins, pitoyable, Sous cette roche dure en eternel recoy,

160 Et que iamais Phebus ne rayonne fur moy.

Laisse le Styx, mon pere, et tousiours accompagne

La bourrelle Alecton, de mon ame compagne:

Voy ses tisons soulfreux, ses foüets, et ses serpens

Enslez de noir poison, sur mes poumons rampans,

165 Mon eternelle peine, et la prens pour vengence,
[211] Ta douleur confolant de mon horrible offense.
Que s'il ne te suffist, comme certe il n'est mal
Pareil à mon forsait, à mon forsait egal,
Si tu te deulx encor' du peu de mes encombres,

170 Aimant mieux que ie fois auec les triftes Ombres
Sur les bourbeux palus des creux Enfers grondans,
Fay que la terre s'ouure et me pousse dedans:
Fay moy porter le roc, qui sans cesse deuale,

Fay moy porter le roc, qui fans cesse deuale, Fay moy souffrir la soif et la faim de Tantale, 175 Que du cault Promethé i'aye la passion, Du tonnant Salmonee, et du traistre Ixion:

Tous leurs tourments ensemble à peine pourront estre Suffisans pour moy seul, damné deuant que naistre. Sus donc Edipe, sus, ne t'outrage à demy,

180 Ce n'est pas assez d'estre à tes yeux ennemy,
Tes yeux seuls n'ont forsait, tu es en tout coupable,
Et n'y a rien de toy qui ne soit punissable.
Ouure toy l'estomac, dechire toy le sein,
Arrache toy le cœur de ta sanglante main,

185 De ta main parricide, et qu'elle mesme paye A ton pere le prix de sa mortelle playe.

210

215

220

Antigone.

Pour Dieu, mon Geniteur, appaifez vostre mal, Puis qu'il ne vient de crime, ains d'vn malheur fatal: Escoutez-moy pauurette, et vostre oreille douce Ma suppliante voix par desdain ne repousse. 190 Ie ne demande pas que vous vueillez encor Reprendre en vostre main le sceptre d'Agenor: Ie ne demande pas, que de loix falutaires Vous vueillez gouuerner vos peuples volontaires, Et que vostre famille abysmee en malheur 195 Vous vueillez redresser en son antique honneur: [211^v] Ie ne vous requiers pas que le dueil qui vous tue Vous vueillez despouiller de vostre ame abatue: » Combien qu'il appartienne à l'homme de grand cœur, »D'estre de la fortune en ses assauts vainqueur, 200 »Et de ne succomber à la douleur maistresse: » Ains de fouler aux pieds la rongeante triftesse, » Qui rampe dans nostre ame, incurable poison, »Si lon ne la destrempe auecques la raison. 205

Pourquoy recourez vous à la mort pour remede?
Sinon que voître force à la Fortune cede,
Que contre son assaut vous n'estes assez fort,
Et que vous ne pouuez soustenir son essort.
Mais las! que sçauroit plus la Fortune vous faire?
Sçauroit-elle estre plus qu'elle vous est contraire?
Iupiter, qui peut tout, ne sçauroit augmenter
Le comble du malheur qui vous fait lamenter.

Quel bien esperez-vous aux riues tenebreuses,
Eternel compagnon des ames malheureuses,
Que vous n'ayez ici? Ne souffrez-vous autant
Que vous pourriez souffrir sur l'Acheron estant?
Qu'est-ce qui vous asprist? quelle fureur vous pique
De vouloir deualer au marez Plutonique?
Est-ce pour ne voir plus ce beau iour escarté?
Vos yeux perdent du iour l'amiable clarté.
Est-ce pour vous priuer du royal diadéme?
Pour quitter vos palais? Vous en priuez vous mesme.
Est-ce pour vous bannir loin de vostre païs,

Loin de femme et d'enfans? Vous les quittez haïs:
225 Vostre sort inhumain de cela vous deliure.
Partant vous ne deuez vous lamenter de viure.
Car la vie vous oste autant que le trespas
[212] A coustume d'oster à ceux qui vont là bas.
Quel bien vous peut donner cette mort souhaitee?
230 Qu'aurez-vous plus estant vne ame Acherontee?

Edipe.

Ie me veux feparer moymefme de mon corps: Ie me fuiray moymefme aux Plutoniques bords: Ie fuiray ces deux mains, ces deux mains parricides. Ce cœur, cest estomac, ces entrailles humides 235 Horribles de forsaits, i'essoigneray les cieux,

L'air, la mer, et la terre, edifices des Dieux.

Puis-ie encore fouler les campagnes fecondes Que Cerés embellift de cheuelures blondes? Puis-ie respirer l'air? boire l'eau qui refuit? 240 Et me paistre du bien que la Terre produit? Puis-ie encore, polu des baisers d'Iocaste, De ma dextre toucher la tienne qui est chaste? Puis-ie entendre le son, qui le cœur me resend, Des sacrez noms de pere et de mere et d'ensant?

Las! dequoy m'a feruy qu'en la nuict eternelle
l'aye fait amortir ma lumiere iumelle,
Si tous mes autres fens egalement touchez
De mes crimes ne font comme mes yeux, bouchez?

Il faut que tout mon corps pourrisse sous la terre,
250 Et que mon ame triste aux noirs riuages erre,
Victime de Pluton. Que fay-ie plus ici
Qu'infecter de mon corps l'air et la terre außi?

Ie ne voyois encor la clairté vagabonde
Du iour, et ie n'estois encores en ce monde,
255 Les doux flancs maternels me retenoyent contraint,
Qu'on me craignoit desia, que i'estois desia craint.
Aucuns sont deuorez de la Parque seuere
Si tost qu'ils sont sortis du ventre de la mere:
[212] Mais las! ie n'en estois encore à peine issu,
260 Voire ie n'estois pas de ma mere conceu

Que ia desia la mort me brandissoit sa darde, Lors trop prompte à m'occire, et ores trop musarde. On arresta ma mort (miserable) deuant Que ie susse animé, que ie susse viuant.

O l'estrange auanture! vn pere veut dessaire Son petit enfançon premier que de le faire, Deuant que l'engendrer, et commande tuer Celuy qui le deuroit viuant perpetuer: Las! il craint le contraire, et son ame timide Pense que cet enfant sera son homicide.

270

265

Ainfi deuant que naistre, ains deuant qu'estre faict I'estois ia crimineux d'vn horrible forfaict: I'estois ia parricide, et ma vie naissante D'vn sort contraire estoit coupable et innocente. Ie sus mis au supplice außi tost que ie peu Gouster l'air de ce monde et que i'en sus repeu. On me perça les pieds d'vne broche slambante, Et haut on me pendit en la forest mouuante Du pierreux Cithéron, au sommet d'vn rocher, Pour nourrir les corbeaux de ma tendrette chair.

275

280

Mais helas! le Destin nuisiblement propice A mon futur malheur, m'arracha du supplice, Me preseruant pour l'heure, à fin que d'vn poignard l'ouurisse vn iour le sein de mon pere vieillard, Que ie deuois meurtrir par la voix prophetique, Trop veritable helas! de l'oracle Delphique.

285

Or l'ay-ie massacré de cette dure main, Vrayment dure et cruelle, et l'empire Thebain l'ay conquis par sa mort, ornant la mesme dextre, [213] Qui l'ame luy tolut, de l'honneur de son sceptre.

290

295

Encor ne fust-ce tout: car le ciel me voulant Accabler de mesfaicts, et les accumulant Par monceaux entassez, me feit (ô chose infame!) L'incestueux mary de ma mere, sa semme. Quel Scythe, quel Sarmate, et quel Gete cruel, Despouillé de raison, commit onc rien de tel? I'ay ma dextre laué dans le sang de mon pere, I'ay d'inceste polu la couche de ma mere.

I'ay produit des enfans en son ventre fecond, 300 Qui freres et enfans tout enfemble me font.

Ores i'ay tout quitté, fors toy mon Antigone, I'ay laißé femme, enfans, et de Thebes le throne, Le loyer de mon crime, helas! mais auiourd'huy Voyla ma geniture en bataille pour luy.

Tant ils ont de regner vne bruslante enuie, Tant ce desir les ronge, et ceste authorité Les contraint de forcer tout droict de pieté.

Ce malheur est conioinct au sceptre Agenoride,
310 De s'acquerir tousiours auecque parricide:
Außi mes deux enfans y courent acharnez
Comme Lyons griffus au combat obstinez.
Polynice se plaint que son frere luy vole
Son droit, et le fraudant, sa promesse viole:
315 Inuoque le secours des grands Dieux colerez

Contre ceux qui les ont en ferment pariurez:
A faict armer, banny, pour la querelle fienne
Les Gregeoises citez, la ieunesse Argienne:
Veut forcer son germain, qui ne luy veut ceder
220 Le royaume vsurpé, qu'il veut seul posseder.

230 Le royaume viurpé, qu'il veut seul posseder.

[213^v] Le terroir Cadmean fourmille de gendarmes,

Tout est plein de cheuaux, de dards, de feux, de larmes,

De plaintes et de cris: le laboureur s'enfuit,

Tout ce bord retentist de tumulte et de bruit.

Antigone.

Quand vous n'auriez, mon pere, autre cause de viure, Que pour Thebes desendre et la rendre deliure Des combats fraternels, vous ne deuez mourir.

Ains vos iours prolonger pour Thebes secourir:

Vous pouuez amortir cette guerre enslammee,

330 Seul vous auez puissance en l'yne et l'autre armee:

Des mains de vos enfans vous pouuez arracher
Le fer desia tiré pour s'entredehacher.
Vous pouuez arrester la fureur qui chemine,
Comme vn ardant poison, par leur chaude poitrine,

335

340

Et de vostre patrie esloigner les dangers
Qui la vont menassant de soudars estrangers:
La mettant en repos, et comme d'vne corde
Serrant nos cœurs vnis d'vne sainte concorde.
Viuez donc ie vous pry, viuez doncques pour nous,
Si viure desormais vous ne voulez pour vous:
Vostre vie est la nostre, et qui l'auroit rauie,
Auroit raui de nous et d'vn chacun la vie.

Edipe.

Que ces maudits enfans ayent respect à moy? Qu'ils desarment leurs mains, et se gardent la foy? Les traistres, les mechants, affamez de carnages, 345 Confits en cruautez, en fraudes et outrages, D'empires conuoiteux, ne sçauroyent faire bien, Dignes de moy leur pere, et du lignage mien. Ils font plongez en mal, leur esprit ne propose Qu'ourdir et que tramer toute execrable chose. 350 Leur esprit n'est pousé que de toute fureur, [214] La crainte des grands Dieux ne leur donne terreur, Ils ne reuerent rien, la honte paternelle, Ny l'amour du pays ne leur est naturelle: Ils s'entremeurtriront, si la bonté des Dieux 355 Ne retient auiourd'huy leur glaiue furieux. C'est pourquoy me conuient souhaiter que ie meure, C'est pourquoy trop long temps au monde ie demeure, Estant pres de souffrir, differant mon trespas, De pires pasions que ie ne souffre pas. 360

Antigone.

Par vos cheueux grifons ornement de vieillesse, Par cette douce main tremblante de foiblesse, Et par ces chers genoux que ie tiens embrassez, Ce mortel pensement ie vous prie effacez De vostre ame affligee, et laissez cette enuie De mourir, où le fort trop cruel vous conuie. Viuez tant que Nature ici vous souffrira, Puis receuez la mort quand elle s'offrira:

Sammlung französ. Neudrucke. 5.

2

365

Elle vient affez toft, et iamais ne ramene 370 Vne seconde vie en la poitrine humaine.

Edipe.

Ma fille, leue toy, tu me transis le cœur, Ton louable desir sera du mien vainqueur: Appaise ta douleur, ma chere vie, appaise La tristesse et l'ennuy que te fait mon malaise.

Me trauersent les os et me font affoler.

Ie viuray, ma mignone, à fin de te complaire,
Et traineray mon corps par ce mont solitaire
Autant que tu voudras, rien ne me peut douloir

380 Qui se face à ton gré, ie n'ay autre vouloir.

Ie franchiray les flots de la mer Egeane,

Ie plongeray ma teste en la flamme Etneane,

[214] S'il te plaist: et d'vn roc, touchant le ciel des bras,

Ie m'iray sans frayeur precipiter à bas:

385 S'il te plaift maintenant ie feray la viande D'vn Lyon rauisseur, d'vne Louue gourmande. Ie viuray, ie mourray, selon qu'il te plaira, Ta seule volonté ma conduitte sera.

Antigone.

Viuez doncque en repos, fans que voltre pensee 390 Soit des malheurs passez desormais offensee.

Edipe.

Ie me veux reposer en cet antre caué, Dans ces horribles monts tristement enclaué, Qu'vn fort buisson encerne, et d'vne ondeuse source Le beau crystal errant en eternelle course.

395 Là fur vn tuf aßis, et du coude appuyé
l'entretiendray d'espoir mon esprit ennuyé,
Que la mort secourable en brief me viendra prendre,
Et mon ame fera sur l'Erebe descendre:
Tandis, mon reconsort, que tu auras le soing

400 De me faire apporter ce qui m'est de besoing. Or retourne à ta mere, et si tu peux l'incite D'appaiser de ses fils la querelle maudite.

Chœur de Thebains.

Pere que par noms diuers	
O Pere que par noms diuers L'on inuoque par l'vniuers,	
Nomien, Euaste, Agnien,	405
Bastarean, Emonien,	
Toufiours orné de pampres verds:	
Qui parmy le foudre nasquis,	
Et dedans la cuisse vesquis	
De Iupiter, qui te porta	410
Iusques à tant qu'il t'enfanta	
[215] A Nyfe, qu'apres tu conquis:	
Qui l'ombreuse croupe du mont	
Du faint Parnasse au double front,	
Fais retentir, et Cithéron,	415
Et les montagnes d'enuiron,	
Au bruit que tes Menades font:	
Quand auec les Satyres nus	
Aux pieds de bouc, aux fronts cornus,	
Dançant en maints follastres tours,	420
Celebres au fon des tabours	
Tes hauts mysteres inconnus.	
Lors que les rebelles Geans	
Grauirent aux champs Phlegreans	
Contre le ciel, à grands efforts,	425
Gyge et Mimas tu rendis morts	
Dedans les fourneaux Etneans.	
Tu t'es, magnanime, vengé	
Du Roy Thracien enragé:	
Agaue et l'Edonide chœur	430
Ont puny Penthé ce mocqueur,	
Qui ton nom auoit outragé.	
Sans crainte aux Enfers tu descens,	
Les Tigres te font blandissans,	
Les bruyans fleuues tu flechis,	435
Les barbares mers tu franchis	
Leurs flots te sont obeissans.	
Ton nom s'est espandu fameux	
Au Gange et Araxe escumeux,	

Et ton exercite pampré 440 Victorieux a penetré Bien loing iufqu'aux peuples gemmeux. [215] Escoute pere, ô bon Denvs. Raffemble les cœurs defunis Des freres plongez en difcords, 445 Et de nos Beotiques bords Toutes calamitez banis. Garde la Thebaine cité De domestique aduersité: Ta mere à Thebes te conceut, 450 Et ton pere à Thebes receut Ta premiere natiuité. Icv tes Thyades, hurlant, Vont au foir l'herbette foulant, Leurs thyrses Nyseans vestus 455 De vigne aux branchages tortus, A cheueux espars sautelant. Vien, ô vien Euach, Agyeu, Vien nostre tutelaire Dieu, Nous t'inuoquons, nous te prions, 460 A toy, defolez, nous crions, Chasse tout malheur de ce lieu. Si nous receuons, ô feigneur, De toy ce desiré bonheur, Tandis que le ciel tournera, 465 Tandis que la mer flotera, Nous chanterons à ton honneur.

ACTE II.

IOCASTE. MESSAGER. ANTIGONE.

[216] Tocaste. COleil qui gallopant par ce rond spacieux, Illumines la terre et la voûte des Cieux, Regarde par pitié, cernant ce grand espace. 470 Le desastreux esmoy de nostre pauure race: Voy qu'apres tant de maux, l'vn fur l'autre amassez. D'vn extreme mechef nous fommes menacez Thebes tombe en ruïne, et les Grecques cohortes Viennent en grand' fureur pour forcer nos sept portes: 475 Mes enfans embrasez d'vn desir enragé D'occuper mechamment le royaume outragé De leur vieil geniteur, taschent d'effort contraire A s'entredespouiller du sceptre hereditaire. Agaue Bassaride a de son thyrse saint 480 L'irreuerend Penthé mortellement atteint, Penthé sa geniture, et de son sang liquide A, cruelle, arrosé le chœur Aëdonide: Mais le sanglant messait de son cœur insensé De Bacchiques fureurs plus outre n'a paßé. 485 Moy ie n'ay pas esté tant seulement mechante, Mais i'ay faict ces mechants de qui ie me lamente: Ie les ay engendrez pour estre le flambeau De cette grand' Cité prochaine du tombeau. Meffager. Race du vieil Creon, secourez ie vous prie, 490 Secourez promptement la commune patrie. Accourez, hastez-vous, repoussez les tisons Ia ia prests à lancer sur les toicts des maisons. L'ennemy se presente, et cette longue plaine Fourmille de foudars, que Polynice ameine, 495 Demandant animeux, que l'accord conuenu Pour le sceptre Thebain luy soit entretenu. [216^v] Il a toute la Grece arrangee en bataille, Sept divers escadrons entournent la muraille.

500 Prests de venir aux mains: secourez, defendez Nos murs, de vos enfans contrairement bandez.

Antigone.

Allons Madame, allons, vos maternelles larmes De leurs guerrieres mains feront tomber les armes. Vous les pourrez reioindre en vne bonne amour, 505 Et faire qu'au Royaume ils commandent par tour.

Iocafte.

Las ie ne sçay que faire! à bon droict Polynice Se plaint qu'en le chassant Eteocle iouisse Seul du sceptre ancien, combien qu'il soit celuy Qui le doiue pretendre ausi bien comme luy:

510 Toutesfois deietté de sa natiue terre, Ia depuis trois moissons de ville en ville il erre Miserable et chetif, iusqu'à tant qu'il s'est veu Chez Adraste, qui l'a pour son gendre receu. Il a des Rois voisins imploré les armees,

515 Dont il couure auiourd'huy les campagnes Cadmees, Pour recouurer des mains d'Eteocle, l'honneur D'estre de nos citez legitime seigneur. Il fait bien de vouloir ce que le droict luy donne,

Et tascher de l'auoir, mais d'vne façon bonne.

Pour qui me banderay-ie? helas! auquel des deux Ma faueur donneray-ie, estant la mere d'eux? Ie ne puis plaire à l'vn, sans à l'autre desplaire: Faire du bien à l'vn, sans à l'autre malsaire, Ny souhaiter que l'vn ait prospere succez,

525 Sans fouhaiter außi que l'autre l'ait mauuais.

Tous deux font mes enfans: mais bien que ie les aime
D'egale affection, comme mon ame mesme,
I'incline toutesfois beaucoup plus pour celuy

[217] Dont la cause est meilleure, et qui a plus d'ennuy.

530 »On a communément pitié des miserables, »Et leur condition nous les rend fauorables.

Messager.

Tandis qu'à lamenter vous despensez le temps, On approche des murs les estendars flotans,

540

545

565

Les bataillons ferrez dans la plaine heriffent Comme espics ondoyans qui par les champs blondissent: Ils reluisent du fer qui leur couure le dos: Le front, qui leur pallist sous les armes enclos, Sourcille de fureur: les yeux leur estincellent Comme esclairs slamboyans, quand les astres querellent.

Ia desia la trompette esclate vn son affreux, Ia les siers escadrons s'encourageants entr'eux Demarchent arrangez par la plaine poudreuse, Prests de s'entrechoquer d'vne ardeur colereuse. Voyez comme les chess la longue picque au poing S'auancent les premiers, de leurs batailles loing, Enragez de combatre, et d'acquerre vne gloire Au danger de leur sang, par l'heur d'vne victoire. Allez, auancez-vous, il est temps, depeschez, Vous les verrez bien tost l'vn à l'autre attachez.

Antigone.

Or allez donc, Madame, et fans leurs armes craindre
Abordez-les premier qu'ils viennent à fe ioindre:
Faites leur choir des mains leurs targues et leurs dars,
Sacquez de leur costé leurs meurtrissants poignars
Alterez de leur sang: et si la soif gloutonne
De s'entre-homicider si fort les espoinçonne,
Qu'ores la reuerence obessife au mespris,
Et leurs cœurs obstinez soyent de trop d'ire espris:
Plantons-nous au milieu des phalanges contraires,
Opposons la poitrine aux picques sanguinaires.

[217] Appaisons cette guerre, ou que les premiers coups 560
Des freres animez se donnent contre nous

Iocafte.

l'iray, i'iray foudaine, et feray toute preste D'affronter leurs cousteaux, et leur tendre la teste, Leur tendre la poitrine, à fin que celuy d'eux Qui meurtrira son frere, en puisse meurtrir deux.

S'ils ont quelque bonté, mes pitoyables larmes Les deuront esmouuoir à mettre bas les armes, Mais s'ils n'en ont aucune, ils deuront commencer En moy, leur parricide, et sur moy s'eslancer.

Antigone.

570 Les estendars dressez par les troupes remuent, Les scadrons ennemis sur les nostres se ruent, L'air courbé retentist sous le fremissement De tant de legions au combat s'animant: Recourez recourez à vos douces prieres,

Four retarder l'effort de leurs dextres guerrieres. Ils marchent pesamment, vous les aurez atteints Deuant qu'entre-affrontez ils soyent venus aux mains.

Iocaste.

Les camps vont lentement, mais les deux Capitaines Ont pour se rencontrer les demarches soudaines.

Quel tourbillon de vent me portera par l'air?

Quel Stymphalide oifeau fera mon corps voler?

Quel Sphinx, quelle Harpye à la gorge affamee

Ira fondre au milieu de l'vne et l'autre armee,

Me portant fur le dos, pour à temps m'y trouuer,

585 Et vers mes fiers enfans ma priere esprouuer?

Meffager.

Elle court furieuse, ainsi qu'vne Menade Court au mont Cithéron, de son esprit malade: Ou comme vn trait volant par vn Scythe eslancé, Ou comme au gré du Nort vn nauire pousé, 590 Ou comme on voit au soir vne estoile luisante [218] Se glissant parmy l'air courir estincelante.

Permettent les bons Dieux, que nos Princes esmeus
De sa forçante voix, ne souillent animeux
Leurs glaiues coniurez d'vne mort fraternelle,

Leurs glaines conjurez d'vne mort fraternelle, 595 Ains que s'entre-embrassant ils rompent leur querelle!

Chœur.

VE l'ardente ambition
Nous cause d'affliction!
Qu'elle nous file d'esclandre!
Si l'alme paix ne descend
Sur nous peuple perissant,
Nous verrons Thebes en cendre.

Ce malheur toufiours nous ioint,	
Et collé ne cesse point	
De presser les Labdacides,	
Depuis que nos anciens	605
Quittant les champs Tyriens,	•••
Beurent les eaux Caftalides:	
Et_que Cadme poursuiuit	
Le faux Toreau, qui rauit	
Sur fa blandiffante crope	610
La belle Europe sa sœur:	
Et que le cault rauisseur	
La passa dedans l'Europe.	
Que, las d'auoir trauersé	
Iuſqu'à l'ondeuſe Dircé,	615
Sans recouurer la pucelle,	
Ny fon mugiffant larron,	
Fist au pied de Cithéron	
Sa refidence nouuelle.	
[218 ^v] Il bastit nostre Cité,	620
Et son terroir limité	
Du Bœuf, nomma Bœocie:	
Depuis ce temps-la toufiours	
Les malheurs y ont eu cours,	
Dont elle est ore farcie.	625
Depuis les monstres cruels	
Y naissent continuels:	
Sur la riue diapree	
De Cephise vn fier serpent,	
En cent tortices rampant,	630
Enuenima la contree.	
Plus haut que les chesnes vieux	
Il eleuoit furieux	
Sa longue teste sifflante,	
Reftant la plus part du corps	635
En maint et maint nœud retors,	
Desfur l'herbe flestrissante.	
Les champs de ses dents semez	
Furent d'hommes animez,	

655

Qui fortis, nouueaux gendarmes,
En bataillons ordonnez,
Außi toft qu'ils furent nez
S'entre-occirent de leurs armes.
Ils ne firent qu'vn feul iour
Deffur la terre feiour:
Le matin fut leur ieunesse,
Le midy leur âge meur,
Du soir la brune noirceur
Fut leur extreme vieillesse.

650
Acteon est deuenu

cteon ett deuenu
[219] Par fon defastre, cornu:
Du Sphinx la monstreuse forme
Nous veismes à nostre mal:
D'Edip' l'inceste brutal,
Et le parricide enorme.

IOCASTE. POLYNICE.

Iocafte.

TOurnez vos yeux vers moy, magnanimes guerriers, Dreffez vers moy vos dards et vos glaiues meurtriers, Sacquez-les dans mon fein, dedans cette poitrine, Qui coupable a porté la femence mutine

660 De ces maudits combats: employez les efforts
De vos robuftes mains fur ce mourable corps.
Soit vous qui accourez du riuage Argolide,

Soit vous qui accourez du riuage Argolide, Soit vous qui descendez du fort Agenoride, Estrangers, Citoyens, pesse-messe visez

665 A moy, qui ay produict ces freres diuifez:
Qui les ay engendrez de mon enfant leur frere,
Encore degoutant du meurtre de fon pere.
Deschirez-moy le corps, mes membres arrachez,
Et de mon tiede sang vostre sois estanchez.

Vous doutez? vous tardez? Pourquoy, ma Geniture, Voulez-vous à demy violer la nature? Que ne destrempez-vous vos armes en mon flanc, Si vous n'auez horreur de les souiller au sang ANTIGONE. 27

Tiré de mesme ventre, au sang de mes entrailles, Vous entremassacrant au pied de ces murailles? 675 Mettez les armes bas, ces armes despouillez, Ou au sang maternel sans crainte les mouillez. [219^v] Ne foit d'aucun respect vostre main retenue, Ie vous tens le gosier et la poitrine nue: Ie fuis entre vous deux: qui doy-ie le premier 680 De ma pleureuse voix à la paix conuier? Auguel m'addresseray-ie? auquel, commune mere, D'vne accolade sainte irav-ie faire chere? C'est à vous qui auez si longuement erré, Du cher embrassement des vostres separé. 685 Approchez, mon enfant, que vostre main nerueuse Renferme en son fourreau cette espee odieuse: Fichez moy cette hache en terre bien auant, Oftez ce grand pauois qui vous arme au deuant, Delacez cet armet, qui d'vne longue creste 690 Horrible m'effroyant, vous poise sur la teste. Decouurez vostre face. He pourquoy doutez-vous, Et vostre ardant regard eslancez à tous coups Desfus vostre germain? craignez-vous qu'il remue, Et qu'en vous embrassant traistrement il vous tue? 695 Non non ne craignez point, n'en ayez point de peur, Ie vous defendray bien de fon glaiue trompeur Vous targuant de mon corps, lequel faudra qu'il perce Deuant que l'inhumain iusqu'au vostre trauerse.

Que doutez-vous donc plus? doutez-vous de ma foy? 700 Auriez-vous bien, helas! desfiance de moy? Moy qui fuis voître mere?

Polynice.

Apres vn tel pariure De mon frere, il n'est rien qui desormais m'assure.

Tocaste.

705

Retirez du fourreau ce large coutelas, Reprenez la rudache et la mettez au bras, Rebouclez vostre armet, ne vous mettez en prise A vostre frere armé, de crainte de surprise.

409

C'est à vous de lascher les armes le premier [220] Qui estes cause seul de faire dessier:
710 Laissez-les, ie vous pry, pour vn petit d'espace,
A fin que Polynice à mon aise i'embrasse
Apres son long exil: c'est mon accueil premier,
Helas! et i'ay grand peur que ce soit le dernier.

Defarmez-vous, enfans. Est-ce chose seante
715 De vous tenir armez vostre mere presente?
Luy offusquer les yeux d'vn acier slamboyant,
Et aller de soudars sa vieillesse effroyant?
Vous faites vne guerre, où plus grande est la gloire
De se trouuer vaincu, que d'auoir la victoire.

720 » Craignez-vous qu'on vous trompe? Hà qu'il vaut beaucoup mieux

» Estre trompé, que d'estre aux siens fallacieux, » Souffrir quelque forfait que le faire soymesme, » Et perdre que rauir vn Royal diadême.

Mais ne craignez, enfans, vostre mere fera 725 Que l'vn trop fraudulent l'autre ne trompera. Ie ne vien pas icy, ie n'y suis pas venuë Trauailler de labeur ma vieillesse chenuë, Pour estre le tison de vos impietez, Mais pour fendre le roc de vos cœurs irritez.

730 Éteocle a fiché fa hache contre terre, Ietté fa targue bas, ça donc que ie vous ferre De mes bras maternels, ie ne me puis fouler De vous voir Polynice, et de vous accoler.

O mon cher Polynice, vne terre estrangere

735 A long temps retenu vostre ame passagere!

Vous auez longuement erré par les desers,

Par les riuages cois, par les vagueuses mers,

Fugitif, exilé, couru de la Fortune,

[220] Sans secours, sans addresse, et sans retraitte aucune.

Las! ie n'ay, voître mere, à vos nopces esté, Ie n'ay conduit l'espouse à la folennité: Ie n'ay pour honorer la feste nuptiale Enfleuré le lambris de la maison royale,

Des odeurs de Sabee embaîmé voître lict, Ny d'or elabouré decoré le chassict. Des voîtres dechaßé, vous estes allé rendre A vn prince ennemy, qui vous a faict son gendre:	745
Et ore, apres auoir si long temps seiourné Loing de mes yeux, en sin vous estes retourné, Non, comme l'esperois, au gré de vostre frere, Mais au sac du pays, comme vn prince aduersaire. O mon sils mon cher fils, ma crainte et mon espoir,	750
Que i'ay tant fouhaitté, tant desiré reuoir, Vous me priuez du bien que ie deuois attendre, Nous venant assaillir au lieu de nous desendre. Helas! faut-il mon fils, mon cher fils, et faut-il Qu'au retour desiré de vostre long exil,	755
Pour le commun esclandre en larmes ie me noye, Au lieu que ie pensois ne pleurer que de ioye? Mon fils, et falloit-il ne vous reuoir iamais, Ou en vous reuoyant bannir la douce paix Du cœur de la patrie, et de fureur ciuile	760
Nos peuples faccager et noître belle ville? Ainfi fans vous la guerre on ne verroit icy, Ainfi vous fans la guerre on ne verroit außi. La guerre vous eftreint d'vne fi forte ferre, Qu'on ne vous peut auoir fans que lon ait la guerre.	765
Mais combien que me soit vostre voyage dur, Venant pour saccager l'Amphionique mur [221] Et nos champs plantureux, si tressaillé-ie d'aise De ce que ie vous voy, vous embrasse, et vous baise: Ie volle de plaisir, pourneu que vos debats	770
Ne passent point plus outre, et cessent vos combats. Combien s'en est fallu, que ie n'ay veu descendre Sur vous, mes deux enfans, vn carnager esclandre! Ie tremble et ie fremis de la glaceuse peur Que vos flambans harnois m'ont coulé dans le cœur.	775
Ie vous pry par les flancs, où neuf Lunes vous fustes, Et où vostre naissance, ains que naistre, vous eustes, Par mes cheueux grisons, par les aduersitez Dont vostre pere et moy sommes tant agitez,	780

Et par la pieté, par le cœur debonnaire
De la pauure Antigone appuy de voître pere,
Rechassez cette armee, et loing de nos creneaux,
785 Loing de nos belles tours destournez ces slambeaux.
Faites marcher ailleurs vos guerrieres phalanges,
Commandez retirer tous ces peuples estranges:
Portez vos estendars en d'autres regions
Sans nous espouuanter de tant de legions.

Qui les larmes aux yeux à iointes mains vous prie: C'est assez tourmenté vostre seiour natal, Vous luy auez assez faict endurer de mal. Vostre patrie a veu ses nourricieres plaines,

795 De cheuaux, de harnois, et de gendarmes pleines: Elle a veu ses coustaux reluire, comme esclairs, D'armets estincelans, de targues, de bouclers, Ses champs herissonner de picques menassantes, Au lieu de beaux espics aux pointes blondissantes:

800 Elle voit ses guerets par les cheuaux poitris,
[221^v] Les pasteurs dechassez, et leurs troupeaux meurtris:
Les ches au front superbe, eleuez apparoistre
Sur des chars triomphans, et leurs gens reconnoistre:
Les villages flamber, les cases de Bergers

805 Seruir de corps de garde aux foudars estrangers: Et ce qui est le pire, elle voit les deux freres L'vn sur l'autre acharnez de fureurs sanguinaires, Se chercher de la vie, et comme Ours furieux, Se vouloir deschirer de coups iniurieux.

C'est la ville, mon fils, où Dieu vous a fait naistre, Et où vous defirez l'vnique seigneur estre. Quelle bouillante rage et quel forcenement Vous espoind de vouloir destruire en vn moment Vostre propre Royaume, et le voulant conquerre 815 Le faire saccager par des hommes de guerre?

Comment? et voudrez-vous ietter pié contre-mont Ces grands monceaux pierreux, qui fourcillent le front, Ouurage d'Amphion? les riches edifices De tant de beaux palais, decorez d'artifices?

845

850

Aurez-vous, Polynice, aurez-vous bien le cœur	820
D'y prendre du butin, si vous estes vainqueur?	
Et aurez-vous, helas! aurez-vous le courage	
De les voir rauager, les voir mettre au pillage?	
Trainer par les cheueux les vieux peres grifons,	
Et leurs femmes de force arracher des maisons?	825
Les filles violer entre les bras des meres?	
Et les ieunes enfans mener comme forçaires	
Le col en vn carcan, et les bras encordez,	
Pour leurs maistres seruir en plaisirs desbordez?	
Mais pourrez-vous encor voir la ville troublee,	830
De tumultes, de cris, de carnages comblee?	
[222] Les corps des citoyens, I'vn fur l'autre entassez	
De trauers, de biais, sans ordre entrelassez,	
(Spectacle miferable!) encombrer les passages,	
Et du fang regorgeant les rouges marescages?	835
Voir ardre les maisons, et les hostes dedans	
Cruellement brufler fous les cheurons ardans?	
Et brief faire vn tombeau, vn bucher mortuaire	
De Thebes, qui vous est vn bien hereditaire?	
Ie vous pri' ie vous pri' despouillez ce rancœur,	840
Et d'humble pieté remparez vostre cœur.	

Polynice.

Seray-ie donc toufiours errant parmy le monde?
Traineray-ie ma vie à iamais vagabonde?
Comme vn homme exilé, me faut-il à iamais
Mon viure mendier de palais en palais,
Sans terre, fans moyens? Quelle peine plus dure
Eußé-ie deu porter fi i'eusse esté pariure
Comme cet affronteur? Doy-ie souffrir le mal
Que deuroit endurer vn cœur fi desloyal?
Faut-il qu'il ait profit de sa fraude et malice?
On se retirera l'affligé Polynice?

Où se retirera l'affligé Polynice? Où voulez-vous qu'il aille? Eteocle ha le bien Du commun heritage, et ne me laisse rien.

Qu'il iouisse de tout, qu'il ait seul le Royaume, Et qu'on me baille aumoins quelque maison de chaume, 855 Ce fera mon palais, ie me pourray vanter
D'auoir quelque manoir fans ailleurs m'absenter.
Mais ie n'ay rien du tout, et me conuient pour viure,
Comme esclaue habiter chez Adraste et le suiure.

860 »O que c'est chose dure et qui tourmente bien,
»Se voir de maistre esclaue, et de Roy n'estre rien!

Iocaste.

Si vous auez desir d'estre supreme Prince,
[222] D'auoir sous vostre main suiette vne prouince,
Et que ne puissez viure exempt de royauté,
865 Laissez-là vostre frere, et sa desloyauté,
Cherchez nouueau party: ceste masse terrestre
De cent sceptres plus beaux ornera vostre dextre.

Poussez de vos foldars les fieres legions
Dans les champs Lydiens, fertiles regions,
870 Où les fameuses eaux de l'opulent Pactole
Coulent en cent replis des rochers de Tymole:
Monstrez vos estendars aux riuages retorts
Du sommeilleux Meandre, et les monstrez aux bords
Du creux Eurymedon, aux claires eaux de Xanthe,

875 Qui du mont Idean a fa course naissante.

Donnez en la Lycie, et aux champs Syriens,
D'où iadis sont issue nos peres Tyriens.

Faites bruire le fer de vos lances Argiues,
Et craquer vos harnois sur les lointaines riues
880 Du Tygre Armenien, où le beau Soleil blond

Deuant qu'il foit à nous monftre l'or de fon front.

C'est là qu'Adraste doit guider ses forces prestes,
C'est là qu'il doit pretendre à faire ses conquestes:
Là vaudra beaucoup mieux vos forces employer

Ses Pour vn sceptre nouueau, que de nous guerroyer:
Vous y pourrez, sans crime, acquerre vn diadême.
Là Thebes vous aurez, et vostre frere mesme
Suiuant vos estandars, et nous qui sommes vieux,
Pour l'heur de vostre armee inuoquerons les Dieux.

Proposez-vous außi les douteuses issues Des batailles souuent insperément perdues:

Combien Mars est instable, et que le fort humain Est-tousiours, mais sur tout aux combats, incertain. [223] Car bien que l'Achaie et l'Inachie ensemble, Portant vostre querelle, en vostre camp s'assemble: Si est-ce que tousiours Fortune y aura part, Et que l'euenement despendra du hasard.

895

Laissez donc ceste guerre, où tout est plein de doute, Où la victoire n'est plus seure que la route, Qui destruit la patrie, et saccage des Dieux, Nos publiques patrons, les temples precieux.

900

Polynice.

Et que pour le loyer de sa fraude impudente Il tienne le Royaume, et que moy ie m'absente? Iamais iamais Madame, il faut qu'il soit puny De m'auoir traistrement de ma terre banny.

905

Iocaste.

Celuy est bien puni qui à Thebes commande, Nul n'y a maistrisé sans aduersité grande. Depuis Cadme nombrez, vous n'en verrez aucun Qui n'ait esté battu de ce malheur commun.

Polynice.

»Il n'y a tel malheur que perdre son empire.

910

Iocafte.

» Qui fait guerre à fon frere est encore en vn pire. Polynice.

De poursuiure vn pariure appellez-vous malheur?

Iocaste.

Il est vostre germain.

Polynice.

Mais ce n'est qu'vn volleur,

Vn volleur de Royaume.

Iocafte.

Il est plus agreable

Aux citoyens que vous.

Polynice.

Et moy plus redoutable.

915

Sammlung französ. Neudrucke. 5.

Iocaste.

Les voudriez-vous regir contre leur volonté?

Polynice.

»Vn peuple contumax par la force est donté.

Iocaste.

En la haine des miens ie ne voudrois pas viure.

Polynice.

Ne regne, qui voudra de haine estre deliure.

220 Car auec le Royaume est la haine tousiours,

"Tousiours elle se voit dans les royales Cours:

Et croy que Iupiter sur les Cieux ne commande,

Sans estre mal-voulu de la celeste bande.

Ne me chault de me voir de mes peuples haï,

925 [223] Moyennant que ie sois et craint et obeï.

Iocafte.

C'est vne grande charge, vn faix insupportable.

Polynice.

»Il n'est rien de si doux, ny de si delectable.
Pour garder vn Royaume, ou pour le conquerir
Ie ferois volontiers semme et enfans mourir,
930 Brusler temples, maisons, foudroyer toute chose:

Bref il n'est rien si saint, que ie ne me propose De perdre mille fois, et mille fois encor, Pour me voir sur la teste vne couronne d'or.

2 C'est tousiours bon marché, quelque prix qu'on y mette. 935 »Nul n'achette trop cher qui vn Royaume achette.

Chœur.

FOrtune, qui troubles toufiours
Le repos des Royales cours,
Balançant d'vne main trompeufe
Sur la teste d'vn Empereur
Le trop variable bon-heur
D'vne couronne glorieuse:
Toutes grandeurs tu vas plaçant
Sur vn rocher apparoissant,
Enuironné de precipices,
Prestes de cheoir au premier vent,

940

ANTIGONE.

Qui les atterre plus fouuent Qu'il ne fait les bas edifices. »Sans fin les Rois font agitez »De diuerfes aduerfitez,	
»Le foing et la peur ne les lasche: »Ils ne reposent nullement. »Car il leur semble à tout moment »Que la couronne on leur arrache.	950
[224] »La mer aux deux Syrtes flottant	
»Les ondes ne boulverse tant,	953
»Et Scylle si fort ne tempeste	
»Vn nauire de fes abois,	
»Que la peur tourmente les Rois	
»Des foupçons qu'ils ont en la teste.	
»Ils vont redoutans leurs voifins,	960
»Ils craignent leurs fuiets mutins,	
»La peur en leur ame est empreinte:	
»Ils veulent que d'eux on ait peur,	
»Et toutesfois tremblent au cœur	
»S'ils voyent que lon en ait crainte.	965
Nous ne voyons nos Rois Thebains Plus amis pour eftre germains:	
L'ambition qui les commande,	
Ne permet qu'en fincere amour	
Ils tiennent le sceptre par tour,	970
Et que l'vn à l'autre le rende.	
L'vn le retient à fon pouvoir,	
L'autre s'efforce de l'auoir:	
Ce pendant le peuple en endure,	
C'est luy qui porte tout le faix.	975
Car encor qu'il n'en puisse mais,	
Il leur fert toufiours de pasture.	
Mars dedans la campagne bruit,	
Nostre beau terroir est destruit:	
Le vigneron quitte la vigne,	980
Le courbe laboureur ses bœus,	
Le berger ses pastis herbeus,	
Et le morne pescheur sa ligne.	

3*

 $[224^{\mathrm{v}}]$

ACTE III.

MESSAGER. IOCASTE. ANTIGONE. HEMON.

Messager.

O Thebes miserable! ô Royauté comblee D'aduersité cruelle auiourdhuy redoublee!

Ah rancœur fraternelle!

Antigone.

Hé mon ami, pour Dieu Ne passe point plus outre, ains t'arreste en ce lieu. Demeure, où refuis-tu?

Iocaste.

Las ie tremble de crainte.

Antigone.

Dy nous, dy, ie te pri', la cause de ta plainte. Messager.

990 Tout est perdu.

Antigone.

Bons Dieux!

Iocaste.

Hà pauure femme!

Antigone.

Helas!

Iocafte.

Helas que ferons-nous!

Antigone.

Ne vous desolez pas,

Madame, moderez la douleur de vostre ame, Moderez vostre dueil, moderez-le.

Iocafte.

Ie palme.

Hà ma fille!

Antigone.

Hà madame!

Iocaste.

Hé hé que ferons-nous?

Antigone.

Las c'est tout vn pour moy, ie n'ay soin que de vous, 995 Ie ne plains que vous seule.

Iocafte.

Et moy que vous m'amie.

Antigone.

Sans vous ie voudrois eftre en la falle blefmie Du Roy Tartarean.

Iocaste.

Il m'y faut deualer.

Antigone.

Mais plustoft nous deuons nous entre-consoler.

Iocaste.

Eteocle eft donc mort?

Meffager.

Außi est Polynice.

1000

Iocafte.

Hà chetiue vieillesse! aumoins que ie les veisse.

Antigone.

Sont-ils morts au combat en hommes belliqueux?

Messager.

Ils font morts au combat, mais il n'y auoit qu'eux.

Iocafte.

Se font-ils combatus?

Messager.

De lance et coutelace.

Antigone.

Et s'entre-font tuez?

Messager.

Tous deux dessur la place.

1005

Iocafte.

O pauure mere, helas!

Antigone.

Soudart ie te supply,

Fay nous de cet esclandre vn discours accomply.

Messager.

Ia Mars s'allentissoit, et la creuse trompette

[225] Sonnoit de toutes parts la fanglante retraitte:

1010 Tout sentoit le carnage, et la campagne estoit Enfeuelie au fang, qui par ondes flotoit Sur les corps encombrez, que l'orageuse foudre Du bouillant Mars auoit renuersez sur la poudre.

Le belliqueux Tydee à terre gisoit mort, 1015 Le preux Hippomedon receuoit pareil fort, Le vaillant Capanee, Acron et Menecee, Amphiaree, Actor, le courageux Hypfee, Et tant d'autres guerriers de l'vn et l'autre camp, Qui gisovent par monceaux estendus sur le champ:

1020 Quand Polynice espoind d'vn regret miserable De se voir de la mort de tant d'hommes coupable, Adrafte va trouuer et l'arraifonne ainfi.

Ie suis cause tout seul de cest esclandre ici. Mon pere, et pour moy seul tant d'ames genereuses 1025 Vont maintenant trouuer les riues tenebreuses: Ie veux venger leur mort fur moymesme, sur moy, Ou fur ce faux Tyran violateur de foy: A fin que de nous deux, leurs communs homicides, Ne se puissent douloir les semmes Argolides.

Il eust bien mieux vallu, ie le connois trop tard, 1030 Que i'eusse en ma personne entrepris ce hasard, Premier qu'en bataillons les troupes ordonnees De contraires fureurs se fussent moissonnees, Et tant de braues chefs outrepercez de coups

1035 Fussent trebuschez morts le visage dessous. Mais puisque ie ne puis cette faute desfaire, Aumoins ores ie veux m'esprouuer à mon frere: Ie m'en vay le combatre. Adieu, prenez fouci De l'honneur de ma tombe, et de ma femme außi.

1040 [225] Ces propos, acheuez, il rendosse ses armes, Laissant Adraste là, qui fondoit tout en larmes, Comme on voit au printemps que Rhodope le mont Couuert de neige blanche, en cent ruisseaux se fond: Il franchist son cheual, qui le frein dans la bouche, .

1045 Battant du pié la terre, attend qu'on l'écarmouche: Puis le piquant alaigre, essancé de douleur, Le visage terni d'vne palle couleur,

Les yeux estincelans d'vne rage allumee, Se va planter au pied de la cité Cadmee. Appelle à haute voix Eteocle, et voyant Que nul ne descendoit sur le camp poudroyant, S'appuye de sa lance, et de se yeux mesure Vn lieu capable et propre à leur guerre future.

1050

Eteocle tandis dans le temple prioit
Ses tutelaires dieux, et leur facrifioit,
Quand Ephite accouru, l'eftomach hors d'haleine,
Et le poumon battant, luy dift à grande peine,
(Ainfi l'ay-ie entendu) Laiffez, Sire, ces vœux,
Et ne vous amufez aux entrailles des bœux,
Il n'eft temps de vaquer à faire facrifice:

1055

Voyla deuant les murs l'indigné Polynice, Qui vous fomme au combat, hastez-vous de fortir, Il veut vos differents par le fer departir. 1060

A ces mots il s'enflamme, ainfi qu'en vn bocage On voit vn fier Toreau s'enflammer le courage, Oyant dans vn vallon bugler fon ennemi: Il leue haut la teste, et boursoufflant parmi L'espais d'vn fort buisson, courageux se presente

1065

An deuant du troupeau que sa rage espouuante.

Eteocle en la sorte, outré dedans le cœur,

[226] Souffle par les nazeaux la rage et le rancœur:

Le seu luy sort des yeux, le front luy deuient palle,

Et le sang retiré dans le sein luy deualle.

On luy couure le corps d'vn acier flamboyant,

On luy met sur la teste vn armet effroyant:

Son coursier on ameine, où d'alaigresse promte

Auec vn ris amer sans auantage il monte:

1075

1070

Il empoigne vne lance au fer bien aceré, Son espee on luy donne et son pauois doré: Puis il se iette aux champs, et pres de Polynice, D'vne iuste carriere il entre dans la lice.

1080

Le peuple Agenoree accourt de toutes pars, Grimpe dessus les tours et dessur les rempars, Tout le monde lamente, et les larmes coulantes Arrosent d'yn chacun les faces blesmissantes.

Iocafte.

Helas! ma fille helas! que faifoyent lors nos pleurs? Que ne larmoyons-nous nos aigriffans malheurs?

Messager.

Les vieillars recourbez et les meres chenues, Outrageant leurs cheueux et leurs poitrines nues, 1090 Pleuroyent d'auoir trainé fi longuement leurs iours, Et fe vouloyent, de dueil, precipiter des tours.

Deux fois l'vn contre l'autre enuenimez coururent, Et deux fois rencontrez s'entre-offenser ne peurent: Polynice à la fin mist le bois dans le flanc

1095 Du roußin d'Eteocle, et le rougit de fang. Le cheual trebucha d'vne cheute pesante, Comme quand vn sapin, battu de la tourmente, S'eclate par le corps sur Parnasse le mont, Et faisant vn grand bruit tombe pié-contre-mont.

De fa lance eust plongé dans l'aine de son frere, [226^v] Saque l'espee au poing, et d'aueugle desir Court à luy le voyant sur la terre gesir:

Mais comme le palfroy trop bouillant il talonne,

Vers le pauure Eteocle, il tombe renuersé
Sur le cheual gisant le corps outre-percé.
Ils se leuent sur pieds, et l'espee en la dextre,
Et le pauois luisant dessur le bras senestre,

1110 S'attaquent l'vn à l'autre auec tout leur effort, Resolus de donner ou receuoir la mort.

La haine et le courroux fous l'armet apparoissent, La force et la vigueur, en se voyant, leur croissent: Ils roidissent le corps d'vne iambe auancez,

Se tirent coups de poincte, ore par la visiere,
Ore par l'estomach, d'vne addresse guerriere:
S'entre-fouillent au vif, faisant à chaque fois
Le rouge sang couler au trauers du harnois.

1120 Ils cherchent les defauts, decoupent les courrayes, Se defarment le corps, et se couurent de playes.

1145

1150

1155

Les deux camps arrangez les regardent douteux,

Qui sera le vaincueur de ce combat piteux.

Comme quand deux Sangliers, que l'amour aiguillonne,
Se viennent à choquer aux forests de Dodonne,
Ils s'amassent le corps horriblement grondans,
Se herissent le poil, escumassent des dens,
Font sonner leur machoire, et de grand' fureur portent
Dans le col ennemy les crochets qui leur sortent,
Se sont rougir le ventre: adonques le Pasteur
Qui d'vn coustau les voit se mussote de peur,
Fait signe à son mastin des mains et de la teste,
[227] Qu'il se tapisse coy de crainte de la beste.
Ainsi les deux guerriers, seul à seul bataillant,

D'vn courage indomté s'entre-alloyent chamaillant:

Se ruoyent acharnez coups d'eftoc et de taille,
Detranchoyent mainte lame et mainte forte maille,
Se marteloyent le corps, fur l'acier tempeftant,
Comme deux forgerons fur l'enclume battant
Vn fer à tour de bras, qu'on voit geindre de peine,
Se courber, refrongner, et fortir hors d'haleine.
Ou comme on voit außi la grefle craqueter
Sur le toict des maisons, quand l'ireux Iupiter
Contre l'alme Cerés en Esté se colere,

Ou qu'il froisse le chef de Bacchus le bon pere.

A la fin Polynice, à qui les lasches tours

De son frère ennemy se presentent tousiours,

Son exil vergongneux et la soy pariuree,

Se fasche qu'il ait tant contre luy de duree,

Grince les dents de rage, et se tenant tendu

Va de pieds et de mains, se iette à corps perdu

Contre son aduersaire, et de tel effort entre

Qu'il luy met demy pied de son espee au ventre:

Le sang en sort sumeux, comme sur vn autel

Le sang d'vn aigneau sume apres le coup mortel,

Que le prestre sacré dans la gorge luy donne.

Eteocle pallift, deuient foible, et s'estonne De voir son sang couler d'vne telle roideur: Il sent glacer son front de mortelle froideur, Auec fon peu d'effort, d'apparier fa playe
Sur le corps de fon frere: il le fuit et refuit,
Et l'autre, en le moquant, se destourne et le fuit.

[227] Ce pendant il se lasse, et n'a plus de puissance
1165 De supporter son corps: il perd toute esperance:

Il tombe renuersé, ses armes font vn bruit, Et ses yeux sont voilez d'vne effroyable nuit.

O miserable femme!

Antigone.
O fille infortunee!

O deteftable iour!

Antigone.
O maudite iournee!
Messager.

1170 Polynice affeuré d'auoir du tout vaincu,
Iette l'espee à bas, à bas iette l'escu,
Se desarme le corps de sa forte cuirace:
Puis, eleuant au ciel les deux mains et la face,
Rend grace aux immortels d'vne gaye ferueur,

1175 De luy auoir donné ce iourdhuy leur faueur.

Approche d'Eteocle, et pensant qu'il deust estre
Du tout desanimé, comme il faisoit paroistre,
Luy veut, comme vaincueur, le harnois arracher:
Mais ainsi que, mal-sage, il vient à se pencher,

1180 Courbé dessur la face, et les genous à terre,
Son frere le guignant, tout le reste reserre
De sa force escoulee, et s'animant le cœur
Et les ners languissans de sa vieille rancœur,
Sa vengeresse espee en l'estomach luy plante,
1185 Puis vomist, trespassant, son ame fraudulente.

Polynice du coup se sentant affoibly,
Et son ame nouer dans le fleuue d'Oubly,
Dist auec vn sanglot qu'il poussa des entrailles:
Tu vis donc, desloyal, et encore batailles

1190 De rufe et de cautele! allons allons là bas
Aux lices de Pluton acheuer nos combas.

1210

1215

1220

A ces mots il tomba fur le corps de fon frere, Meslant son tiede sang de son sang aduersaire.

Iocafte.

Dires du creux Tenare élancez-vous fur moy, [228] Sur moy qui fay troubler de nature la loy, 1195 Sur moy qui ay produit ceste guerre funeste, Produifant ces enfans d'vn execrable incefte. I'ay malheureuse, Edipe et d'Edipe conceu: I'ay mon enfant, ô crime! en ma couche receu, Mon enfant parricide, et la dextre av baifee 1200 Que mon espoux auoit de son sang arrosee. Que pouuoit, que deuoit estre au monde produit D'vn execrable Hymen qu'vn execrable fruit? Ils fe font maffacrez d'vne horrible furie: Des yeux de mon mary la lumiere est perie, 1205 Qui non contant de fuir la celeste clarté, S'est de Thebes banny, s'est de nous escarté.

A cette heure Croon trouuant le thrône vuide,
Sans peine vsurpera le sceptre Agenoride:
Et nous, sexe imbecile, esclaues seruirons
Sous le ioug d'vn tyran, sinon que nous mourons:
Mais i'aime mieux mourir, encore que tardiue
La mort pour mon bon-heur doresnauant m'arriue:
Et que ie deusse helas! si le ciel l'eust voulu,
Mourir auparauant que mon corps sust polu
Du sale embrassement de vous, ma Geniture,
De vous Edipe, autheur des malheurs que i'endure.

Mais, ô ma chere fille, accompagnez ses pas, Et ne l'abandonnez iusqu'au dernier trespas: Les Dieux ne permettront qu'vn faict si debonnaire Passe inutilement sans vn iuste salaire: Ains le recognoistront, et vostre pieté Florira celebree en immortalité.

Moy ie m'en vay descendre aux caues Plutoniques,
Pour refraischir les pleurs de nos malheurs antiques.

[228] Ia de long temps ie porte en mon sein douloureux
Ce poignard pour donter mon destin rigoureux.

Antigone.

Dieux! qu'est-ce que ie voy?

Iocafte.

Vn poignard falutaire.

Antigone.

Salutaire? et comment?

Iocaste.

Pour fortir de misere.

Antigone.

1230 O Iupiter! ô ciel! que dites-vous? bons Dieux!
Que vous ferez mourir?

Iocaste.

Que puis-ie faire mieux? Quel remede à mon dueil, à ma langueur extreme, Que d'auancer mon iour et mon heure supreme? Vien ô vien chere Mort, vien tost me secourir.

Antigone.

1235 Ie ne permettray pas que vous faciez mourir. Ça ce glaiue outrageux, il conuient que ie l'aye.

Iocafte.

Non non ie veux chercher, ie veux trouuer mon Laye Au filence d'Erebe. O Laye, ô mon efpoux, Ne me refusez point d'errer auecques vous 1240 Sur les riuages noirs, mon offense est nettie En vous sacrifiant mon ame pour hostie.

Antigone.

Hé Madame, pour Dieu, ne me vueillez laisser!

Iocafte.

Ma fille ne vueillez ma volonté presser.

Antigone.

C'est pour vous destourner d'vn propos dommageable.

Iocafte.

1245 Mais pour me destourner d'vn repos profitable.

Antigone.

Si ie fis iamais rien qui fust à vostre gré, Si à vous obeïr i'ay mon cœur consacré, Et si mon pere vieil en ses langueurs ie guide, Ie vous supply laschez cette dague homicide,

1250

Et vostre ame purgez du desir qui l'espoind:

Viuez viuez Madame, et ne vous tuez point.	
Iocafte.	
Au contraire fi one vostre cœur pitoyable,	
A voftre pere et moy fut iamais agreable:	
Si vous m'auez tousiours obeissante esté,	
Ne vueillez maintenant forcer ma volonté.	1255
Antigone.	
Voulez-vous que i'approuue vne chose mauuaise?	
[229] Iocafte.	
Voulez-vous reprouuer vn dessein qui me plaise?	
Antigone.	
Ie ne vous puis complaire en ce mortel desir.	
Iocafte.	
Rien que la feule mort ne me donne plaisir.	
Antigone.	
Si la mort vous plaist tant, si cette frenesie	1260
Est tellement empreinte en vostre fantaisie,	
Qu'il vous faille mourir, ie mourray donc außi.	
Descendriez-vous là bas, moy demeurant ici?	
Ie ne vous lairray point, ains ie fuiuray vostre Ombre,	
Sa compagne eternelle en la demeure fombre.	1265
Iocafte.	
Non non, viuez ma fille, et pourquoy mourrez-vous?	
Les Dieux fur vostre chef ne dardent leur courroux	
Comme fur moy chetiue: et leur douceur, peut estre,	
Comme à moy leur rigueur, ils vous feront cognoiftre.	
Antigone.	
Ie ne veux vous furuiure, ains veux que ce poignard	1270
Vostre cœur et le mien perce de part en part.	
Iocafte.	
En la fleur de vos ans?	
Antigone. Laisseroy-ie ma mere?	
Iocafte.	
Laisserez-vous plustost vostre langoureux pere,	
Solitaire, affligé d'incurables ennuis,	
Arrant los roux plancez en tenabrouses puiete?	1075

Antigone.

Hé que feray-ie donc? ô l'estrange destresse! Ie ne puis estre à l'vn que l'autre ie ne laisse: Si ma mere ie fuy, desourdissant mes iours, Mon pere ie lairray despourueu de secours.

1280 Auguel m'adresseray-ie? et auguel, ô pauurette, Suis-ie plus attenue et suis-ie plus sugette? Tous deux ie les honore en vn deuoir egal, Mais I'vn d'eux veut mourir, l'autre plorer son mal. l'aimerois mieux la mort de tant de maux outree.

1285 Et rien tant que la mort auiourdhuy ne m'agree. Mais quoy? mon pauure pere en accroiftroit son dueil, Et si ie ne pourrois l'enfermer au cercueil [229^v] Son heure estant venue, et ne pourrois encore Apres les derniers mots ses deux paupieres clorre.

1290 Il faut donc, malgré moy, que ie furuiue, helas! Que ie reste apres vous, veufue de tout soulas. O misere! ô langueur! ô fortune funeste!

Madame, mon espoir, le seul bien qui me reste Auec mon chetif pere, estousez, arrachez

1295 Ce desir de la mort, qu'aux glaiues vous cherchez. La mort vous est prochaine, attendez sa venue, Vostre ame ne peut guiere estre en vous retenue: Elle viendra foudaine, et vostre corps âgé Se verra sans effort de tourmens dechargé.

1300 N'auancez point vostre heure.

Iocafte.

Elle est toute arriuee,

Ia la mortelle darde est en mon cœur grauee. Dieu des profonds manoirs, qui les ombres des morts Reçois de toutes parts aux Acherontez bords, Roy du monde noirci pren mon ame esploree, 1305 Fuyant auec ce corps la grand' voûte azuree:

Pren mon ame plaintiue et la mets en requoy. Elle a fouffert toufiours depuis qu'elle est en moy, Elle fort des enfers en fortant de ce monde, Et cherche son repos en la Stygieuse onde.

Vien poignard doucereux, vien en moy te plonger, Et me fay promptement de ce corps desloger: Ie tarde trop, craintiue.

1310

Antigone.

Et que voulez-vous faire? Au fecours au fecours, elle fe veut desfaire. Vous ne vous turez pas, ie vous empefcheray.

Tocaste.

Ma fille c'est en vain, ie mourray ie mourray, Laissez-moy, laschez-moy, ma mort est resolue: Ie voy ia de Charon la teste cheuelue Et les larues d'Enser, i'entens l'horrible voix [230] Du chien Tartarean hurlant à trois abois.

1320

Entre glaiue en mon cœur, trauerse ma poitrine, Et dedans mes rongnons iusque aux gardes chemine: Adieu ma chere fille, or ie meurs, las! ie meurs, Soustenez-moy, ie tombe.

Antigone.

O malheur des malheurs!
O desastreux encombre! ô Royne miserable!
O lugubre infortune! ô trespas deplorable!
Hé madame, pourquoy me laissez-vous ains?
Hé pourquoy mourez-vous que ie ne meurs außi?
O rigoureux destin! ô Parque trop cruelle!
Las vos yeux vont notiant en la nuict eternelle:
Vostre vie est esteinte, et vostre esprit dolent
Aux goustres de Tenare est ore deualant:
Vne froide palleur vous ternist le visage:
Vous ne respirez plus, sumoins que i'eusse part
A l'homicide effort de ce rouge poignard.

1330

Larmoyable Erigone, apres tes dures plaintes Faittes dessur ton pere, et tant de larmes saintes Qu'au bois de Marathon triste tu respandis, Indulgente à ton dueil, d'vn licol te pendis. Ay-ie moins de douleur qu'en souffrit Erigone? Fut-elle plus piteuse en son cœur qu'Antigone?

1335

Et toutesfois ie vy, ie vy, mais en viuant Ie porte plus de mal que la mort esprouuant.

Voila mes deux germains morts dessur la pousiere,

1345 Ma mere entre mes bras vient d'estre sa meurtriere,

Mon pere erre aueuglé par les rochers segrets,

Remplissant l'air de cris, de pleurs et de regrets:

Nostre peuple est destruit, le sceptre Thebaïde

N'ornera desormais la race Agenoride.

1350 [230] Nous auons tout perdu: ce iour, ains ce moment Nostre antique lignage accable entierement. Et ie vy miserable! helas voire, helas voire! Mais ie voudrois desia dans le Cocyte boire. Ie surui malgré moy, pour ces corps enterrer

1355 De peur que les maîtins les aillent deuorer:
Et ie suruis außi, pour conduire mon pere
Et le reconforter en sa tristesse amere,
L'inhumer de mes mains, son corps enseuelir
Außi tost que la mort me le viendra tollir:

1360 Autrement autrement de mourir ie suis preste, Il n'y a que cela qui mon trespas arreste.

Hemon.

Quoy? ma chere Antigone, aurez-vous à iamais
Vostre esprit angoisé d'vn desastre mauuais?
Ces beaux yeux que i'adore, et qui m'embrasent l'ame,
1365 Arroseront tousiours de pleurs leur douce slame?
Quel malheur est-ce là? qui est ce corps gisant
Que vous allez ainsi de larmes arrosant?
Dequoy sert ce poignard en vostre dextre chaste?

Antigone.

Helas! c'est nostre Royne, helas! c'est Iocaste.

Hemon.

1370 Qui cause ce meches? ses deux enfans occis Sont ils cause d'auoir ses vieux iours accourcis?

Antigone.

De fes fils, mes Germains, la fortune annoncee Luy a dans l'estomac ceste dague ensoncee, Encor moite de fang, et son esprit desclos Vagabonde poußé de soupireux sanglots. Suis-ie pas bien perdue?

1375

Hemon.

Helas ma chere vie!

Vous eftes longuement du malheur pourfuiuie.

Ie plains vostre desastre: ô que n'est vostre esmoy,
Sans vostre ame affliger, tout enclos dedans moy!

Vous me naurez le cœur de vos piteuses plaintes,

[231] Ces soupirs gemissans me sont autant d'estreintes:
Appaisez-vous, mon ame, appaisez vos douleurs.

»Vn mort ne reuient pas pour nos dolentes pleurs.

1380

Antigone.

Puißé-ie tant plorer qu'auec les pleurs ie verse Mon ame, qu'vn tourment si redoublé trauerse.

1385

Hemon.

La mienne donc außi la puisse accompagner: Car ie ne veux, mon cœur, iamais vous esloigner. Tandis que vous viurez ie viuray, mais dés l'heure Que vous prendra la Parque, il faudra que ie meure. En vous seule ie vy, sans vous certes sans vous Ie trouuerois amer le plaisir le plus doux. Si vous auez du dueil, i'auray de la tristesse: Si vous auez plaisir, i'auray de l'alaigresse.

1390

Antigone.

I'ay perdu tout esbat, ie ne fouhaitte plus Que viure auec mon pere en vn antre reclus.

1395

Hemon.

Viuez aux creux deserts de l'Afrique rostie Entre les Garamants, viuez en la Scythie Sur les Hyperborez, que les vents orageux Chargent continument de grands monceaux neigeux, I'y viuray comme vous: ny chaleur ny froidure, Tant que vous y serez, ne me semblera dure.

1400

Antigone.

Hemon, ie vous supply destournez vostre cœur De moy pauure esploree, et confite en langueur:

Sammlung französ. Neudrucke. 5

Mon amour est beant apres la sepulture, 1405 Ie n'ay plus de desir que d'vne tombe obscure.

Hemon.

Plustost l'ondeux Triton sur la terre naistra Et le mouton laineux dedans la mer paistra, Que i'esteinde l'ardeur que i'ay dans la moüelle Pour aimer saintement vostre beauté trop belle.

1410 Le iour quand Phebus marche, et la nuit quand les cieux Monstrent pour ornement mille astres radieux, [231^v] Ie vous ay dans mon ame, et tousiours vostre image Errant deuant mes yeux me fait vn doux outrage.

Antigone.

Et ie vous aime außi: mais mon affection 1415 Se trouble maintenant par trop d'affliction. Ie n'ay dedans l'esprit que morts et funerailles.

Hemon.

Moy i'ay toufiours l'amour coufu dans mes entrailles.

Antigone.

Que i'ay d'aduerfitez!

Hemon.

Vous en auez beaucoup.

- »Communément les maux nous viennent tous au coup.
 1420 »Mais comme apres l'hiuer le printemps on voit naistre,
 - »Et apres longue pluye vn beau temps apparoiftre: »Ainfi quand les malheurs ont fur nous tempesté,
 - » Nous deuons esperer de la prosperité.

Antigone.

Ie n'ay plus qu'esperer, mes liesses perdues 1425 Ne me sçauroyent helas! estre iamais rendues.

» Quand la mort nous a prins nous ne renaissons pas,

» Nous perdons fans retour ceux qui vont au trespas.

Hemon.

»Vn chacun doit mourir, et la Parque felonne »De ce commun deuoir ne dispense personne.

1430 Si vostre mere âgee et vos freres sont morts, Ce ne sont que d'Atrope ordinaires efforts: Leur iour estoit venu, comme celuy, peut estre, Qui doit deuant Minos nous faire comparoistre. Car s'il plaist à Clothon, à l'instant il faudra Que soyons le butin de la mort qui viendra.

1435

Antigone.

Qu'elle vienne couper le filet de ma vie, Car außi bien ie suis de ce monde assourie, Ie ne vy qu'à regret, et sans mon geniteur Desia m'eust ce poignard outrepercé le cœur, Ie fusse auecque vous, ma mere: hé miserable! Ie n'ay peu ie n'ay peu vous estre secourable: Ie n'ay peu destourner, ie n'ay peu diuertir [232] Vostre esprit de vouloir de sa geole sortir. Requerez à Pluton que bien tost ie vous suiue, Et qu'ici loin de vous longuement ie ne viue. Madame, hé que ie baise encore ces doux yeux, Cette bouche et ce col qui me sont precieux. C'est la derniere sois que cette main ie touche: Las helas! ie ne puis en retirer ma bouche.

1440

1445

Hemon.

Mon œil, laissez ces pleurs et ces gemissemens, Car ils ne font sinon rengreger vos tourmens. Qu'on la porte en la ville, à fin qu'on luy procure, Pour office dernier, royale sepulture. C'est desormais, mon cœur, tout le besoin qu'elle a: Tout ce qu'elle veut plus, c'est vn sepulchre.

1450

Antigone.

Hà là.

1455

Chœur.

TV meurs, ô race genereuse,
Tu meurs, ô Thebaine cité,
Tu ne vois que mortalité
Dans ta campagne plantureuse:
Tes beaux coustaux sont desertez,
Tes citoyens sont escartez,
Dont les maieurs veirent esclorre
Sous les enseignes de Bacchus,
Les premiers rayons de l'Aurore,
Esclairans les Indois vaincus.

1460

Ils veirent l'odoreux Royaume Des Arabes industrieux: Et les coustaux delicieux, Où les bois distilent le baume. Ils donterent les Sabeans, 1470 Et les peuples Nabatheans: [232^v] Ils veirent la belle contree Des Perses et des Parthes prompts, Et les bords de l'onde Erythree Auec les Gedrofiques monts. 1475 Nous enfans de si preux ancestres, Sommes presque tous accablez Par les Argiens affemblez Pour de nous se rendre les maistres. L'herbe s'abreuue en nostre sang, 1480 La plaine est changee en estang, Et de corps Thebains tapissee. Tout ce qui est peu demeurer De reste en la ville Dircee Ne fuffift à les enterrer. 1485 Nos chefs aux indontez courages Trebuschez morts deuant nos murs, Relaissent aux fiecles futurs De leur vertu maints tesmoignages. Ils ont meslé leur sang parmy 1490 Le fang Argolique ennemy, Iettant leur ame auantureuse A trauers les glaiues pointus, Sans craindre la tourbe nombreuse Des Danois, qu'ils ont combatus. 1495 Ils ont receu pareil esclandre: S'ils nous ont vaillans affaillis, Nous n'auons eu les cœurs faillis, Ny les bras gourds à nous defendre. Ils ne font pas plus demeurez 1500 De nos foldats en ces guerez, Que de leur outrageuse armee.

C'est d'vne victoire Cadmee, Où les vainqueurs pleurent le plus. 1505 Ce qui reste de la bataille Eft malade aux tentes gifant: Ou n'est en nombre suffisant Pour affaillir noftre muraille. Polynice a bien toft fuiuy 1510 Son frere, de la mort rauy Par vne playe mutuelle. »Il n'est forcenement si grand »Que d'vne rancœur fraternelle, » Quand la conuoitife s'y prend. 1515

ACTE IIII.

ANTIGONE. ISMENE

Antigone.

MA chere sœur Ismene, auiourdhuy la fortune Se monstre à nostre race asprement importune. Quel malheur, ie vous pry, peut vn homme agiter, Que n'ait versé fur nous l'ire de Iupiter? Qu'y a til de cruel, que deuant nos murailles Ne remarquent nos yeux en tant de funerailles? Nous auons d'Iocafte enseueli le corps, Mais nos freres germains sans tombeau gisent morts. Prenons le foing, ma sœur, de les couurir de terre, Attendant qu'on leur dresse vn monument de pierre. Iſmene.

Creon a promptement Eteocle inhumé, Pour autant qu'on l'a veu pour la patrie armé, Et qu'il est mort pour elle, auecque mille et mille [233^v] Belliqueux nourriçons de la Thebaine ville: Mais il a defendu que Polynice fust Transporté de sa place, et que sepulchre il eust,

1520

1525

Comme indigne d'auoir la tombe funerale, Apres auoir faict guerre à sa ville natale: Et veut (ô cruel cœur!) que les Corbeaux becus 1585 Se gorgent de sa chair et des autres vaincus.

Antigone.

Que Polynice ferue aux bestes de pasture,
Sur la terre gisant priué de sepulture?
Qu'on ne le pleure point? que le grondeux Charon
Le face errer cent ans sans passer l'Acheron?

1540 »C'est chose trop cruelle. Il faut que toute enuie,

»Et que toute rancœur meure auecque la vie.

Iſmene.

Il menace de mort ceux qui contreuiendront A sa dure defense, et l'enterrer voudront.

Antigone.

Monstrons nostre bon cœur, que nostre bien-vueillance 1545 Surmonte de Creon la seuere desense.

Ifmene.

Que ferons-nous? Il faut au Prince obtemperer.

Antigone.

Ie voy bien que la peur vous fait degenerer.

Ifmene.

Regardez au danger d'vne telle entreprise.

Antigone.

En vn affaire tel vous estes trop remise. 1550 Aduisez s'il vous plaist de venir auec moy.

Ifmene.

Ie ne veux transgresser l'ordonnance du Roy.

Antigone.

»D'vne ordonnance iniuste il ne faut tenir compte.

Iîmene.

Mais au contreuenant la peine est toute prompte.

Antigone.

»Rien de grand fans danger entreprendre on ne voit.

Iîmene.

1555 »Où le danger paroist, entreprendre on ne doit.

Antigone.

»Trop couard est celuy qui point ne se hasarde.

Iſmene.

I'aime mieux n'auoir mal, et vous sembler couarde.

Antigone.

Regardez de rechef si me voulez aider.

Ismene.

Ie vous pri' meurement vous mesme y regarder.

[234] Antigone.

Puisque vous ne voulez, i'iray donc toute seule.

1560

Iſmene.

I'ay grand' crainte, ma Sœur, qu'en fin il vous en deule.

Antigone.

Aduienne que pourra, i'ay cela refolu.

Ifmene.

l'irois fort volontiers si Creon l'eust voulu.

Antigone.

Ie ne veux pas trahir les manes de mon frere.

Ifmene.

Il est mon frere außi, mais ie ne puis que faire.

1565

1570

1575

Antigone.

Pourquoy ne pouuez-vous?

Ismene.

Pour Creon que ie crains.

Antigone.

Il ne peut empescher de faire actes si saints.

Ifmene.

Confiderez, ma Sœur, nostre sexe imbecile, Aux perilleux desseins de ce monde inhabile: Confiderez nostre âge, et repensez encor

Qu'il ne reste que nous du tige d'Agenor.

Nous fommes fans fecours, l'antique bien-vueillance

Du peuple s'est tournee auecques la puissance. Creon est obey, qui, tyran, voudroit bien

Déraciner du tout nostre nom ancien.

»Il faut suiure des grands le vouloir qui nous lie:

»Faire plus qu'on ne peut est estimé folie.

Antigone.

Ne bougez donc, ma Sœur, ne vous auanturez, Seule dans la maifon en repos demeurez: 1580 Moy ie ne fouffriray qu'vne Louue gourmande Du corps de mon Germain à plaifir s'auiande. Ie l'enfeueliray, deußé-ie les efforts En mes membres fouffrir de cent cruelles morts: Ie ne refuferay de fouffrir tout outrage,

Apres que l'auray faict, ie n'auray point de dueil D'estre auecque luy mise en vn mesme cercueil: Vous en requoy viuez, viuez tousiours heureuse.

Ifmene.

Ie ferois comme vous, mais ie fuis trop peureuse.

Antigone.

1590 Cette peur vous prouient de faute de bon cœur.

[234^v] Iſmene.

Ce n'eſt pas de cela que procede ma peur.

Antigone.

Dequoy donc ie vous pry?

Ifmene.

D'vne foible nature,

Qui reuere les loix.

Antigone.

La belle couverture!

Et bien bien ne bougez, ie vay l'enseuelir.

Ifmene.

1595 Hé Dieux, où allez-vous? vous me faites pallir, Ie n'ay poil fur le chef qui d'effroy ne herisse.

Antigone.

Ie vay sepulturer mon frere Polynice.

Ifmene.

Aumoins gardez-vous bien de vous en deceler: Quant à moy ie n'en veux à personne parler.

Antigone.

¹⁶⁰⁰ Parlez-en à chacun, ie veux bien qu'on le sçache. »Il ne faut que celuy qui ne fait mal, se cache.

Ifmene.

Que vous estes ardente à vous brasser du mal.

Antigone.

Mal ou bien, il aura son honneur funeral.

1610

1615

1620

1625

	_		
T	ſm	Δn	Δ

Ouy bien si vous pouuez, mais ce n'est chose aisee. Antigone.

Y taschant ie seray du surplus excusee. Ifmene.

1605

»Ce que lon ne peut faire entreprendre on ne doit. Antigone.

»Entreprendre il nous faut tout ce qui est de droit. Ifmene.

»Le droit est d'observer ce que le Roy commande. Antigone.

Il faut tousiours bien faire, encor qu'il le defende.

Iſmene.

Mais il a Polynice ennemi declaré.

Antigone.

Voire apres qu'il s'est veu de son sceptre emparé. Ifmene.

Ie vous supply laissez cette emprise douteuse, Pour vn qui ne vit plus.

Antigone.

Que vous estes fascheuse!

Laisfez-moy, ie vous prie, en ma temerité, Vostre propos ne m'est qu'vne importunité. Mon dessein est louable, et ne m'en peut ensuiure Autre mal que me voir de mes langueurs deliure Par vne belle mort, qui des tombeaux obscurs Fera voler mon nom iusque aux siecles futurs.

Ifmene.

Or allez de par Dieu, le bon-heur vous conduise, Et tourne à bonne fin vostre sainte entreprise.

[235]

Chœur.

T E Ciel retire de nous Son courroux. Et nous est ores propice: Nous deuons pour le bienfait Qu'il nous fait. Aux Immortels facrifice. De nos murs ils ont eu foing

Au befoing,

La main ils nous ont tendue: 1630 Nostre cité ne fust point En ce poinct, S'ils ne l'eussent defendue. Qui eust Capanee estant Combattant 1635 Sur la breche démuree, Bouleuersé mort à bas, Sans le bras Du foudroyant fils de Rhee? 1640 Sous l'escu qui le targoit, Se mocquoit Des feux et fleches volantes, Que lançoyent de toutes pars Nos foudars Sur ses armes flamboyantes. 1645 Il les alloit en passant Terraffant, Comme vn fanglier qui trauerse Quelques escadrons mutins 1650 De mastins, Qu'il abat à la renuerfe. [235^v] Ou comme dedans vn pré Diapré Le faucheur fait tomber l'herbe, 1655 Et les espics trebuchants Par les champs, Qu'il entasse en mainte gerbe. Quand Inpiter l'auisant Destruisant Thebes de fon malheur preste, 1660 Print fon rouge foudre en main, Et foudain Luy en escrasa la teste. Voyant Amphiare außi 1665 Sans merci Nous faire vn mortel esclandre, Le fist pour nous garantir

Engloutir	
Et vif aux Enfers descendre.	
Ainsi des bons Dieux sauueurs	1670
Les faueurs,	2010
Et non la prouesse humaine,	
Nous ont gardé maintenant,	
Souftenant	
La pauure ville Thebaine.	1675
Aux Dieux l'on trouue toufiours	
»Du fecours:	
»Ils president aux batailles,	
»Ils repoussent les efforts	
»Des plus forts,	1680
»Et preseruent nos murailles.	
A iamais leur foit l'honneur	
[236] Du bon-heur	
Qu'ils nous donnent de leur grace:	
Que tous les ans au retour	1685
De ce iour	
Vn facrifice on leur face.	
Nos ennemis foudroyez,	
Effroyez,	
Courent eslancez de crainte:	1690
Laissant par ces rudes monts,	
Vagabonds,	
De leur sang la terre teinte.	
Ils n'ont enterré les corps	
De leurs morts,	1695
Tant la froide peur les presse:	
En danger que des Vautours	
Et des Ours	
La gloute faim s'en repaisse.	
Ils marchent fans eftendars	1700
Tous espars:	
Ils n'osent leuer la teste,	
Enuergongnez de se voir	
Receuoir	
La perte au lieu de conqueste.	1705

CREON. CHŒVR DE VIEILLARDS. LES GARDES DV CORPS DE POLYNICE. ANTIGONE. ISMENE. HEMON.

Creon.

CRace aux Dieux immortels qui de nous ont eu foing, Et nous ont de faueur aßiftez au befoing, [236^v] Nos ennemis rompus fe font iettez en fuitte, Quittant honteusement nostre terre destruitte.

1710 La campagne fanglante est couuerte de morts: Cephise va pourprant ses riuages retorts De diuers sang messe, qui colore ses ondes, Ainsi que de Cerés les cheuelures blondes.

Ils auoyent amené les peuples Argiens,
1715 Les troupes de Megare, et les Myceniens:
Les bandes d'Achaie à nos murs fe camperent,
Et d'innombrables dards nos tours espouuanterent.
Adraste leur grand Roy s'estoit desia promis
De voir son Polynice en son thrône remis,

1720 Pour commander de force, et presser de servage Le peuple Ogygien d'indontable courage. Mais luy mesme, tombant, a la terre mordu: Luy mesme reste mort sur la plaine estendu: Les corbeaux se paistront de sa chair, qui n'est digne

1725 Du tombeau de Cadmus, dont le mechant forligne.
Il a, plein de fureur, fon peuple guerroyé,
Et de flamme et de fer le pays foudroyé:
Son nom doit eftre infame à la race future,

Et fon corps execré pourrir fans fepulture.

Or moy, comme celuy qui plus proche de fang
Du malheureux Edip', viens regner en mon rang,

I'ay par publique edict fait expresse desense D'inhumer ce mechant: que si aucun s'auance De faire le contraire et enfreindre ma loy, 1735 S'asseure d'esprouuer le colere d'vn Roy.

Ie iure par le ciel qui ce monde enuironne, Par cet honoré sceptre, et par cette couronne, Que si aucun Thebain i'y voy contreuenir,
[237] Sans espoir de pardon ie le feray punir,
»Fust-il mon ensant propre. Vne ordonnance est vaine, 1740
»Si l'infracteur d'icelle est exempt de la peine.

I'ay des gardes aßis fur les couftaux d'autour, Qui les corps ennemis veilleront nuict et iour: Car quant aux citoyens qui ont vomy leur vie, Combattant valeureux pour leur chere patrie, Ie veux qu'on les regrette, et qu'en publiques pleurs Les ensepulturant lon chante leurs valeurs.

1745

Chœur de vieillards.

Vous voulez qu'vn chacun ait son iuste sallaire: Les vns de faire bien, les autres de malfaire.

Creon.

»Toute principauté en repos se maintient,
»Quand on rend à chacun ce qui luy appartient.
»Il faut le vicieux punir de son offense,
»Et que l'homme de bien le Prince recompense.
»La peine et le loyer sont les deux sondemens,
Et les fermes piliers de tous gouvernemens.

1755

1750

Chœur de vieillards.

Vous plaist-il commander encores quelque chose?

Qu'à garder mon edict vn chacun se dispose.

Chœur de vieillards.

Qui fera fi hardy, que pour vn homme mort Il fe mette en danger de receuoir la mort?

reon.

Il se trouue tousiours des citoyens rebelles.

1760

Chœur de vieillards. Ie n'en cognois aucuns qui ne vous foyent fidelles.

Les Gardes du corps de Polynice. Vous viendrez, vous viendrez.

Antigone.

Ie n'y recule pas.

Chœur de vieillards. Quelle Dame eft-ce-la qu'ils tiennent par les bras? C'est la pauure Antigone: hà fille miserable! Vous auez volontiers esté trop pitoyable.

Creon.

Amenez, attrainez: vous estes gens de bien. Où l'auez-vous surprise?

Les Gardes du corps de Polynice.

Autour du frere fien.

Creon.

Autour de Polynice?

Les Gardes du corps de Polynice. En le couurant de terre. Chœur de vieillards.

Qu'vn obstiné malheur cette maison atterre! [237] Creon.

1770 Par les Dieux vous mourrez: mais dites moy comment L'auez-vous peu surprendre en cet enterrement?

Les Gardes du corps de Polynice.

Nous estions à l'escart derriere ces collines, De peur que l'air des corps ne vint à nos narines, Dessous l'abry du vent, regardant soucieux

1775 Qu'aucun ne vint rauir ce corps tant odieux:
Quand nous apperceuons cette fille esploree
Portant en vne main vne paelle ferree,
Vn riche vase en l'autre, approcher du corps mort:
Et sur luy se ruant auec grand deconfort,

1780 Faire mille regrets, mille piteuses plaintes,
Qui les Tigres des bois eussent au dueil contraintes.
Sa lamentable vois resonnoit tout ainsi
Que celle d'vn oiseau de tristesse transi,
Qui dans son nid portant l'ordinaire bechee

1785 Ne trouue plus dedans sa petite nichee.

Quand elle eut quelque temps fes desaftres ploré, Et les playes du mort de baisers honoré, Fist ses effusions, propitiant les Manes, Et les noms inuoquant des vierges Stygianes.

1790 Puis le vase laissant, la paelle print en main, Et du sable plus sec luy empoudra le sein. Adonc nous accourons sans dauantage attendre, A fin de la pouuoir en ce delict surprendre,

Et la mettre en vos mains: Mais sans s'espouuanter	
Elle se vint à nous franchement presenter,	1795
Confessant librement le sepulchral office	
Qu'elle desiroit faire au corps de Polynice.	
Elle m'en fait pitié: mais le deuoir m'enioint	
De vous conter le faict et ne le taire point.	
Creon.	
Est-il vray? auez-vous cette faute commise?	1800
[238] Y auez-vous esté par ces Gardes surprise?	
Leuez les yeux de terre, et ne desguisez rien.	
Antigone.	
Il est vray, ie l'ay fait.	
Creon.	
Ne fçauiez-vous pas bien	
Qu'il estoit defendu par publique ordonnance?	
Antigone.	
Ouy ie le sçauois bien, i'en auois cognoissance.	1805
Creon.	
Qui vous a doncques fait enfreindre cette loy?	
Antigone.	
L'ordonnance de Dieu, qui est nostre grand Roy.	
Creon.	
»Dieu ne commande pas qu'aux loix on n'obeïsse.	
Antigone.	
»Si fait, quand elles font si pleines d'iniustice.	
»Le grand Dieu, qui le Ciel et la Terre a formé,	1810
»Des hommes a les loix aux fiennes conformé,	
» Qu'il nous enioint garder comme loix falutaires,	
»Et celles reietter qui leur feront contraires.	
» Nulles loix de Tyrans ne doiuent auoir lieu,	
»Que lon voit repugner aux preceptes de Dieu.	1815
Or le Dieu des Enfers qui aux Ombres commande,	
Et celuy qui preside à la celeste bande,	
Recommandent sur tout l'humaine pieté:	
Et vous nous commandez toute inhumanité	

Non non ie ne fay pas de vos loix tant d'estime 1820 Que pour les observer i'aille commettre vn crime,

Et viole des Dieux les preceptes facrez, Qui naturellement font en nos cœurs encrez: Ils durent eternels en l'essence des hommes.

1825 Et nez à les garder dés le berceau nous fommes. Ay-ie deu les corrompre? ay-ie deu ay-ie deu Pour vostre authorité les estimer si peu? Vous me ferés mourir, i'en estois bien certaine, Mais la crainte de mort en mon endroit est vaine.

1830 Ie ne fouhaitte qu'elle en mon extreme dueil. » Quiconque ha grands ennuis desire le cercueil. Quoy? eußé-ie, Creon, violentant nature, Souffert mon propre frere estre des Loups pasture Faute de l'inhumer, comme il est ordonné?

1835 Mon frere, mon germain, de mesme ventre né? l'eusse offensé les Dieux aux morts propitiables, Et les eusse vers moy rendus impitoyables.

Chœur de vieillards. Cette pauure Antigone en sa misere faut: Pour sa condition elle a le cœur trop haut.

Creon.

1840 »La puissance du Roy les cœurs rebelles donte, »Et les soumet aux loix, dont ils ne tiennent conte. Cette cy seulement ma defense n'enfreint. Mais comme fi l'enfreindre estoit vn œuure saint,

Elle s'en glorifie, et d'impudente audace

1845 Maintient auoir bien fait, mesme deuant ma face, Se rit de ma puissance, et pense volontiers Que pour le vain respect des Rois ses deuanciers, Elle n'y soit sugette, et que la felonnie Dont elle vse enuers moy, luy doine estre impunie.

1850 Mais ores qu'elle foit sœur et fille de Rois, De ma fœur engendree en maritales lois, Ie la ferav mourir, et sa sœur auec elle, Si ie trouue sa sœur estre de sa cordelle. Qu'on la face venir: car n'aguiere à la voir,

1855 I'ay creu qu'elle deuoit en son esprit auoir Quelque grand pensement, tant elle estoit esmeuë. »Souvent nostre secret se decouvre à la veuë.

Antigone.

Vous ne pouuez au plus que me faire tuer.

Creon.

Et außi ie ne veux rien plus effectuer.

Antigone.

Qu'attendez-vous donc tant? qu'est-ce qui vous retarde? 1860

Creon.

Sera quand ie voudray: car rien ne m'en engarde.

Antigone.

Il m'est à tard d'auoir mon destiné trespas.

[239]

Creon.

Il ne tardera guere, il auance ses pas.

Antigone.

Ie mourray contre droict pour chose glorieuse.

Creon

Vous mourrez iustement comme vne audacieuse.

1865

Antigone.

Il n'est celuy qui n'eust commis semblable faict.

Creon.

Il n'est celuy pourtant d'entre tous qui l'ait faict.

Antigone.

S'ils parloyent librement, ils louroyent mon emprife.

Creon.

Qui les empescheroit d'en parler sans seintise?

Antigone.

La crainte d'offenser vn Roy trop animeux.

1870

Creon.

Pourquoy ne craignez-vous de l'offenser comme eux?

Antigone.

Pour ne craindre la mort remede à ma misere.

Creon.

»Le mespris de la mort vous incite à mal-faire.

Antigone.

» Ce n'est mal d'inhumer son frere trespasé.

Creon.

Vous auez l'inhumant mes édicts transgreßé.

1875

Sammlung französ. Neudrucke. 5.

Antigone.

Mais la loy de nature et des Dieux est plus forte.

Creon.

Vous n'auez honoré l'autre de mesme sorte.

Antigone.

De mon autre germain vous auez eu fouci.

Creon.

Et si ie ne l'eusse eu?

Antigone.

I'en eusse faict ainsi.

Creon.

1880 Cettui-cy sa patrie a saccagé par guerre.

Antigone.

Le tort est prouenu de sa natiue terre.

Creon.

D'y auoir amené nos mortels ennemis?

Antigone.

De poursuiure ses droits à chacun est permis.

Creon.

Ie poursuiuray les miens encontre vous rebelle.

Antigone.

1885 Ie n'ay rien entrepris que d'amour naturelle.

Creon.

Vn ennemy public aimer il n'appartient.

C'hœur de vieillards.

Voicy venir Ismene.

Creon.

Où est-elle?

Chœur de vieillards.

Elle vient:

En ondoyantes pleurs le vifage luy nouë, Qui luy vont effaçant le vermeil de fa iouë. 1890 Hà fille que i'ay peur!

Creon.

Les voici les ferpens,

Les pestes, que i'aimois plus cher que mes enfans. Auez-vous consenti à cette sepulture?

Ifmene.

Ce fut moy qui en eut la principale cure. [239^v] S'il y a du peché, s'il y a du mesfaict, Seule punissez moy, car seule ie l'ay faict.

1895

Antigone.

Non non elle vous trompe, elle en est innocente, Et ne doit à ma peine estre participante: Elle n'en a rien sceu, non ne la croyez pas.

Ifmene.

I'y allois apres elle, et la fuiuois au pas.

Antigone.

Si ie luy eusse dict elle m'eust decelee.

1900

Ifmene.

Au contraire sans moy elle n'y fust allee.

Antigone.

Elle n'a pas, Creon, le courage affez fort.

Ifmene.

Ie vous ay incitee à ne craindre la mort.

Antigone.

Elle veut auoir part à ma gloire acquestee.

Ifmene. na gloire i Antigone.

Vous me voulez tollir ma gloire meritee.

1905

C'est à fin de mourir qu'elle dit tout ceci.

Iſmene.

Mais c'est pour me sauuer que vous parlez ainsi.

Antigone.

Et pourquoy voulez-vous sans merite me suiure?

Ifmene.

Et pourquoy voulez-vous me contraindre de viure?

Antigone.

Vueillez plustoft, ma sœur, vos beaux iours allonger.

1910

Ifmene.
Pourquoy donc voulez-vous les voîtres abreger?

Antigone.

Ie ne me iette pas comme vous au supplice.

Ifmene.

Vous y estes iettee enterrant Polynice.

5*

Antigone.

I'ay mieux aimé mourir que faillir au deuoir 1915 Que viuants il nous faut des trespassez auoir: Mais vous faute de cœur ne m'auez osé suiure.

Ifmene.

Ah que i'auray de mal s'il me faut vous furuiure.

Creon.

Ie croy que cette fille a son esprit troublé.

Ifmene.

»Vn esprit, ô Creon, d'amertumes comblé 1920 »N'en est pas si raßis: c'est chose bien certaine.

Creon.

Vous l'auez bien perdu de courir à la peine.

Ismene.

Sans elle ie ne puis viure qu'en desplaisir.

Creon.

Quant à elle bien tost la mort l'ira faisir.

Ismene.

Celle qu'à vostre fils vous auez accordee? [240] Creon.

1925 Sa peine pour cela ne fera retardee.

Ifmene.

Au bien de vostre fils n'aurez-vous autre esgard?

Creon.

Ie prendray pour mon fils vne femme autre part.

Antigone.

Voyez mon cher Hemon combien on vous estime!

Creon.

Il n'aura point de femme, où se trouue aucun crime.

Ismene.

1930 Le crime qu'elle a fait n'est que de pieté.

Creon.

Elle n'a qu'entrepris sur mon authorité.

Ismene.

Le voulez-vous priuer d'vne si chere amie?

Creon.

Ouy, fust-elle son cœur et son ame demie.

T C	 _	

Elle est fille, elle est sœur, elle est niepce de Rois.

Creon.

Le fust-elle des Dieux, elle est sugette aux loix.

Ismene.

1935

Auecque vostre fils elle est en fiançailles.

Creon.

Elle ira chez Pluton faire ses espousailles.

Ifmene.

O cruauté felonne! ô fiere immanité?

Creon.

Gardez-vous d'encourir mesme infelicité.

Ismene.

Ie ne crains d'vn Tyran les iniustes coleres.

1940

Creon.

Prenez-les toutes deux, prenez ces deux viperes Et me les enfermez, ie leur feray fentir Combien de me fascher on a de repentir.

Chœur de vieillards.

Voici le pauure Hemon vostre enfant debonnaire, Ternissant de chagrin l'air de sa face claire: Il monstre estre bien triste, et auoir dans le cueur, A le voir souspirer, vne extreme langueur. C'est volontiers l'essect d'vne amour desbordee, De voir arriuer mal à sa douce accordee,

1945

1950

Il la plaint. Or l'oyant ainfi deconforter Ie pense qu'il ne peut son malheur supporter.

Hemon.

Que tu meures, ma vie, et qu'on t'ofte, mon ame, A mon cœur qui ne vit que de ta douce flame? Que tu meures fans moy, que fans moy le trefpas Te meine chez Pluton et ie n'y voife pas? [240^v] Que ie viue fans toy, que mon ame efploree Soit absente de toy, soit de toy separee? Non non ie ne sçaurois: quiconque t'occira, Ma mort auec la tienne ensemble apparira.

1955

Creon.

Mon fils, auez-vous sceu la sentence donnee Contre vostre Antigone à la mort condamnee?

Hemon.

On me l'a dit, mon pere, et en porte vn grand dueil. Creon.

Ne vous voulez-vous pas conformer à mon vueil?

Hemon.

Mon pere ie vous veux complaire en toute chose: 1965 Vostre commandement de mon vouloir dispose.

Creon.

»C'est parler comme il faut: vn debonnaire enfant »Ne s'affecte à cela que son pere defend. C'est pourquoy des ensans tout le monde desire, Qui n'aillent, arrogans, leurs peres contredire:

1970 Comme on en voit aucuns qui ne prennent plaifir, Que d'auoir à leur pere vn contraire defir.

Gardez-vous, mon enfant, que l'amour d'vne femme,

Mortifere poison, par trop ne vous enflamme.

»C'est vn mal où vostre âge est volontiers enclin,

1975 Mais auec la raison destrempez ce venin:
Dontez cette fureur, de peur qu'elle maistrise
D'vn reprochable ioug vostre ieune franchise.
»Vne semme mechante apporte bien du mal

» A celuy qu'elle estreint d'vn lien coniugal:

1980 Telle qu'eft cette-cy, qu'aux tenebres i'enuoye
Du nuiteux Acheron, priué de toute ioye.
N'y mettez voître cœur, fouffrez qu'au lieu de vous
Elle voise là bas chercher vn autre espoux.
C'est vne audacieuse, vne fille arrogante,

1985 A qui nostre grandeur est au cœur desplaisante.

»Si est-ce qu'il n'est rien qui soit tant perilleux

[241] »A l'estat d'vn grand Roy, qu'vn suiet orgueilleux,

»Qu'vn suiet contumax, qui sans sin s'euertue

»D'estre contrariant à tout ce qu'il statue.

Hemon.

1990 Il est vray: mais souuent autre est l'intention
»D'vn suiet, qu'il ne semble à nostre opinion:
»Tel forsait griesuement qui forsaire ne pense.
»La plus part des delicts se fait par imprudence.

2025

Cefte Vierge exerçant vn pitoyable faict A contre fon vouloir à vos edits forfaict. 1995 Chacun en a pitié, toute la cité pleure, Qu'vne Royale fille innocentement meure Pour vn acte si beau, que lon deust premier, Comme vn faict de vertu, qu'on ne peut denier. Quel mal (ce disent-ils) a fait cette pauurette, 2000 De vouloir inhumer la charongne muette De fon frere defunct, apres l'auoir ploré, Pour n'estre des Corbeaux ny des Loups deuoré? Voila qu'on dit de vous sans vous le faire entendre: Car craignant vous desplaire on ne l'ose entreprendre. 2005 »Communément vn Roy ne sçait que ce qui plaist, » Que chose de son goust, car le reste on luy taist. Mais moy, qui vostre enfant, sur tous autres desire Que long temps en honneur prospere vostre empire: Qui sans feinte vous aime, ouuertement ie vien 2010 Vous conter la rumeur du peuple Ogygien. Conformez vostre esprit à la raison maistresse, Et qu'à la passion surmonter ne se laisse: Ne ressemblez à ceux, qui pensant tout sçauoir, Ne veulent le conseil d'vn autre receuoir. 2015 »Ce n'est point deshonneur à vn Prince bien sage, »D'apprendre quelquefois d'vn moindre personnage, [241^v] » Et fuiure fon aduis, s'il le confeille bien, »Sans par trop s'obstiner et arrester au sien. Creon. Penses-tu que de toy ie vueille conseil prendre? 2020 Et en l'âge où ie suis tes preceptes apprendre? »Il ne faut la personne, ains la chose peser, »Et selon qu'est l'aduis le prendre ou refuser. Creon. C'est vn braue conseil, qu'vn mechant ie guerdonne. Hemon. De bien faire aux mechans conseil ie ne vous donne.

Creon.

Tu veux que ie pardonne à ceste peste ici.

Hemon.

Sa faute est bien legere, et digne de merci.

Creon.

D'enterrer vn mechant est-ce chose legere? Vn ennemy publiq'?

Hemon.

Voire mais c'est son frere.

Creon.

2030 Corrompre mes Edits? m'auoir en tel mespris?

Hemon.

De corrompre vos loix ell' n'auoit entrepris.

Creon.

Ie luy feray porter de fon orgueil la peine.

Ce ne fera l'aduis de la cité Thebaine.

Creon.

Qu'ay-ie affaire d'aduis? telle est ma volonté.

Hemon.

2035 N'estes-vous pas suget aux loix de la cité?

Creon.

Vn Prince n'est suiet aux loix de sa prouince.

Hemon.

Vous parlez d'vn tyran, et non pas d'vn bon Prince.

Creon.

Tu veux que mes fuiets me prescriuent des loix.

Hemon.

»Ils doiuent au contraire obeir à leurs Rois,

2040 »A leurs Rois leurs feigneurs, les aimer et les craindre:

»Außi la loy publique vn Roy ne doit enfreindre.

Creon.

Il a foing d'vne femme, et la fert au befoing.

Hemon.

Femme vous feriez donc: car de vous feul i'ay foing.

Creon.

Ofes-tu, malheureux, à ton pere debatre?

Hemon.

2045 l'ofe pour l'equité l'iniustice combatre.

Creon.

Iniuste te semblé-ie en desendant mes droits?

Hemon.

Iniuste en ordonnant des tyranniques loix.

Creon.

Que tu es abesti des fraudes d'vne femme.

[242] Hemon.

Cautelle ny malice Antigone ne trame.

Creon.

Tu ne la verras plus, fon iour fatal est pres.

2050

Hemon.

Elle ne mourra pas qu'vn autre n'aille apres.

Creon.

Il me menace encor, ô l'impudente audace!

Hemon.

Vers mon pere et mon Roy ie n'vse de menace.

Creon.

Esclaue effeminé, si tu contestes plus Ie t'enuoiray gronder aux infernaux palus.

2055

Hemon.

Vous voulez donc parler et n'entendre personne.

Creon.

I'atteste Iupiter, qui de foudres estonne Les rochers Capharez, que la punition Tallonnera de pres ceste presomption. Sus, qu'on m'ameine tost ceste beste enragee, Qu'aux yeux de ce galand elle soit esgorgee.

2060

Hemon.

Il n'en fera rien fait: ie mourray mille morts Plustost qu'en ma presence on outrage son corps. Vous ne me verrez plus, exercez vostre rage Sur ceux qui patiens endurent tout outrage.

2065

Chœur de vieillards.

Il fort d'vn pas leger piqué d'ire et d'amour: I'ay grand' peur qu'il proiette à faire vn mauuais tour.

Creon.

Face ce qu'il voudra, qu'il tonne, qu'il tempeste, Qu'il face l'orgueilleux, qu'il eleue la teste 2070 Encontre moy fon pere, il n'exemptera pas Cette vipere icy du destiné trespas.

Chœur de vieillards. C'est vn honneste amour qui son ame bourrelle.

Creon.

Il luy doit preferer la crainte paternelle.

Chœur de vieillards.

Il n'est rien qui ne cede à cette passion.

Creon.

2075 Si ne m'en doit-il moins porter d'affection.

Chœur de vieillards.

A quel genre de mort l'auez-vous condamnee?

Creon.

En vn obscur desert elle sera menee. Sauuage, inhabité, puis fous vn antre creux On l'enfermera viue en vn roc tenebreux.

2080 [242] Ie luy feray bailler quelque peu de viande, Laquelle defaillant que la mort elle attende, Et requiere à Pluton, qu'elle adore sur tous, Qu'il luy vueille donner vn trespassement doux. Elle apprendra combien c'est vne chose vaine

2085 De faire honneur aux Dieux de l'infernale plaine.

Chœur.

»T Es Dieux qui de là haut » Scauent ce qu'il nous faut,

» Nous donnent la Iustice.

»Pour le propre loyer

»Aux vertus octroyer, »Et reprimer le vice.

» Mortels, nous n'auons rien

»Sur ce rond terrien,

»Qui tant nous soit vtile,

»Que d'obseruer les loix,

»Sous qui les iustes Rois

»Gouvernent vne ville.

»La Iustice nous fait

»Viure vn âge parfait

456

2090

ANTIGONE.

»En vne paix heureuse:	2100
»Les bons elle maintient,	
»Et des mechants retient	
»La main iniurieuſe.	
»Par elle l'estranger	
»Voyage fans danger:	2105
»Par elle l'homme chiche	
»Conferue fon argent:	
[243] »Par elle l'indigent	
» N'est opprimé du riche.	
»Elle rend vers les Dieux	2110
»L'homme religieux:	
»C'est elle que la veufue	
»Et le foible orphelin	
»Destiné pour butin,	
»A sa defense treuue.	2115
»La mere en feureté	
»Garde la chasteté	
»De sa fille par elle:	
»Monstrant au rauisseur	
»Le tourment punisseur	2120
»D'vn forceur de pucelle.	
» Mais le Vice tortu	
»Imite la Vertu	
»De telle ressemblance,	
»Que, ne l'apperceuant,	2125
»Nous ne voyons fouuent	
»De deux la difference.	
»Le bon chemin est droict,	
» Mais tellement eftroict	
»Que fouuent on deuoye:	2130
»Entrant dans les chemins	
»Des deux vices, voifins	
»De cette droicte voye.	
»Car celuy mainte fois	
»Qui de cruelles loix	2135
»Vne cité police,	
»Par sa rigueur messait	
40=	

»Plus que celuy ne fait [243^v] »Dont il punist le vice. Pource que d'Equité 2140 »Prenant l'extremité. »De fa route destourne » Außi bien que celuy, »Qui dissemblable à luy »Surpasse l'autre bourne. 2145 Creon a vrayment tort. De liurer à la mort Cette vierge royale. Il pense tesmoigner Pour les fiens n'espargner 2150 Qu'il fait iustice egale. Mais le crime n'est tel Qu'il doiue estre mortel A sa bru et sa niepce: Les amours dedaignant 2155 De fon fils fe plaignant D'vne telle rudesse.

ANTIGONE. CHŒVR DE FILLES.

Antigone.

Voyez, ô Citoyens qui Thebes habitez,
Le fupreme combat de mes aduerfitez!
2160 Voyez mon dernier mal, ma torture derniere!
Voyez comme on me meine en vne orde taniere
Pour y finir mes iours! voyez helas voyez
Pour mes derniers repas les viures octroyez!
Voyez les durs liens qui les deux bras me ferrent!
2165 Voyez que ces bourreaux toute viue m'enterrent!
[244] Voyez qu'ils vont mon corps en vn roc emmurer,
Pour auoir mon germain voulu fepulturer!
Vne fille royale on liure à la mort dure,
On me condamne à mort fans autre forfaiture.

Chœur de filles.

Consolez-vous, ô vierge, et ne vous affligez, D'vn magnanime cœur vos tourmens soulagez. Vous n'irez sans louange en cet antre funebre: Vostre innocente mort viura tousiours celebre, Et celebre le los de vostre pieté.	2170
Chaque an lon vous fera quelque folennité Comme à vne Deesse, et de mille cantiques Le peuple honorera vos ombres Plutoniques.	21 7 5
Antigone. O fontaine Dircee! ô fleuue Ismene! ô prez! O forests! ô coustaux! ô bords de sang pourprez! O Soleil iaunissant, lumiere de ce monde! O Thebes, mon pays, d'hommes guerriers seconde, Et maintenant sertile en dure cruauté,	2180
Contrainte ie vous laisse et vostre royauté! Adieu Thebes, adieu: l'austere maladie De ses palles maigreurs n'a ma face enlaidie, Les cousteaux on ne vient en ma gorge plonger, Et toutessois la mort me contraint desloger.	2185
Chœur de filles. Heureuse est vostre mort terminant les miseres, Qui ont accompagné vos Labdacides peres Iusqu'à vous miserable, et depuis le berceau Vous ont iointe tousiours iusqu'au pied du tombeau.	2190
Antigone. Que fera deformais la vieillesse esploree De mon pere aueuglé, d'auec moy separee? Que ferez-vous? helas! qui vous consolera? Qui conduira vos pas, et qui vous nourrira? Hà ie sçay que bien tost sortant de ma cauerne,	2195
[244 ^v] Ie vous verray mon pere au profond de l'Auerne! Vous ne viurez long temps apres mon trifte fort, Cette nouuelle icy vous hastera la mort.	2200

Adieu brigade aimee, adieu cheres compagnes, 2205 Ie m'en vay lamenter fous les fombres campagnes: L'entre viue en ma tombe, où languira mon corps Mort et vif, efloigné des viuans et des morts.

Chœur de filles.

O defaftre cruel! ô fiere deftinee! O du vieillard Creon ire trop obstinee! 2210 Vienne la mort soudaine et de son heureux dard Nous trauerse en ce lieu toutes de part en part.

Antigone.

Voicy donc ma prison, voicy donc ma demeure, Voicy donc le sepulchre où il faut que ie meure! Ie ne veux plus tarder, il faut entrer dedans.

Adieu luisant Soleil, adieu rayons ardans
Adieu pour tout iamais! car dans ce pleureux antre,
Mon supreme manoir, iamais ta clairté n'entre.
Adieu mon cher Hemon vous ne me verrez plus,
Ie m'en vay confiner en cet antre reclus:

2220 Souuenez-vous de moy, que la mort on me donne, Qu'on me liure à la mort pour auoir esté bonne.

De mes piteux regrets la mort qui me regarde.

Vous degoutez de pleurs, vos yeux en font noyez,
Ne larmoyez pour moy, mes fœurs, ne larmoyez.
Pourquoy fanglotez-vous? pourquoy vos feins d'albâtre
2225 Allez-vous meurtriffant de force de vous battre?
Adieu mes cheres Sœurs, ie vous fay malaifer,
Ie ne veux plus de vous que ce dernier baifer.
[245] Adieu mes Sœurs, adieu, trop long temps ie retarde

Chœur de filles.

Hà que nos iours font pleins
D'esclandres inhumains!
Hé Dieux que de trauerses!
Que d'angoisses diuerses!
Que nos cheueux retors
Sortent flotans dehors:
Que nos faces soyent teintes
De sanglantes atteintes.

Que nostre sein ouuert	
Soit d'vlceres couuert,	
Que le sang en degoutte,	2240
Et tombe goutte à goutte.	
Que fans cesse les pleurs	
Humectent nos douleurs,	
Que iamais ils ne ceffent,	
Et l'vn fur l'autre naissent.	2245
Que ces couftaux fegrets	
Refonnent de regrets,	
Et ces roches cornues	
De plaintes continues.	
Que nostre triste cœur	2250
N'enferme que langueur,	
Soit la triftesse amere	
Son hoftesse ordinaire.	
Iamais le beau Soleil	
Ne nous luise vermeil,	2255
Ains que toufiours fa lampe	
En tenebres il trempe.	
L'obscurité des nuits	
[245 ^v] Eft propre à nos ennuis,	
Nos importuns encombres	2260
Se plaifent aux nuicts fombres.	
Or te vueillent les Dieux	
Conduire aux facrez lieux,	
Où les ames piteuses	
Repofent bien-heureuses.	2265
Et là t'aillent payer	
Le merité loyer	
De ton cœur debonnaire	
Vers le corps de ton frere.	
-	

Hemon.

Vous m'auez donc, cruel, mes amours violé, Vous m'auez, outrageux, de mon ame volé, Vous m'auez arraché le cœur, le fang, la vie, M'ayant par vos rigueurs rauy ma chere amie!

Vn Tigre Hyrcanien si felon n'eust esté, 2275 Vn Sarmate, vn Tartare eust plus d'humanité. Emmurer vne vierge en vne roche dure, Vne fille de Roy, mon espouse future! Vostre niepce, cruel, que vous deußiez cherir Ainsi que vostre fille, et la faites mourir! 2280 Vous la faites mourir sans estre crimineuse! Son crime et son offense est d'estre vertueuse

O bourrelle nature! ô trop barbare cœur,
Des Ours et des Lions furpassant la rigueur!
Aumoins si vous l'eusiez sur le champ esgorgee,
2285 Sans la faire mourir d'vne faim enragee:
Vous n'estiez pas saoulé d'vn supplice commun,
Il vous falloit monstrer plus cruel qu'vn chacun.
[246] Les rayons de ses yeux, la douceur de sa face,

N'ont peu de vostre cœur rompre la dure glace. 2290 Vrayment il est remply d'extreme cruauté.

Puis qu'il a peu blesser ceste extreme beauté:
Beauté qui à l'amour eust vne roche esmeuë,
Si vne roche fust de sentiment pourueuë.

Las que i'aye sa peine! et si ce n'est assez 2295 Qu'on prenne des tyrans les tourments amassez, Et qu'on me les applique: en toute patience On me verra souffrir leur dure violence.

Außi bien si ie vis elle ne mourra pas, Ou commun à nous deux nous sera son trespas.

2300 le rompray la cauerne, et si aucun s'oppose Et s'efforce empescher qu'elle ne soit declose,

Ie luy feray fentir que c'est temerité De vouloir contredire vn amant irrité.

Mon ame est elle moins de son amour esprise 2305 Que d'Andromede sut le preux nepueu d'Acrise, Qui le monstre marin mort à terre rua, Et detacha la vierge apres qu'il le tua? Mon ame est plus d'amour que la sienne eschausse, Et Antigone vainc la fille de Cephee 2310 En pudique beauté: i'ay donc le cœur moins sort,

Si ie ne la deliure et garantis de mort.

Mais trop long temps ie tarde, et ce pendant, peut estre, Que d'inutiles pleurs ie me viens icy paistre, La pauurette pourra s'estre ouuerte le sein De quelque fer plustost que d'attendre la faim: 2315 Ou bien par faute d'air trespasser suffoquee. Ou se briser la teste encontre vn roc choquee. Il ne faut dilayer de crainte d'accident: [246] Car mon fecret destin est du sien dependant. Ie m'estimois heureux qu'elle me fust donnee, 2320 Pour deuoir celebrer vn heureux hymenee: Mais fi le ciel n'aspire à mes louables vœux, Nous irons espouser en l'Acheron larueux. Ce que n'aduienne, ô Dieux! ains permettez de grace Que ie l'ofte aujourd'huy de sa cauerne basse. 2325Cheur. O Rigoureux Amour, Dont la fleche poignante »Sans repos nuict et iour »Toutes ames tourmente: »Tu dontes glorieux 2330 »Les hommes et les Dieux. »Nul ne fe peut garder »Que ta main enfantine »Ne le vienne darder »A trauers la poitrine: 2335 »Car contre ton effort »Il n'est rien qui soit fort. »Les Monarques fi craints, »Les Rois porte-couronnes, »Sont außi tost atteints 2340 »Que les fimples perfonnes: »Voire que tu te prens »Plus volontiers aux grands. »Iupiter, qui des Dieux »Est le maistre et le pere, 2345 »Qui la terre et les cieux

»Et les ondes tempere,

[247] »Sent ce douillet enfant,

	[247] »Sent ce doumet emant,
	»De son cœur triomphant.
2350	»Le foudre petillant
	»Dans sa main rougissante,
	»Ny fon œil fourcillant
	»Qui le ciel espouuante,
	»Ne le defend du tret
2355	»De cet Archer fegret.
	»Aux Enfers il descend,
	»Et dans l'ame cruelle
	»De Pluton se glissant,
	»Y laisse vne estincelle,
2360	»Qui n'a tourment egal
	»Dans le creux infernal.
	»Il donte fous les eaux
	»Les troupes escaillees,
	»Il naure les oifeaux
2365	»Aux plumes efmaillees,
	»Les plaines et les bois
	»Sont fuiets à ses loix.
	»Les peuples des forests,
	»Les priuez, les sauuages,
2370	»Des tertres, des marez,
	»Des valons, des bocages,
	»Des champs et des maisons,
	»Sont ards de ses tisons.
	» Mais nous fommes fur tous,
2375	»Humaines creatures,
	»La butte de ses coups
	»Et de ses fleches dures:
	${ m `Nous}$ allons plus fouuent
	[247 ^v] »Ses flammes efprouuant.
2380	»Il niche dans les yeux
	»D'vne tendre pucelle,
	»Sur fon front gracieux,
	»Sur sa gorgette belle,
	»Ou fes cheueux retors,
2385	»D'où se font mille morts.
	464

» Mais las! c'est grand' pitié,	
»Que celuy, qu'il outrage	
»D'vne forte amitié,	
»Sent vne telle rage,	
»Qu'il ne repose point	2390
»Tant que ce mal le poind.	
»Il ne fonge transi	
»Qu'à la beauté qu'il aime,	
»Il n'a plus de fouci	
»De fa personne mesme:	2395
»Le paternel deuoir	
»Luy vient à nonchaloir.	
»Il change tout d'humeurs,	
»De naturel il change,	
»Il prend d'estranges mœurs	2400
»Sous ce tyran estrange:	
»L'ancienne douceur	
»Defempare fon cœur.	
Hemon voyons-nous pas	
Iadis si debonnaire,	2405
Deuenu contumax	
Au vouloir de fon pere,	
Depuis que cet amour	
A faict en luy feiour?	
[248] Il ne peut confentir	2410
Qu'on outrage fa Dame,	
Il aime mieux fentir	
La mort dedans fon ame:	
Ie crains que fa douleur	
Nous cause du malheur.	2415

ACTE V.

LE MESSAGER. LE CHŒVR. EVRYDICE. CREON. DOROTHEE.

Le Messager.

Omme Fortune escroule, esbranle et bouleuerse Les affaires humains poussez à la renuerse!

» Comme elle brouille tout, et de nous se iouant

» Va fans dessus dessous toute chose rouant!

 $_{2420\ \mathrm{>}}\mathrm{Sur}$ les fresse grandeurs superbe elle se roule,

»Puis foudain les releue en retournant sa boule,

»Et fi nul des mortels ne preuoit fon destin.

Voila le vieil Creon si heureux ce matin, Malheureux à cette heure. Il estoit sans attente,

2425 Sans espoir eleu Roy d'vne ville puissante.

Il a nos ennemis presentement chassez,

Que Polynice auoit contre nous amassez: Ores le malencontre en sa maison deuale,

Qui ce nouveau bonheur de triftesses esgale.

2430 »Car qui a du martyre en son entendement

»Bien qu'il foit vn grand Roy, ne vit heureusement.

»Vous auez beau couurir de haras les montagnes, »Et de troupeaux laineux les herbeuses campagnes, [248] »Auoir l'or qui iaunist sur le riuage mol

2435 »Du Lydien Pactole, ou du Tage Espagnol,

»Estre de cent citez et de cent peuples maistre,

» Voire entre tous les Rois vn monarque apparoistre:

» Que si dans vostre esprit n'auez contentement,

» Vostre felicité ne sera qu'vn tourment.

Le Chœur.

2440 Quel fanglant infortune encores nous tourmente?

Le Meffager.

La Fortune nous bat plus que iamais fanglante.

Le Chœur.

Nous est-il suruenu de nouueaux accidens?

Le Messager.

Tout est plein de soupirs et de pleurs là dedans.

Le Chœur.

Est-ce dans le chasteau que tombe cet esclandre?

Le Messager.

Sur le chef de Creon vient ce malheur descendre.

2445

Le Chœur.

De Creon? quel malheur en fon âge chenu?

Le Messager.

C'est par luy, le chetif, que tout est aduenu.

Le Chœur.

Et qu'est-ce? dy nous tost, sans nous tenir en trance.

Le Messager.

Ils font tous roides morts par fon outrecuidance.

Le Chœur.

Iupiter! qui sont-ils? qui a ce meurtre fait?

2450

Le Messager.

Hemon le pauure Hemon s'est luy mesme desfait.

Le Chœur.

Et pourquoy? qui l'a meu? le courroux de son pere?

Le Messager.

Il est mort forcené d'amour et de colere.

Le Chœur.

De l'amour d'Antigone il estoit esperdu.

Le Messager.

D'Antigone l'amour et la mort l'ont perdu.

2455

Le Chœur.

De cette pauure vierge esteinte est donc la vie.

Le Messager.

Sa mort est de la mort de son Hemon suivie.

Le Chœur.

Mais i'entreuoy, ce semble, Eurydice qui sort:

Auroit-elle entendu nouuelle de sa mort,

Ou bien si par Fortune elle seroit sortie?

2460

Eurydice.

O Thebains mes amis, ie me suis diuertie

Du feruice des Dieux, pour vn bruit effroyant, Qui fortant du chasteau m'a troublee en l'oyant. I'allois au facré temple où Pallas on adore, 2465 [249] Et à peine en la rue eftoy-ie entree encore, Quand i'entens la rumeur du peuple efpouuanté, Qui bruyoit triftement de quelque aduerfité De la maison Royale: à cette voix ouye, Espointe de frayeur, ie tombe esuanouye.

2470 Mes femmes m'embrassant me leuent comme vn faix, Et me couurant le front me portent au palais: Où peu apres estant d'ecstasse reuenue, Et de ce fascheux bruit m'estant resouuenue, Ie sors pleine d'ennuis, ardente de sçauoir

2475 Quel infortune c'est, ce qu'il y peut auoir.

La poitrine me bat, le sang au cœur me glace,
Vne froide sueur me destrempe la face,
La force me desaut, mon bras n'a plus de poux,
Et sous mon foible corps tremblotent mes genoux.

2480 Ie presage vn grand mal: car cette matinee
L'Orfraye a sur nos tours sa soible voix trainee
En longs gemissemens: i'ay veu dessur nos lits
Mille taches de sang, et dessur mes habits.
I'ay depuis estimé, que ce sussent presages

2485 Du meurtre des deux Rois, et des autres carnages De nos bons citoyens, qui font auiourdhuy morts, Repoullant vaillamment les Argiues efforts: Mais ore ie voy bien que ce figne demonftre, Que fur nos propres chefs aduiendra malencontre,

2490 Par le visage morne et les pleurs que ie voy
Du peuple, qui me suit et lamente sur moy.
Ie l'entens murmurer de quelque horrible chose,
De quelque grand meches dont m'aduertir on n'ose.
Si le faut-il sçauoir. Dites moy ie vous pry,

2495 De quel malheur prouient ce lamentable cry?

[249[†]] Dites-le hardiment: ie ne fuis apprentiue
A porter des ennuis, fans fin il m'en arriue.

Le Messager.

Ie vous conteray tout, Madame: car dequoy Peut feruir qu'on vous taife vn fi lugubre efmoy?

2505

2520

L'on ne le peut celer encores qu'on y tasche,

Vous le sçaurez tousiours combien qu'on vous le cache:

Et le sçachant demain vous n'aurez moins d'ennuy,

Que vous en receurez le sçachant auiourdhuy.

Eurydice.

Tu me tiens trop long temps, despesche ie te prie.

Le Messager.

La fureur de Creon luy estoit deasprie
Par le conseil des siens, qui donnerent aduis
Que fussent des grands Dieux les oracles suiuis
Qu'annonçoit Tiresie, et qu'vn sunbre office
Lon sist soudainement au corps de Polynice.

Nous allions attriftez par des chemins tortus,

De cauerneux rochers doublement reuestus:

Pource que la campagne est encore encombree

De grands monceaux de corps, et de sang empourpree.

Puis descendus au lieu suneste aux deux Germains,

Trouuons ce pauure Prince estendu sur les reins,

Tout saigneux, tout poudreux, que nous leuons de terre,

Et le portons lauer sur vne large pierre.

Apres qu'il fut par nous de pure eau nettoyé, Et de linge odorant fouefuement effuyé, Nous inuoquons Hecate en trois noms reclamee, Le tenebreux Pluton, et sa cohorte aimee, En les propitiant, de peur que leur courroux Pour se voir mespriser ne s'eclatast sur nous.

Luy creusons vn tombeau sa maison solitaire, 2525 Et couuert d'vn linceul le descendons dedans, [250] Espandans maints soupirs, maintes pleurs espandans.

Nous entamons le sein de nostre antique mere,

Quand tout fut acheué, nous retournons arriere,

Marchant d'vn pas legier vers la sombre taniere

De la bonne Antigone, à fin de l'en tirer,

Ne la voulant Creon plus long temps martyrer.

Nous n'allons gueres loin qu'vne voix lamentable

Nous entendons sortir de la roche execrable:

Le Roy s'en trouble tout, deuient palle, et ne peut

Proferer vn seul mot, tant son ame s'esmeut.

Il auance le pas, il begaye, et demonstre Par ses gestes diuers qu'il craint du malencontre, Nous haste d'approcher de cet antre pierreux, Luy mesme y court soudain, s'appelle malheureux,

Luy mesme y court soudain, s'appelle malheureux.

2540 Gemist, souspire, pleure, et ses gourdes mains rue
Sur ses cheueux grisons et sa barbe chenue.

Ah (dit-il) miserable! ah c'est d'Hemon le cry!

Allez, courez, volez, secourez, ie vous pry,

Yous n'y serez à temps, brossez dans ce bocage,

2545 Et à course donnez dedans l'antre sauuage:
Sauuez moy mon enfant, mon enfant sauuez moy,
Mon Hemon las! c'est luy, c'est luy-mesme que i'oy,
C'est sa voix, ie l'entens. Lors chacun s'euertue,
Chacun court, chacun poste à la roche moussue:

2550 L'vn veut deuancer l'autre, et l'honneur acquerir D'estre entré le premier pour Hemon secourir.

De cet antre approchez, nous trouuons la closture Auoir esté brisee en capable ouuerture:

Nous descendons dedans, et descouurant par tout, 2555 Nous voyons Antigone en vn recoin au bout Couchee à la renuerse, ayant la gorge ceinte

De fes liens de teste, en mille nœuds estreinte:
[250] Et son Hemon aupres, qui pleurant l'embrassoit,

Et sa mort lamentant sur elle gemissoit,

2560 Nommoit les Dieux cruels et la Parque cruelle,
Maudissoit, detestoit la rigueur paternelle,
Se destordoit les bras, la pucelle appelloit:
Et bien qu'elle sust morte auec elle parloit,
La nommoit sa maistresse, et sa vie, et son ame,

2565 Se disoit malheureux en vne chaste flame.

Außi tost vient Creon, qui l'ayant apperceu
Tire de grands sanglots, iusque aux poumons esmeu:
Et comme fanatique, auec vne voix morte,
Tremblant et haletant luy dist en cette sorte.

Que faites vous mon fils? pourquoy vous perdez-vous?
Reuenez, mon amy, laschez vostre courroux:
Pardonnez moy ma faute, humble ie vous en prie,
Pardonnez moy, mon cœur, pardonnez moy, ma vie:

2605

Vueillez moy, pour ce coup, mon erreur pardonner, I'en porteray tel mal que voudrez m'ordonner. 2575 Mais luy le regardant d'vne œillade farouche. Le guignant de trauers à ces propos rebouche, Deuient plus furieux, et sans respondre mot De ses entrailles pousse vn soupireux sanglot: Et au mesme moment il saque au cimeterre, 2580 Dont Creon effroyé se retire grand' erre Sortant de la cauerne, et luy tout coleré Se donne dans les flancs du coutelas tiré. Eurydice. Hà qu'est-ce que i'entens! qu'est-ce que i'oy dolente! Le Cheur. Elle s'en va troublee ainfi qu'vne Bacchante 2585 Au haut de Cithéron, qui pleine de fureur, Va celebrant le Dieu des Indes conquereur. Acheue Meffager ce difcours lamentable. [251] Le Messager. Si tost qu'il eut l'espee en son flanc miserable, Il tomba fur la Vierge et de fang l'arrofa, 2590 Dist le dernier adieu, puis ses léures baisa: La face luy blesmist, les iambes luy roidirent, Sa vie et son amour dedans l'air se perdirent. Le Chœur. O couple infortuné de fidelles Amans, Indignes de souffrir si funebres tourmens! 2595 Les Dires vont efteindre aux ondes Stygiales De leur mortel Hymen les torches nuptiales. Or repofez, enfans, en eternelle paix, Et vos douces amours conferuez à jamais. Mais d'où vient que la Royne est si tost retournee Quand elle a sceu d'Hemon la dure destinee, Sans faire aucuns regrets, fans auoir lamenté, Sentant d'vn si grand dueil son cœur accrauanté? Le Messager. Ie m'en estonne bien, mais toutesois i'estime

Qu'elle a voulu presser la douleur qui la lime,

Et ne la declarer en public deuant tous: Mais qu'elle vomira fon dueil et fon courroux Libre dans le chasteau fans que ses pleurs on voye. «Celuy larmoye seul qui de bon cœur larmoye.

Que par trop de douleur elle s'aille outrager: Elle est trop retenue et a trop de prudence.

Le Chœur.

Certes ie n'en fçay rien, mais ce trifte filence Me femble prefagir incurables malheurs:

2615 »Combien qu'en vn vray dueil vaines font les clameurs.

Le Messager.

Entrons dedans la ville, on pourra nous apprendre Si le dueil luy a fait sur sa vie entreprendre.

Le Chœur.

Allons: mais voila pas Creon l'infortuné?

Le Messager.

C'est luy mesme c'est luy, le vieillard obstiné.

[251]

Le Chœur.

2620 Il fait porter vn mort fur lequel il lamente.

Le Messager.

C'est Hémon retiré de la caue relante.

Le Chœur.

Il est cause tout seul d'vn si cruel meches, Mais ie crains qu'il ne tombe à d'autres sur le ches.

Creon.

O trois et quatre fois malheureuse ma vie! 2625 O vieillesse chagrine au desastre asseruie! O crime detestable! ô monstrueux forsait!

O crime deteltable! 6 montrueux forfait!
I'ay par ma cruauté mon cher enfant desfait!
Hà bourreau de mon fang! vne Tigre fauuage
Ne traitte ainsi les siens, que moy mon parentage.

Ne se peut amortir d'vn carnage inhumain:
Ie guerroye les morts, ma fureur insensee
S'est apres le trespas sur les miens elancee.

I'ay voulu Polynice aux corbeaux liurer mort 2635 Et aux loups charoigniers, non contant de sa mort.

2640

2645

2655

2660

2665

I'ay enclose Antigone en vne caue noire, Pour vn piteux office, et qui merite gloire.

I'av viue enseuely la fille de ma sœur, Et de mon propre fils ie suis le meutrisseur.

Le Chœur.

Trop tard vous cognoissez vostre incurable offense, Vaines y font les pleurs, vaine la repentance, Pour neant vous iettez ces lamentables cris. »De ce qui est ia faict le conseil en est pris. »Dieu mesme ne sçauroit, bien que tout il modere,

»Faire qu'vn œuure faict foit encores à faire.

Creon.

Helas ie le fçay bien à mon grand deconfort. Incurable est ma peine, incurable mon tort. Helas! que ma vieillesse est de malheurs chargee! Que mon ame a d'angoisse, et qu'elle est affligee!

Dorothee.

O Creon esploré, les meurtres à foison 2650 [252] Viennent de plus en plus combler vostre maison.

Creon.

Que me peut-il rester de chose miserable, Que ne m'ait fait sentir la fortune muable?

Dorothee.

La Royne s'est tuee, et de son rouge sang Sa chambre est ondoyante et semble d'vn estang.

Creon.

O cruel Acheron aux implacables gouffres, Qui dans tes flancs ouuerts toutes choses engoufres, Pourquoy me viens-tu perdre estant ia si perdu? Que ne fuis-ie pluftost dans l'Orque descendu, Ains qu'emplir ma maison de sang et de carnage, Que pousser deuant moy mon malheureux mesnage?

Hà pauure infortuné, pauure Roy, Roy chetif, Que ce bandeau royal est vn heur deceptif! Si tost ie ne l'ay pris, qu'vne horrible tempeste D'esclandres desastreux m'a bourrelé la teste.

Mon Eurydice est morte! hà mechant c'est par moy! D'autre que de moy seul me plaindre ie ne doy.

Par moy ma niepce est morte en vn louable office: Par elle mon Hemon, par Hemon Eurydice.

2670 Ainfi de tant de morts ie suis cause tout seul, Et seul außi i'en porte et la coulpe et le deul. Mon Eurydice est morte, Eurydice mon ame! O sanguinaire espous, ô desastreuse Dame! Allons, courons la voir.

Dorothee.

Ne vous haftez ia tant, 2675 Vous ne ranimerez fa vie en vous haftant. Trop toft à vostre dam vous verrez la pauurette Preste à faire descente en la tombe muette.

Creon.

Hé bons dieux que feray-ie? est-il calamité Qu'apparier ie puisse à mon aduersité?

2680 Que me peut-il refter? que refte à ma vieillesse Qu'elle ne soit confite en extreme destresse?

[252] I'ay meurtry mon enfant que ie tiens en mes bras, Et ma loyale espouse ay conduit au trespas.

Hà mere trop piteuse! hà fils trop debonnaire!

O trop cruel Destin! cruel fort estouffant Par mon austerité, niepce, femme, et enfant!

Dorothee.

Elle est morte soudain, sur l'autel renuersee, D'vn poignard outrageux l'estomach trauersee.

2690 Mais deuant que vomir la trifte ame dehors,
Les deux yeux entre-ouverts ternissans par les bors,
Le visage desteint de sa rose premiere,
A son antique espoux a fait dure priere,
Ses Manes contre vous par trois sois implorant
2695 Et toutes les Fureurs des Ensers adiurant,

Pour venger dessur vous au creux Acherontide De cent et cent tourmens ce double parricide.

Creon.

O pauure, ô miserable, helas ie tremble au cœur! Ie sens mon sang glacer d'vne mortelle peur.

Trauerser la poitrine, ou la gorge frapee? Arrachez-moy d'ici, iettez moy quelque part,	2700
Où ie puisse plorer dans vn roc à l'escart. Ie suis semblable à ceux que le sepulchre enserre, Tant l'ennuy, tant le mal mortellement m'atterre. Vienne vienne la Mort au seuere sourcy,	2705
Vienne la Mort terrible et m'arrache d'icy. Que ce iour le dernier de mes iours apparoisse,	
Ce iour face noyer mon crime et mon angoisse Au fond de l'Acheron, non pas mon crime, helas! Car il faut qu'auec moy ie le porte là bas,	2710
Et le monstre à Minos, pour receuoir la peine [253] Que merite l'aigreur de mon ame inhumaine. Le Chœur.	
Laissez-là ces regrets, cet inutile dueil, Et faites que leurs corps on enferme au cercueil.	2715
Creon. Ie ne te puis lascher ma tendre geniture, Pour inhumé te mettre en digne sepulture, Bien que ie t'aye occis par ma seuerité,	
Et ce mesme forfait vient vostre sang espandre!	2720
Mere, vous n'auez peu, trop outragee au cœur, Suruiure à vostre enfant meurtry par ma rigueur: Et moy meurtrier ie vy, Clothon mes iours deuide, Qui suis espoux, et oncle, et pere parricide.	2725
Où mes yeux tourneray-ie? en quel lieu, malheureux, Me doy-ie retirer pour n'estre langoureux? Tu vois, pauure Creon, quelque part que tu ailles	
Des meurtres impiteux, tu vois des funerailles. De son glaiue abbatu ton enfant gist icy,	2730
Occife en ta maison ta semme gist außi: Tout regorge de pleurs, de regrets et de plaintes, Par la fortune sont tes liesse esteintes.	

O rigoureux Destin, qu'on ne peut euiter! O grands Dieux immortels! ô pere Iupiter!

Terminez ie vous pri' ma douleur et ma vie, D'Eurydice la mort foit de ma mort fuiuie. Le Chœur.

Vos pertes, vos malheurs, que vous auez foufferts »Procedent du mespris du grand Dieu des Enfers: 2740 »Il le faut honorer, et tousiours auoir cure »De ne priuer aucun du droict de sepulture.

FIN.

$[253^{\mathsf{v}}] \quad \mathsf{L} \; \mathsf{E} \; \mathsf{S} \quad \mathsf{I} \; \mathsf{V} \; \mathsf{I} \; \mathsf{F} \; \mathsf{V} \; \mathsf{E} \; \mathsf{S},$ $\mathsf{T} \; \mathsf{R} \; \mathsf{A} \; \mathsf{G} \; \mathsf{E} \; \mathsf{D} \; \mathsf{I} \; \mathsf{E}.$

[254] A MONSEIGNEVR

D E I O Y E V S E D V C,
PAIR, ET ADMIRAL

de France.

LE m'estois resolu, Monseigneur, de quitter l'ingrat exercice des Muses, où ie ne me suis que trop inutilement esbatu: mais estant sur le poinct de prendre congé, ie me suis aduisé que deux choses principalement me restoyent: de chanter quelque cas de nostre Dieu, digne d'un homme 5 Chrestien, et de vous presenter de mes vers, comme à [254] celuy qui leur est venerable entre tous. Dequoy ie me semble estre aucunement acquitté par le sujet et addresse de ceste Tragedie. Car tout ainsi que c'est un discours Chrestien et religieux, il s'est conuenablement ad-10 dressé à vous, Monseigneur, qui l'estes autant que nul autre de ce Royaume. Et pour l'autre efgard, i'eusse craint d'estre instement repris des Muses, si entre tous ceux qui se sont efforcez de monter sur leurs saints coupeaux, i'estois seul n'honorant vostre vertu, et ne re-15 connoissant la continuelle bien-vueillance qu'elles reçoiuent de vous leur Mecene. Car combien que, ou par l'infelicité du fiecle, ou par defaut de merites, ou par vn mal-heur particulier, les peines que i'ay prifes à les careffer, m'ayent [255] esté autant infructueuses iusques icu, que 20

les affidus et defagreables labeurs de ma vacation: Si veux-ie. Monseianeur, vous regracier des bienfaits que les lettres recoinent iournellement de vous, comme h i'estois du nombre des mieux fortunez, et vous en demeurer au-25 tant redevable que l'vn d'iccux. Or vous ay-ie icy representé les souspirables calamitez d'un peuple, qui a comme nous abandonné son Dieu. C'est vn suiet delectable, et de bonne et saincte edification. Vous y vouez le chastiment d'un Prince issu de l'ancienne race de Dauid, pour 30 fon infidelité et rebellion contre son superieur: Et voyez aussi l'horrible cruauté d'en Roy barbare vers celuy qui battu de la fortune, est tombé en ses mains [255] par vn seuere iugement de Dieu. La prerogative que la verité prend fur la mensonge, l'histoire fur la fable, un sujet et 35 discours sacré sur un profane, m'induit à croire que ce Traitté pourra preceller les autres, et moins desagreer à sa Maiesté, s'il luy plaist l'honorer de sa veuë, luy estant dedié en general auec les precedens, tout ainsi que ie vous le viens particulierement voüer et presenter. C'est peu de 40 chose à vray-dire, et le reconnois ainsi: mais c'est tout ce que ie vous puis donner de tesmoignage du respect et obeissance que ie vous porte, et de l'humble subjection que ie dois à sa Maiesté. En cela ie me confie, Monseigneur, affeuré que l'affection de l'Au[256]theur tiendra lieu de 45 recommandation de son œuvre, et le garantira de contemnement.

> Vostre tres-affectionné feruiteur Robert Garnier.

[256^v] AD ROBERTVM GARNIERIVM

RERVM CAPITALIVM PRAEFECTVM

Conomanis, Petrus Amyus ibidem

Cos. Mag.

Vam Cirrha procul, et cantatis Phocidos antris, Quam Cælo, Garniere, remoto	
Quam Cælo, Garniere, remoto	
Castaliæ percunt duce te volitare Camænæ.	
En qua fœcundo rigat amne	50
Nilus arenofi fitientia rura Canopi,	
Quaque Palestinæ recutitis	
Palmæ frondofas fociarunt gentibus vmbras,	
Te observant, tua signa sequuntur.	
Hæc paffis, illa in nodum religata capillos:	55
Et cinctæ omnes tempora myrto,	
Suspensæque lyras humero, mirantur et ardent	
Quos pergis, fua mella, labores.	
Illa alias inter quæ te almo fydere natum	
Fouit Melpomene, anxia rerum	60
Quicquam adolere nouarum operi nouo, At vnde, ait, aut quid?	
Dum Thesiden, dum Astyanacta,	
Relliquias Troiæ, dum ciuica bella Quiritum,	
Ternis exantlata duellis	
Terno complexus dedit expallere theatro,	6
Nos illi pulchra omnia, opumque	
Addidimus, quantum ex adytis Heliconis opimis	
Mortales ditescere fas est.	
Quid fuperest? Quid non dictum illi? Non fibi folus	
Iam ipfe eft, qui fe comparet ipfi?	7
[257] Eft humana tenus quo sese audacia fundat,	
Vana aliquid fupra meditari:	
Est lex quaterus immortales vatibus adfunt,	
Vltra quam conata, refringit	
Qui Lycios regnat faltus, Delum, Pataramque	7
Cynthius et Thymbræus Apollo.	
Subliftit paulum, et mox mutato altera vultu,	
At fi, inquit, nihil amplius illi	
Defluit vnde potest reliquis, fi nostra, Sorores,	
Illum aduorfum copia friget,	8
I proprijs pollens numeris, I te tibi Teucro,	
Teque ipfo, Garniere, beatus	

Sammlung französ. Neudrucke.

Aude fecurus quicquid lubet, ardua pennæ Numina prome tuæ: Ecce Sionem

85 Sponte fubit, Libanique intonfa cacumina cedros Parnaffus bifida arce biuertex:

Aude hic quod paueant Reges, atrocia Iudæ Fata, et lamentabile regnum

Sedeciæ, prolemque neci afflictam, ante caduci

Lumina mox peritura parentis.

Te labor ifte manet postremus, inhospita edaci Quem senio exspectant loca, vbi inter

Æternas spirant lauros cecinisse peritæ Threissæ, Smyrnææque Camænæ.

[257] Argument de la Tragedie des Iuifues.

NAbuchodonosor Roy des Assyriens ayant ordonné Sedecie Roy de Ierusalem au lieu de Ioachim son nepueu, apres qu'il luy eust iuré la foy de luy estre tousiours bon et loyal vassal, et de ne prendre iamais l'alliance et con-5 federation du Roy d'Egypte son ennemy, fut neuf ans apres contraint de luy faire guerre pour auoir faulsé sa foy, prenant le party de Nechun Roy d'Egypte, et auoir fon peuple reuolté contre luy. Pour ceste cause il mist aux champs vne tresforte armee, auec laquelle il brusla et 10 faccagea le pays de Iudee, et mist le siege deuant Ierusalem capitale de la prouince. Dequoy l'Egyptien aduerti marcha incontinent auec ses forces pour le contraindre de leuer le siege, ou de venir au combat. Mais Nabuchodonosor pour le preuenir leue incontinent les enseignes, et 15 le va rencontrer sur le chemin, où il le combat, et met son armee en pieces, auec grand carnage et mortalité: puis retourne camper deuant Ierusalem, qu'il fait battre plus furieusement qu'auparavant. Le siege dura dixhuit mois entiers: pendant lequel il se retira auec sa cour en

dla ville e Reblate, qui est Antioche de Syrie, relaissant 20 la charge de l'armee à Nabuzardan, [258] et autres vaillans Capitaines: lesquels serrerent les assiegez de si pres. que tous movens de recouurer viures leur estans oftez, ils furent incontinent reduits en trefgrande detreffe et necessité, mourans iournellement de faim. En fin comme ils eftovent 25 fort debilitez de courage et amoindris de nombre, leur est donné vn roide et furieux affault fur la minuict, ou'ils ne peurent soustenir, et fut la ville emportee de viue force. La cruauté fut extreme tant enuers les hommes qu'edifices. Le temple fut pillé et embrasé, la ville mise à seu et à 30 fang, et grand nombre de seigneurs et autres du populaire emmenez pour esclaues. Sedecie informé de ce desastre sort hastiuement auec sa mere, femmes, enfans, et aucuns de ses amis par vne porte secrette, et prend le chemin des montaignes, où il est poursuiui par quelques 35 gens de cheual, qui l'acconceurent aux campagnes de Iericho, le prindrent et lierent, et le menerent auec toute sa maison en Antioche, où il fut presenté au Roy Nabuchodonofor. Lequel apres luy auoir reproché en grande colere son ingratitude et deslovauté, fist en sa presence 40 efgorger ses enfans, et decapiter le grand Pontife auec les principaux seigneurs de Ierusalem: puis il luy fist creuer les yeux. Ce fait l'enuoya chargé de pesantes chaisnes en Babylon, où il finist depuis miserablement ses iours. Ce fuiet est pris des 24 et 25 chapitres du 4 liure des 45 Roys, du 36 chapitre du 2 liure des Chroniques, et du 29 de [258] Ieremie, et est plus amplement traitté par Iosephe au 9 et 10 chapitres du 10 des Antiquitez.

Entreparleurs.

Le Prophete.
Nabuchodonofor, Roy d'Affyrie.
Nabufardan, Lieutenant general en l'armee.
Amital, mere de Sedecie.
Les Roynes, femmes de Sedecie.
La Royne, femme de Nabuchodonofor.
La gouuernante de la Royne.
Sedecie, Roy de Ierufalem.
Sarree, grand Pontife.
Le Preuoft de l'hoftel de Nabuchodonofor.
Le Chœur des Iuifues.

[259] LES IVIFVES,

TRAGEDIE.

ACTE I.

Le Prophete.

5

10

15

20

IVíques à quand, Seigneur, épandras-tu ton ire? Iuíqu'à quand voudras-tu ton peuple aimé détruire, L'infortuné Iuda, que tu as tant cheri, Que tu as quarante ans par les deserts nourri, Comme vn enfant tendret que sa nourrice allaite, Et ores en rigueur ta dure main le traitte?

O seigneur nostre Dieu, ramolli ton courroux, Rasserene ton œil, sois pitoyable et doux, Nous t'auons offensé de crimes execrables Et connoissons combien nous sommes punissables: Mais las! pardonne nous, nous te crions merci, Si nous auons peché, nous repentons außi.

Souuienne toy d'Isac et de Iacob nos peres, A qui tu as promis des terres étrangeres Auec posterité, qui s'écroistre deuoit Comme vn sable infini qu'aux riuages on voit: [259^v] Ne vueille de la terre effacer leur memoire. Qui t'inuoqueroit plus? qui chanteroit ta gloire? Qui te sacrisieroit? qui de tous les mortels Se viendroit plus ietter au pié de tes autels?

Seroit-ce le Medois? feroit-ce l'Ammonite? Las! feroit-ce celuy qui en Cedar habite? O seigneur ô seigneur, vueille prendre pitié D'Israel ton enfant durement chatié.

25 Tu l'aurois vainement eleué fur la terre,
Vainement defendu de ses voisins en guerre,
Pourneant arraché le fardeau de son dos,
Et conduit à pié sec par le milieu des flots,
Qui pour luy donner voye en deux parts se fendirent,
30 Et, comme bouleuars, par les flancs le couurirent.

En vain, helas! en vain tu l'aurois tous les iours

Repeu de fainte manne aux fauuages détours De l'austere Arabie, et sa soif estanchee De l'onde iaillissant d'vne roche touchee:

35 Tu l'aurois pourneant par ces deserts conduit Sous vn nuau de iour, et sous vn feu de nuit, Prenant de son salut solicitude telle, Qu'on a de conseruer de ses yeux la prunelle: Si ores, l'ayant fait nombreux multiplier,

40 En son aduersité tu le viens oublier:
Tu le liures captif entre les mains profanes,
Et le vas confiner aux terres Caldeanes.

O peuple malheureux! peuple cent fois maudit
Tu fçais bien que i'auois tes defaftres predit!

45 Que i'auois annoncé du grand Dieu la menace,
A fin qu'humilié deuant fa claire face
Le peusses reconnoistre, et qu'à force de pleurs,

[260] De ieusnes et de cris preuinses tes malheurs!
Mais tu as mesprisé ces menaces prophetes,

Ton cœur obstiné fut et tes sens endurcis:
Außi es-tu butin d'vn peuple incirconcis,
Qui a mis au couteau la plus part de tes freres,
Arraché tes enfans du giron de leurs meres,

55 Tes femmes violé, le faint temple polu,
Mis fes ioyaux en proye au foldat diffolu,
Qui les a teint de fang, et fait du fanctuaire,
N'aguiere inuiolable, vn tombeau mortuaire.
Le poil m'en dresse au chef, i'en frissonne d'horreur,

60 Ce trifte souuenir me remet en fureur.

70

75

80

85

90

95

Hà chetiue Sion, iadis si florissante, Tu sens ores de Dieu la dextre punissante! L'onde de Siloé court sanglante, et le mur De tes tours est brisé par les armes d'Assur: Ton terroir plantureux n'est plus que solitude, Tu vas languir captiue en triste serviude.

Helas! voyla que c'est d'offenser l'Eternel, Qui te portoit, Sion, vn amour paternel: Tu as laißé sa voye, et d'vne ame rebelle Preseré les saux Dieux qu'adore l'Insidelle. Ingrate nation, tu as sur les hauts lieux Osé sacrisser à la Royne des Cieux, Luy consacrer des bois, tu as d'argille molle Poitrie entre tes mains saçonné mainte Idole, Que tu as adoree, (abominable fait!) Immolant à vn Dieu, que toy mesme t'es fait.

Il a des yeux ouuerts, toutefois ne voit goutte:
Des oreilles il a, toutefois il n'écoute:
[260] On luy voit vne bouche, et ne fçauroit parler,
Il a double narine et ne respire l'air,
Ses mains sans maniment demeurent inutiles,
Et se pieds sans marcher sont plantez immobiles.
Semblables soyent ceux-la qui tels Dieux vont suiuant
Au lieu de l'Eternel, de nostre Dieu viuant,
Qui a fait ciel et terre, et qui ialoux n'endure
Vn homme s'incliner deuant sa creature.
Retourne toy vers luy, peuple sautier, à sin
Qu'à tes calamitez il vueille mettre sin:
Amande amande toy, ieusne, pleure, souspire,
A fin que de ton dos ses glaiues il retire.

Chœur.

Pourquoy Dieu, qui nous a faits D'vne nature imparfaits,
Et pecheurs comme nous fommes,
S'irrite si griesuement
Du mal que iournellement
Commettent les pauures hommes?

»Si tost que nous sommes nez » Nous y fommes adonnez: » Nostre ame, bien que diuine »Et pure de tout mesfait, 100 »Entrant dans vn corps infet »Auec luy se contamine. » Nul ne se peut empescher »En ce monde de pecher, »Tant est nostre humaine race 105 »Encline à se deuover. »Si Dieu ne vient deployer [261] »Sur nous sa diuine grace. Deflors qu'au verger d'Eden Il crea le pere Adam, 110 De la terre sa naissance, Et que de fon gras limon De l'homme fut prins le nom Comme auoit esté l'essence: Le peché, qui dans les os 115 Du Serpent couvoit enclos, Se gliffa par vne pomme Dans le credule cerueau D'Eue, épreinte de nouueau Des costes du premier homme. 120 Si tost ce poison ne fut Dedans fon oreille chut. Qu'il s'épandit en son ame: Et qu'Adam, qui le sentit, Außi tost se repentit 125 De la faute de sa femme. Il estoit en ce beau lieu Ainsi qu'vn terrestre Dieu,

> Il foisonnoit en tout bien, Il n'auoit souci de rien,

Commandant aux Creatures, Qui voloyent et qui nageoyent,

Qui dans les plaines logeoyent Et dans les forests obscures.

LES IVIFVES.

La terre toute benine	135
Sans le dur coutre fouffrir,	
Venoit tout les iours offrir	
Les threfors de fa poitrine.	
[261 ^v] Ses prez estoyent tousiours vers,	
Ses arbres de fruicts couuers,	140
Et ses iardins de fleurettes:	
Zephyre éuentoit le ciel,	
Des chesnes couloit le miel	
Sans artifice d'Auettes.	
L'orgueilleuse ambition,	145
Ny l'auare paßion,	
La haine et l'amour encore,	
L'esperance, ny la peur,	
Ne luy gesnoyent point le cœur,	
Comme elles nous gefnent ore.	150
Mais si tost qu'il sut taché	
De la bourbe de peché,	
Dieu le banit de sa veue,	
Ses enfans furent maudits,	
Luy chaßé de Paradis	155
Auec sa femme deceue.	
Depuis, fa posterité	
N'a commis qu'iniquité,	
Le frere meurtrit le frere:	
Si bien que Dieu se fâchant	160
D'vn animal si mechant,	
Refolut de le defaire.	
Il fift regorger les eaux	
Des fleuues et des ruisseaux,	
Il enfla la mer bruyante,	165
Le ciel fi longuement pleut,	
Que toute son onde cheut	
Desfur la terre ondoyante.	
Lors cet Element moiteux	
[262] Couurit les monts raboteux	170
De quinze humides coudees:	
Les Pins, qui croissent si hauts,	

Ne peurent attaindre egaux
A la hauteur des ondees.

Außi tout perit dedans,
Fors ceux qui eurent, prudens,
L'arche de Dieu pour refuge:
Mais ores, que les forfaits
Sont plus nombreux que iamais,
Ie crains yn autre deluge.

ACTE II.

NABVCHODONOSOR. NABVZARDAN, fon Lieutenant general.

Nabuchodonofor.

PAreil aux Dieux ie marche, et depuis le réueil
Du Soleil blondissant iusques à son sommeil,
Nul ne se parangonne à ma grandeur Royale,
En puissance et en biens Iupiter seul m'egale:
185 Et encores n'estoit qu'il commande immortel,
Qu'il tient vn soudre en main dont le coup est mortel,
Que son thrône est plus haut, et qu'on ne le peut ioindre,
Quelque grand Dieu qu'il soit, ie ne serois pas moindre.
Il commande aux éclairs, aux tonnerres, aux vents,

190 Aux grelles, aux frimats, et aux aftres mouuans, Infenfibles fuiets: moy ie commande aux hommes, Ie fuis l'vnique Dieu de la terre où nous fommes. S'il eft, alors qu'il marche, armé de tourbillons, Ie fuis enuironné de mille bataillons

195 [262^v] De foudars indomtez, dont les armes luifantes. Comme foudains éclairs, brillent etincelantes. Tous les peuples du monde ou font de moy fuietz, Ou Nature les a delà les mers logez. L'Aquilon, le Midy, l'Orient ie possede,

200 Le Parthe m'obeist, le Persan et le Mede, Les Bactres, les Indois, et cet Hebrieu cuidoit, Rebelle, s'affranchir du tribut qu'il me doit.

488

175

180

Mais il a tout foudain esprouué ma puissance, Et receu le guerdon de son outrecuidance.

Nabuzardan.

»Celuy qui entreprend d'estre plus qu'il ne peut, »Souuent, trompé d'espoir, dechet plus qu'il ne veut. 205

Nabuchodonofor.

Ce braue me pensoit si failli de courage, De souffrir m'estre fait vn si vilain outrage, Et ne m'en ressentir, n'auoir point la raison D'vne si detestable et lasche trahison.

210

Mais deuant que le iour ait sa course finie, Ie iure qu'il verra sa lascheté punie.

S'effeuer contre moy? se distraire de moy? Contre ma volonté se penser faire Roy?

C'est faire proprement aux Estoiles la guerre, C'est vouloir arracher de Iupin le tonnerre. 215

Nabuzardan.

Il est assez puny de son ambition.

Nabuchodonofor.

Ie luy veux bien donner autre punition.

Nabuzardan.

A vn Roy? que peut-il endurer d'auantage Que de se voir reduit en si honteux seruage? Que de se voir priuer de son sceptre ancien? Que d'auoir tout perdu? que de Roy n'estre rien?

220

Nabuchodonofor.

Pour cela n'est encor ma vengence assouuie. Nabuzardan.

Et que voulez-vous plus?

Nabuchodonofor.

Ie veux auoir sa vie.

Nabuzardan.

»Le voulez-vous meurtrir?

Nabuchodonofor.

995

Qui tient fon ennemy [263] »Et ne le meurtrist point, n'est vengé qu'à demy.

Nabuzardan.

Au contraire, en sa mort il pert toute vengeance. » Car l'ennemy qui meurt sort de nostre puissance.

Nabuchodonofor.

Le laisseroy-ie viure estant sous mon pouuoir? Nabuzardan.

230 Vous l'y deuez contraindre or qu'il n'en eust vouloir. Nabuchodonofor.

Celuy que ie hay tant contraindroy-ie de viure? Nabuzardan.

Ouy, de peur que la mort de vos mains le deliure. La mort l'affranchira de ses tourmens cruels, Qui luy feroyent, viuant, trespas continuels.

235 »Ce n'est rien de mourir: la mort tant soit amere.

»N'est aux calamiteux qu'vne peine legere: »Elle ferme la porte à tous maux douloureux, »Et purge de malheur les hommes malheureux.

Nabuchodonofor.

Pourquoy s'il fouffre tant à fecours ne l'appelle? Nabuzardan

240 C'est par faute de cœur qu'il ne recourt à elle, La redoutant sans cause, et pourroit estre ausi Qu'il se nourrist d'espoir que luy ferez merci.

Nabuchodonofor.

A vn tel defloyal? qui s'est ioint d'alliance Auec mon ennemy pour me faire nuisance?

245 Qui s'est ingratement contre moy rebellé Pour loyer de l'auoir au royaume appellé? Il le merite bien: par le Soleil ie iure, Que si mon propre enfant m'auoit faict telle iniure, Mes peuples rebellant qui luy seroyent commis,

250 Pour se bander contraire auec mes ennemis, »Ie le ferois mourir. Tous crimes on pardonne » Fors celuy seulement qui touche à la couronne.

Nabuzardan.

»C'est donner à vray dire au rebelle vn appas, »Qu'en supporter le crime et ne le punir pas.

Nabuchodonofor.

255 Chacun entreprendroit pareille felonnie, Si celle de ce Roy demeuroit impunie.

280

[263 ^v] Ie ne ferois plus craint, on m'auroit à mépris S'affeurant vn chacun de n'en eftre repris. Nabuzardan. Tout Prince doit au crime attacher le fupplice, Et de fes bons fuiets guerdonner le feruice: A fin qu'on foit à bien incité par bienfait, Et par peines démeu de commettre vn mesfait.	260
Nabuchedonofor.	
I'en feray tout ainfi.	
Nabuzardan.	
Mais gardez-vous de faire	
Que la punition excede le falaire.	
»Toufiours vn Roy doit eftre au chaftiment tardif, »Mais à faire du bien se monstrer exceßif.	265
Nabuchodonofor.	
Le feruice des miens foigneux ie remunere.	
Nabuzardan.	
Ne foyez à punir commandé de cholere,	
	è
Ne puisse donner tache à vostre Royauté.	270
»Iamais homme cruel n'eut l'ame magnanime.	210
Nabuchodonofor.	
»Si vn Roy n'est seuere on n'en fait point d'estime.	
1	

Nabuzardan. »On l'est tousiours assez: vn Monarque irrité

»A tousiours, se vengeant, trop de seuerité. »L'on ne voit à grand' peine homme qui s'y tempere:

»S'il ne le faict raison, c'est qu'il ne le peut faire.

»Mais vn Roy qui peut tout, n'a qu'à se retenir, »Si quelqu'vn l'a fasché, de ne le trop punir.

Que de ce Roy la faute inhumain ne vous rende.

Nabuchodonofor. »En vn crime si grand doit la peine estre grande.

Nabuzardan.

Le supplice au delit ne vueillez mesurer.

Nabuchodonofor.

Voudriez-vous que i'allasse vn tel crime endurer?

Nabuzardan.

Non, mais que son estat à pitié vous incite.

Nabuchodonofor.

Pour estre Roy, sa faute est elle plus petite?

Nabuzardan.

285 Non pas, mais il merite vn moindre chastiment.

Nabuchodonofor.

Ce sont les grands qu'on doit punir plus griefuement.

[264]

290

295

300

305

310

Chœur.

Elas ce n'est pas de ceste heure, Hé ce n'est pas de ce iourdhuy, Que tu es cause que ie pleure, Et que ie sanglote d'ennuy, Egypte! las tu vois en cendre Nostre lamentable Cité, Et nous pour te vouloir defendre

Trebucher en captiuité.

Tu vois nostre infortuné Prince Aujourdhuy fous les fers ployer: Et nostre fertile Prouince Reduitte en deserts, larmover. Tu en es cause: ceste guerre N'a prins fondement que de toy, Tout le malheur qui nous atterre N'est que pour te garder la foy.

Que maudit soit ton voisinage, Mauditte soit ton amitié, Que sur ton pestilent riuage N'eußions-nous iamais mis le pié, Et iamais Iacob nostre ancestre N'y fust pour la faim euiter, Auecques fa troupe champestre Allé de Canan habiter.

Ce fut là, que sa race folle Offensa Dieu premierement, Adorant le bois d'vne Idole Pour le grand Dieu du firmament:

LES IVIFVES.

Le Dieu que nos antiques Peres	315
[264 ^v] Auoyent feul toufiours inuoqué,	
Non ces Idoles estrangeres,	
Dont chacun d'eux se fust moqué.	
»C'est vn poison opiniastre,	
»Qui depuis qu'il s'est encharné,	320
»Ne fçauroit d'vne ame idolatre	
» Estre iamais deraciné:	
»Encores que le Dieu celeste,	
»De l'honneur qu'on luy doit ialoux,	
»Entre toute chose deteste	325
»Ce crime execrable fur tous.	
Quand il nous eut, à main puissante	
Tirez de ton feruage dur,	
Que la mer eut, obeissante,	
Fait de ses eaux vn double mur,	330
Decouurant fa deferte arene,	
Pour nous donner passage seur,	
Ainfi qu'au trauers d'vne plaine,	
Contre l'ennemy pourchasseur:	
Que la manne il nous eut donnee,	335
Qu'il nous eut ressasse d'eau,	
Couuers d'vn nuau la iournee,	
Et guidez la nuit d'vn flambeau:	
Detestables d'ingratitude	
Apres tant de miracles faints,	340
Nous appliqualmes nostre estude	
A forger vn Dieu de nos mains.	
Le peuple, qui l'Idole vaine	
Moula, fondit et burina,	
D'vne reuerence vilaine	345
Vers elle fon chef inclina,	
[265] Et de mainte folastre dance,	
Auec la fleute et le tabour,	
Epris de fotte esiouissance	
Alla caroler tout autour.	350
Il dressa des banquets publiques	300
Desfous le Veau dersié	
15 chous to 1 call action	

360

365

Des holocaustes pacifiques
Qu'il luy auoit sacrifié.
Voila (ce disoyent les vieux Peres)
Nostre Dieu, peuple, nostre Dieu,
Qui nous a par les eaux ameres
D'Egypte, conduits en ce lieu.
Mais l'Eternel, qui de la nuë
Ces voix de blaspheme entendit,
Eut l'ame de cholere émeuë,
Et son bras vengeur étendit:
Si que, sans les pleurs de Moyse,
Qui appaiserent son courroux,
Sa fureur, iustement eprise,
Nous eust dés l'heure abysmez tous.

AMITAL. LE CHŒVR DES IVIFVES.

Amital.

Pous les cuifants malheurs qui fur nos chefs deualent, Let devalerent onc, mes encombres n'égalent: Ie suis le malheur mesme, et ne puis las! ne puis 370 Souffrir plus que ie souffre en mon ame d'ennuis. Mais mon plus grief tourment est ma vie obstinee, Que les desaftres n'ont ny les ans terminee. [265] Ie vy pour mon martyre: helas! ciel endurci Quand feras-tu laßé de me gefner ici? 375 Ne m'auras-tu fait naistre en ce monde immortelle, A fin que ma douleur me tenaille eternelle? O cruelle influence! ô mechef! ô destin! Quand veux-tu m'infecter de ton dernier venin? Ne viendra point le iour que mes langueurs ie noye 380 Dans vn fombre tombeau, faite des vers la proye? Helas! ie croy que non, il y a trop long temps Qu'en vain ie le reclame, et qu'en vain ie l'attens. Non, il ne viendra point, ma peine est perdurable, La mort promte au secours ne m'est point secourable, 385 Elle me fuit, peureuse, et n'ose m'approcher,

Son dard, qui ne craint rien, a peur de me toucher.

Elle craint les malheurs où ie languis confite, Ou pense qu'immortelle en ce monde i'habite, Que i'y erre à iamais, m'ayant l'ire de Dieu, Comme dans vn enfer, confinee en ce lieu. Dieu du Ciel, Dieu d'Aron mets fin à ma misere, Arrache moy, mon Dieu, de cette vie amere.

390

Le Chœur des Iuifues.

Royne mere des Rois de l'antique Sion, Ores nostre compagne en dure affliction, Souspirez, larmoyez nos cruels infortunes, Comme ils nous font communs, foyent nos larmes communes.

395

Mes yeux n'ont point seché depuis le iour maudit Que le Roy mon espoux la bataille perdit Au champ de Magedon, et qu'vne errante fleche Fift dedans sa poitrine vne mortelle breche: Que ses Princes pleurans autour du char saigneux, Mourable en fon palais le conduirent foigneux. Las! pauure ie le vey, comme fon ame chere [266] Se delioit du corps, et s'enuoloit legere! Il me tendit la main, que ie baisay cent fois, Poussant mille sanglots qui m'estoupoyent la voix, Si qu'étreinte de mal ie ne luy peux rien dire, Sinon entre mes dents fon defastre maudire. Accuser le destin, et forcenant d'ennuy, Me desirer sans cesse vn mesme fort que luy. Ce pendant ses deux yeux en la nuit se plongerent, Le pouls luy defaillit, les membres luy gelerent, Et lors, comme en fureur (ie meurs y repensant!) I'allay contre mon chef mes deux mains elançant, Ie m'esclatay de cris à sa bouche colee, Les restes recueillant de son ame enuolee. Depuis ie n'eu que mal, et les aduersitez

400

405

410

415

420

Sammlung französ. Neudrucke. 5. 495

Le Chœur des Iuifues. Las fa mort fut la nostre, et depuis, les miseres, Renaissant coup fur coup, nous furent ordinaires.

Sans relasche ont tousiours mes vieux ans agitez.

Auec luy le Royaume eut vn mesme trespas: Car nous vismes soudain les fers de Ioachas, Vostre chetif ensant, que l'Egypte infidelle De fraudes abusé tient encore chez elle.

Amital.

425 Pauure Prince et chetif, à peine tu auois
Tenu le royal sceptre en ta dextre trois mois,
Que de Roy fait esclaue, au lieu de luy tu portes
Des manicles aux bras, sur le fleuue aux sept portes.

Le Chœur des Iuifues.

Plus heureux n'a regné son frere Ioachim,
430 Qui son regne borna d'vne sanglante fin.
Quand cet Aßyrien, contre sa foy promise,
Ierusalem pilla comme par force prise,
Et Ioachim meurtrit auec les citoyens,
Puis leurs corps massacrez sist deuorer aux chiens.

435 [266] Las! de son fils ne fut la fortune plus douce.

Amital.

Helas! il receut d'elle vne dure fecousse. Il estoit bien foiblet, et pour son âge bas Il ne vaquoit encor qu'aux enfantins esbats: Le Soleil, qui auoit sa naissance amenee,

440 Ne tournoyoit fur luy que la huictiesme annee: De couronne il n'auoit ny de sceptre souci, Quand ce mesme tyran le transporta d'ici, Entraina ses parens et sa dolente mere, Pour deuider leur âge en seruitude austere.

Le Chœur des Iuifues.

445 Dieu ne punira point vn fait tant inhumain?

Amital.

A mon fils Sedecie il meift le sceptre en main Pour regner en Iuda, malheureuse prouince, Prouince malheureuse, et plus malheureux prince.

Le Chœur des Iuifues.

Las! qui est la cité, qui est la nation, 450 Qui souffre tant que nous de tribulation? Qui a Ierusalem surpassee en miseres? Qui a tant esprouué du grand Dieu les choleres?

Amital.

Celuy pourroit nombrer les celestes flambeaux, Les fueilles des forests, et les vagues des eaux, Les sables, qui legers dans l'Arabie ondoyent, Qui pourroit raconter les maux qui nous guerroyent.

455

Le Chœur des Iuifues. Il nous les faut plorer, car las! à nos malheurs

Pour tout allegement ne restent que les pleurs.

Amital.

Pleurons donques pleurons fur ces moiteufes riues, Puis que nous n'auons plus que nos larmes, captiues: 460 Ne cessons de pleurer, ne cessons, ne cessons De nous bagner le sein des pleurs que nous versons. Pleurons Ierusalem, Ierusalem destruite, Ierusalem en flamme et en cendres reduite. Ne foyent plus d'autre chofe occupez nos esprits, 465 [267] Ne faisons que douloir, que ietter pleurs et cris. Deuons-nous plus auoir autre follicitude? Pouvons nous autre part appliquer nostre estude? Nous est-il rien resté qu'vn esprit gemissant, Qu'vn esprit adeulé dans vn corps languissant? 470

Le Chœur des Iuifues. Pleurons donques, pleurons, et de triftes cantiques Lamentons fur ce bord nos malheurs Hebraïques.

Amital.

Rompons nos vestemens, decouurons nostre sein, Aigriffons contre luy nostre bourrelle main: N'épargnons nos cheueux et nos visages tendres, Couurons nos dos de facs, et nos testes de cendres.

475

Le Chœur des Iuifues. Nous te pleurons lamentable cité, Qui eut iadis tant de prosperité

Et maintenant, pleine d'aduersité

Gis abatue.

480

Las! au besoing tu auois eu tousiours La main de Dieu leuce à ton fecours, Qui maintenant de rempars et de tours T'a deueftue.

495

500

505

510

515

520

Il t'a, Sion, le vifage obfcurci,
Voyant le roc de ton cœur endurci
Eftre imployable, et n'auoir plus fouci
De fa loy fainte.

Tu as, ingrate, oublié ton deuoir,
Tu as osé d'autres Dieux receuoir,
Au lieu, Sion, que tu deuois auoir
Toufiours fa crainte.

Il t'a laisse au milieu du danger, Pour estre esclaue au soudart estranger, Qui d'Aßyrie est venu saccager Ta riche terre.

[267^v] »Comme lon voit les debiles moutons »Sans le pasteur courus des loups gloutons: »Ainsi chacun, quand Dieu nous reboutons, »Nous fait la guerre.

Mille couteaux nous ont ouuert le flanc,
Des corps meurtris s'est fait vn rouge estang,
Dans le saint temple a decoulé le sang
De ses Prophetes.

Le Chaldean l'a barbare pillé, Et sans horreur d'ornement depouillé, Le tabernacle il a sanglant souillé De mains insettes.

Amital.

O trois fois malheureuse nuit,
Que tu nous as de mal produit!
Iamais autres tenebres
Ne furent si funebres!
Il me semble encor que ie voy
Les hommes tomber deuant moy,
Que i'entens des mourables
Les regrets lamentables.
Que i'oy les fifres et tabours,
Les trompettes dessur les tours,
Dont le son encourage
Le veinqueur au carnage.

Que le feu de tous coftez bruit, Que fur les toicts la flamme luit, Que les enfans on rue Des maifons en la rue.

Le Chœur des Iuifues.
Pleurons les malheurs de Sion,
Calamiteufe nation,
Pleurons, tourbe compagne,
[268] Noftre fainte montagne.

525

Amital.

Mais plustoft prions nostre Dieu Qu'il ait pitié du peuple Hebrieu, Qu'il appaise son ire, Et sa verge retire.

530

Le Chœur des Iuifues. Qu'il vueille fauuer noftre Roy, Pour deformais viure en fa loy, Gardant fon ame pure

Gardant fon ame pur D'idolâtre fouillure.

535

Amital.

Leuons nos mains au ciel et nos larmoyans yeux, Iettons-nous à genoux d'vn cœur deuotieux, Et foupirant ensemble à sa maiesté haute, Le prions qu'il luy plaise effacer nostre faute.

540

O feigneur noftre Dieu, qui nous fauuas iadis Par le milieu des flots qu'en deux parts tu fendis, Conduifant de ta main ton peuple Ifraëlite, Quand tu l'eus deliuré du ioug Madianite, Qui l'armee ennemie abyfmas fous la mer, Qui aux profonds deferts nous gardas d'affamer, Qui fur le mont Oreb apparus à nos Peres, Et leur fis receuoir tes edits falutaires, Qui leur donnas fecours par les Anges du ciel, Qui leur baillas la terre ondoyante de miel D'Aphec et de Hebron, brifant les exercites De Bethel, de Gaser, et des forts Ammonites: Qui n'agueres sauuas Manasse nostre Roy Des ceps de Babylon, se retournant à toy,

545

550

555 Pardonneur, pitoyable, estens sur nous ta veuë, Et voy l'affliction dont nostre ame est repeuë. Pren Seigneur, pren Seigneur, de nous compaßion, Aye, Seigneur, pitié de la pauure Sion, [268] Ne l'extermine point, nous sommes la semance 560 D'Isac ton seruiteur, tes enfans d'alliance: Ne nous reprouue point, Pere, fay nous merci, Deliure Sedecie et ses enfans außi. Ainsi puisions tousiours rechanter tes louanges, Et bannir loing de nous tous autres Dieux estranges.

565 Madame leuons-nous, leuons-nous, car voici La Royne auec fon train qui s'approche d'ici.

LA ROYNE. SA GOVVERNANTE. AMITAL. LE CHŒVR.

Le Chœur des Iuifues.

La Rovne.

O Beau Soleil luisant, qui redores le monde Außi tost que la nuit te voit sortir de l'onde, Rayonnante lumiere, œil de tout l'vniuers, 570 Qui dechasses le somme et rens nos yeux ouuers, Tu fois le bien venu fur ces belles campagnes, Bien venu le bonheur de qui tu t'accompagnes: Ta clairté nous fait voir le defirable fruit Du fort victorieux, dont nous oyons le bruit. 575 Nous voyons maintenant les Rois Israelites Et leurs peuples restez à nos fiers exercites Amener par troupeaux, miserable butin: La fin de nos trauaux nous auons ce matin. Mais qu'est-ce que ie voy?

La Gouvernante.

C'est la tourbe estrangere 580 Des filles de Iuda, qui pleurent leur misere. La Royne.

Helas! quelle pitié, i'ay le cœur tout emeu, Ie voudroy n'auoir point vn tel desastre veu.

610

La Gouuernante.

Elles viennent vers nous.

La Rovne.

Cefte ancienne femme, Qui marche la premiere, est quelque grande Dame, [269] Ie voy qu'on la respecte, hé que c'est que de nous! 585 Que voyla, ma compagne, vn beau mirotter pour tous.

Amital.

Royne, à qui la fortune est constamment prospere, S'il se trouve constance en chose si legere, Espouse d'vn grand Roy, qui va seigneuriant Sous le vouloir de Dieu les peuples d'Orient, 590 Soyez nous fauorable, et que les durs esclandres De nous et de Sion maintenant mise en cendres Vous mollissent le cœur, si qu'ô Royne, par vous, Le Roy nostre vainqueur nous soit propice et doux. Tout ce troupeau captif d'vne voix vous supplie, 595 Las! pour Dieu que vostre ame à la pitié se plie: Que nos humides pleurs et nos cris ne fovent vains, Nous fommes à vos pieds, nous vous ioignons les mains, Voyez de nos enfans les prieres tendretes, Prenez compaßion de ces creaturetes. 600

La Royne.

Madame, leuez vous.

Amital.

Ce nom ne m'appartient,
Ainçois le nom de ferue à mon malheur conuient,
Ie fuis ores de Royne esclaue deuenuë:
Prenez pour vous seruir ma vieillesse chenuë,
Ie vous la viens offrir: vostre condition
Adoucira l'aigreur de ma suiection.

» La dignité du maistre est aux sers honorable,
» Et leur ioug, bien que dur, en est plus supportable.

La Royne.

Ma mere, leuez-vous, et vous Dames außi Qu'vn desastre commun fait lamenter ici. Vostre malheur ne sait que moins ie vous honore, Ains sait qu'auec douleur vos ennuis ie deplore.

501

»Il ne faut que Fortune eleue nostre cœur,

» Pour vous voir maintenant esprouuer sa rigueur,

- 615 »Que tous hommes mortels doiuent fans ceffe craindre,
 [269^v] »Soit Roy, foit laboureur, le grand plus que le moindre.
 Helas! que fçauons-nous fi ce iour feulement
 Ternira point nostre heur de quelque changement?

 »Nul ne vit affeuré des presens de Fortune:
- 620 »Elle est aux hommes mere et marâtre commune:

 »Ses instables faueurs volant sur nostre chef,

»Bien souuent en leur place y laissent du mechef:

»Et comme peu de temps auecques nous feiournent, »Außi le mal chaßé, fouuent elles retournent.

Partant confolez-vous, mes Dames, et penfez
Que les presens malheurs contre vous elancez
Ne vous rendent vers moy plus viles que n'aguieres
Que du sort vous auiez les faueurs iournalieres.

Amital.

Dieu pour cette bonté vous bien-heure toufiours, 630 Et iamais le malheur n'amertume vos iours: En vous feule apres luy gift nostre confiance.

La Royne.

Tout depend du Roy seul, nul que luy n'a puissance.

Le Chœur.

Suppliez-le pour nous, Madame, nous fçauons Que fi vous le priez nos maris nous fauuons, 635 Nous fauuons Sedecie.

Amital.

Hé miserable prince Que iamais n'eusses-tu commandé sur prouince! Ne nous resusez point, Madame, ainsi iamais Ne vous puisse toucher le desastre mauuais, Puisiez-vous deuider vne longue ieunesse,

640 Et faine paruenir en heureufe vieillesse, Abondante en ensans, abondante en honneur, Abondante en l'amour du Roy vostre seigneur.

La Royne.

Ie m'emploiray pour vous, n'en ayez point de doute: Mais i'ay peur qu'irrité ma priere il n'escoute.

Amital.

Si fera si Dieu plaist.

La Royne. Vous l'auez outragé.

645

Amital.

Il est vray: mais Madame, il en est bien vengé.

[270] La Royne.

Vn Roy vainqueur n'a point de borne en sa vengence.

Amital.

»Si la faut-il tousiours conformer à l'offense.

La Royne.

Voire mais il fera iuge en la paßion.

Amital.

»Tout braue cœur est lent à la punition.

650

La Royne.

Il est tout magnanime, et ne tend qu'à la gloire.

Amital.

Il fe doit contenter d'auoir eu la victoire.

La Royne.

Ainsi puisse aduenir.

Amital.

Le genereux Lion.

La Royne.

I'entens bien: mais le crime est de rebellion.

Amital.

Nous sommes rebellez, voire, ie le confesse.

655

La Royne.

Iamais vn Roy tel crime impuni ne relaisse.

Amital.

Las! sommes-nous sans peine? hé Dieu vous nous voyez!

La Royne.

Helas! ie ne dy pas que sans peine soyez,

Vous fouffrez trop de mal, ie m'en compaßionne,

Mais ie crains que le Roy de plus griefue en ordonne. 660

Amital.

Que sçauroit-il pis faire?

La Royne.

Il yous feroit mourir.

Amital.

Ce n'est pas nous mal faire, ains nostre mal guarir. Madame pleust à Dieu, pleust à Dieu nostre pere, Que ie susse (ha quel heur!) morte en ma prime-vere,

Mes tremblotantes mains, et mon visage vsé!
La mort, bien que hastiue, eust affranchi mon ame
De tant de pasions que i'ay souffert, Madame.
Ie n'eusse veu deux sois ardre nostre Cité,

670 Le massacre du peuple et sa captiuité:
Helas! ie n'eusse veu ce que voir me faut ores,
Et que voir me faudra si ie suruis encores.
O Mort, ne tarde plus, tourne ici, vien à moy,
De ton dard secourable arrache mon esmoy.

La Royne.

675 Ne vous defolez point: il n'est si dure vie, Qui sans desplaire à Dieu, à la mort nous conuie. Confortez-vous d'espoir.

Amital.

Ie n'ay plus qu'esperer,
[270^v] Mais i'ay beaucoup à craindre et beaucoup endurer.

La Royne.

»Il n'est malheur si grand que l'espoir n'adoucisse.

Amital.

 $_{680} \ ^{>}\mathrm{Il}$ n'eft malheur si grand que l'espoir ne nourrisse.

La Royne.

» Voire mais vn chacun l'esperance reçoit.

Amital.

» Voire mais vn chacun l'esperance deçoit.

La Royne.

»La mort ne manque point, elle vient trop hastiue.

Amital.

»La mort aux affligez vient tousiours trop tardiue.

La Royne.

685 Voftre bonheur peut bien retourner derechef.

Amital.

Mais plustost recroistra nostre obstiné mechef.

La Rovne.

Comment vous est venu ce comble de miseres?

Amital.

Nous auons du grand Dieu prouoqué les choleres.

La Royne.

Comme aduint voftre prife?

Amital.

Hé hé le cœur me fend,

La trop grande douleur le parler me defend.

690

La Royne.

Laisez donc ce propos.

Amital.

Non, s'il vous plaift, madame,

Combien que de tourmens il reblesse mon ame. Mais ce n'est plus à moy d'euiter les ennuis, Ie ne suis que tristesse, autre cas ie ne suis.

La Royne.

Contez nous ce malheur s'il ne vous desagree.

695

700

Amital.

Le cours de mon malheur discouru se recree.

Defia le grand flambeau, qui court perpetuel, Auoit fait desfur nous vn voyage annuel,

Et luisant retraçoit vne course seconde,

Avant par deux faisons retournoyé le monde,

Depuis que vostre armee, effroyable en soudars, Nostre ville asiegeoit, close de toutes pars.

Vos balistes auoyent sa muraille persee,

Ierusalem estoit à demy renuersee:

La plus grand' part du peuple et des chefs eftoyent morts: 705 Nous auions fouftenu mille fanglans efforts,

Refolus à la mort, plus que Lionnes fieres, Defendant leurs petits qu'on force en leurs tanieres: [271] La faim, plus que le fer, palles nous combatoit, Et la ferocité de nos cœurs abbatoit.

710

Le peuple allangouré, sans courage, sans force, Descharné se trainoit, n'ayant rien que l'escorce Qui luy couuroit les os, et ceste maigre faim

Estouffoit les enfans en demandant du pain.

715 Nous reffemblions, errants par les places dolentes, Non des hommes viuans, mais des larues errantes, Et ia ceste fureur tellement nous pressoit, Que de son propre ensant la mere se paissoit. Las! ie transis d'horreur, ie sorcene, i'affole, 720 Ce triste souuenir m'arreste la parole!

La Royne.

Ne vous adeulez point, reprenez vos esprits, Et relaissez plustost ce discours entrepris.

Amital.

Ie le continuray, combien qu'il me desplaise.

La Royne.

Ne vous y forcez point, faites-en à vostre aise.

Amital.

725 Or le sac de Sion, et sa captiuité
Predits, estoyent venus à leur temps limité:
Ia le mal nous touchoit (telle estoit l'ordonnance
Du grand Dieu, qui vouloit chastier nostre offense)
Et comme lors qu'il veut nous punir rudement,

730 Il fait que nous perdons tout humain iugement.

Nous en fuſmes ainſi: car n'ayans corps de garde,
Sentinelle ny ronde, et ſans nous donner garde,
Comme ſi retirez fuſſent nos ennemis,
En nos couches ſans peur repoſions endormis,

735 Quand (ô cruel mechef!) lors que la nuit ombreuse Vers le iour sommeillant cheminoit paresseuse, Par le ciel tenebreux, que le somme enchanteur Versoit dedans nos yeux vne aueugle moiteur, Qu'en la terre et au ciel toute chose estoit coye,

740 [271] Tous animaux dormans fors la plaintiue Orfroye, Le camp de Babylon fans crainte des hazars Auec grands hurlemens échele les rempars, Donne dedans la breche, et ne trouuant defense, Rangé par escadrons dans la ville s'elance:

745 Gaigne les carrefours, s'empare des lieux forts, Et fur le temple faint fait ses premiers efforts. Tout est mis aux couteaux, on n'espargne personne, A sexe ou qualité le soldat ne pardonne:

Les femmes, les enfans, et les hommes âgez	
Tombent fans nul efgard pesle-mesle efgorgez.	750
Le sang, le seu, le ser, coule, slambe, resonne,	
On entend maint tabour, mainte trompette sonne,	
Tout est ionché de morts, l'ennemy sans pitié	
Meurtrist ce qu'il rencontre, et le foule du pié.	
Or le Roy, qui soudain entendit cet esclandre,	755
Troublé faute du lict, et va ses armes prendre,	
Pour mourir au combat: mais ayant entendu	
De ses gens effroyez que tout estoit perdu,	
Il descend en segret auecques sa famille,	
Et par vne poterne abandonne la ville.	760
Vn chemin se presente aux montagnes tendant	•••
Pour gaigner l'Arabie et laisser l'Occident:	
Il est rude, pierreux, raboteux et sauuage,	
Les rocs des deux costez mal-aisent le passage:	
Ores il faut grimper à mont vn rocher droit,	765
Ore il faut deualer par vn chemin eftroit,	103
Vous voyez à vos pieds l'horreur d'vn precipice,	
Qui fait en le voyant que le poil en herisse.	
Vn torrent bruit à bas, qui court en bouillonnant,	
Entrainant maints Ormeaux qu'il va deracinant.	770
[272] Là le Roy, ses enfans, et nous autres pauurettes	110
Cheminons en frayeur par des voyes secrettes.	
La nuit estoit obscure, et nos humides yeux	
Ne voyoyent pour conduite aucune lampe aux cieux,	
Toutefois en bronchant, en tombant à toute heure,	775
Nous franchissons en fin ceste rude demeure:	
Descendons en la plaine, et hastons nostre pas,	
Chasque mere portant son enfant en ses bras.	
Vous eußiez eu pitié de nous voir demy-nues	
Courant et haletant par sentes incognues,	780
Le front escheuelé, regardant à tous coups	
Si l'ennemy fanglant accouroit apres nous.	
Mais las! comme le iour encommençant sa peine	
Nous éclairoit errans par la deserte plaine,	
Aupres de Iericho nous entendons hennir	785
Des cheuaux, et foudain nous les voyons venir:	

Alors nous commençons à nous battre et destordre, Deçà delà courir en vn confus desordre, Les hommes s'écarter où les chassoit la peur:

The Roy feul demeura trop attendry de cœur

De voir nos paßions, et ces petites ames

Qui luy tendoyent les mains pres les Roynes ses femmes.

Außi toft les coureurs nous viennent enfermer,

Se faifissent de nous, font le Roy desarmer,
795 Nous ameinent icy, hommes, femmes ensemble,
Comme à mesme destin le malheur nous assemble.
Las! prenez-en pitié, mercy nous vous crions,
Nous n'esperons qu'en vous, seule nous vous prions.

La Royne.

Hà Dieu quel desconfort! que la fortune aduerse

800 Ce pauure peuple Hebrieu cruellement trauerse!

Le cœur me bat au sein d'ouir tant de malheurs.

[272]

La Gouuernante.

Pourquoy vous gesnez-vous d'inutiles douleurs? Madame, et que vous sert d'affliger vostre vie Pour les calamitez d'vne tourbe afferuie?

La Royne.

805 Ah pour Dieu taifez-vous, il nous en pend autant:

Le fort n'est pas vers nous plus que vers eux constant.

Le Chœur.

Hé hé hé!

Amital.

Las! madame.

La Royne.

Et que vous puis-ie faire?

Amital.

Employez-vous pour nous.

La Royne.

C'est vn fascheux affaire.

Amital.

Nous refuserez-vous?

Le Chœur.

Nous delaisserez-vous?

Non, mais ie crains du Roy l'imployable courrous Encontre vostre race, et qu'impetrer ne puisse Qu'en rigueur de vos Chess l'offense il ne punisse.

810

Le Chœur.

Helas! que ferons-nous?

La Royne.

Ne vous deconfortez, Ains auec bon espoir vos ennuis supportez.

Chœur.

DIfons adieu, mes compagnes, A nos chetiues campagnes,	815
Où le Iourdain doux-coulant	
Va fur le sable ondelant.	
Adieu terre plantureuse	
N'aguere fi populeufe,	820
Terre promife du ciel,	
Toute ondoyante de miel.	
Adieu Siloé, fonteine	
Dont la douce eau se pourmeine	
Dans le canal de Cedron,	825
Serpentant à l'enuiron.	
Adieu coustaux et valees,	
[273] Adieu riues defolees,	
Adieu verdureux Hebron,	
Vieil territoire d'Efron.	830
Sur toy montaignette fainte,	
Le bon Abram fist sa plainte,	
Comme il fift fur toy Bethel	
Fumer fon premier autel.	
Adieu Cité, renommee	835
Sur les citez d'Idumee,	
Que iadis vn Roy conquit	
Du Iebusan, qu'il veinquit.	
Et vous naguiere edifice	
Le plus rare en artifice,	840
-	

870

875

Et en ornemens diuers Qu'il fust temple en l'vniuers. Las! nous vous laissons, pauurettes, De ces barbares fugettes, Qui nous trainent inhumains 845 En des Royaumes lointains: Où faudra que nostre vie A leur vouloir afferuie. Languisse eternellement En deplorable tourment. 850 Car comme aurions-nous courage, Estans en vn tel seruage. Le cœur serré de douleurs, De donner tréue à nos pleurs? Quand nous ne pouuons tant faire, 855 Qu'il puisse à nostre ame plaire De chanter à l'Eternel Vn cantique folennel? [273^v] Et qu'adeulez nous fouuienne Sur la riue Aßyrienne 860 Des innombrables bien-faits Que sa bonté nous a faits? Et crains qu'en mesme oubliance Ne tombe la souuenance, Auecques l'affection Que nous deuons à Sion. »Si est-ce pourtant, si est-ce »Qu'il ne faut que la tristesse, Bien que dure, ait le pouuoir »De nous tirer du deuoir: » Ains quelque grand que puisse estre »Noftre malheur, reconnoistre » Que nous le meritons bien, »Et que Dieu veut nostre bien. » Faut inuoquer fa clemence, »Auoir du mal repentence, »Et ferme propos en foy

»De viure selon sa lov.

LES IVIFVES.	129
»Eleuer vers luy la face,	
»Auoir recours à la grace,	880
»Qui est promise à celuy	
»Qui met fon attente en luy.	
Sus donc prions-le captiues,	
Sur ces infidelles riues,	
Qu'il vueille apres fon courroux	888
Se ressouuenir de nous.	
Professional and Anthony and A	
[274] ACTE III.	
NABVCHODONOSOR. LA ROYNE.	
Nabuchodonofor.	
TE le tiens ie le tiens, ie tiens la beste prise.	
IE le tiens ie le tiens, ie tiens la beste prise, Ie iouis maintenant du plaisir de ma prise,	
I'ay chaßé de tel heur que rien n'est eschappé:	
I'ay lesse et marquacins ensemble enueloppé.	890
Le cerne fut bien fait, les toiles bien tendues,	000
Et bien auoyent esté les bauges reconnues:	
Les Veneurs ont bien fait, ie le voy, c'est raison	
Que chacun ait sa part de cette venaison.	
Quant au surplus ie veux qu'il en soit fait curee.	895
La Royne.	000
Vous auez en vos mains la proye defiree,	
Selon vostre vouloir en pouuez ordonner,	
Soit pour punir leur coulpe ou pour leur pardonner.	
Nabuchodonofor.	
Pardonner? hà plustoft sera le ciel sans flames,	
La terre sans verdure, et les ondes sans rames,	900
Plustost plustost l'Eufrate encontre-mont ira,	
Et plustost le Soleil en tenebres luira.	

» Qui pardonne à quelcun le rend fon redeuable.

Nabuchodonofor.

» Qui remet son iniure il se rend mesprisable. Sammlung französ. Neudrucke. 5.

9

905 »Pardonnant aux veincus on gaigne le cœur d'eux.

Nabuchodonofor.

»Pardonnant vn outrage on en excite deux.

La Royne.

La douceur est tousiours l'ornement d'vn monarque.

Nabuchodonofor.

»La vengence toufiours vn braue cœur remarque.

La Royne.

»Rien ne le souille tant qu'vn fait de cruauté.

Nabuchodonofor.

910 » Qui n'est cruel n'est pas digne de royauté.

La Royne.

»Des peuples vos fuiets l'aduis est au contraire.

Nabuchodonofor.

»Ce que le prince approuue à son peuple doit plaire.

[274^v] La Royne.

»Le vice, où qu'il puisse estre, est tousiours odieux.

Nabuchodonofor.

»La haine des fuiets nous rend plus glorieux.

La Royne.

915 » Quelle gloire de n'estre honoré que par feinte?

Nabuchodonofor.

» Mais c'est vne grandeur de l'estre par contreinte.

»La louange et l'amour font communs à chacun,

» Mais de contraindre vn peuple à tous n'est pas commun,

»Il n'appartient qu'aux grans. Les Rois sont craints de force

920 »Et les petits aimez par vne douce amorce.

La Royne.

Vous le serez comme eux n'aimant que la vertu.

Nabuchodonofor.

Cela fentiroit trop fon courage abatu.

»Celuy ne regne pas qui fon vouloir limite:

»Aux Rois qui peuuent tout, toute chose est licite.

La Royne.

925 »Vn Prince qui peut tout ne doit pas tout vouloir.

Nabuchodonofor.

La volonté d'vn Prince est conforme au pouuoir.

Conformez-vous à Dieu, dont la force est supréme.

Nabuchodonofor.

Dieu fait ce qu'il luy plaist, et moy ie fay de mesme.

La Royne.

Hà, Monsieur, ie vous prie ayez propos plus sains. »Dieu rabaisse le cœur des Monarques hautains »Qui s'egalent à luy, et qui n'ont cognoissance »Que tout humain pouvoir provient de sa puissance.

930

935

940

Vous voyez par ce Roy (dont les ancestres ont Porté si longuement le diadême au front,

Et ores vostre esclaue, accablé de miseres)

Combien les Royautez font chofes passageres.

Maintenant nous marchons fur tous Rois trionsans.

Maintenant nous marchons fur tous Rois trionfans, Mais las! nous ne fçauons quels feront nos enfans. Que dis-ie nos enfans? quels nous ferons nous mefm

Que dis-ie nos enfans? quels nous ferons nous mesmes, Si nous aurons tousiours au chef ces diadêmes. »Plus le fort nous caresse et plus craindre il nous faut.

»Car plus il nous eleue et plus cherrons de haut.

Nabuchodonofor.

Ie n'en ay point de crainte.

La Royne.

Et c'est ce qui m'en donne.

[275] »La desfiante peur asseure vne couronne, »Elle fait la prudence, et rarement s'est veu »Qu'vn homme soit tombé sous le malheur preueu.

945

Nabuchodonofor.

Laissons-là ce discours, il est plein de tristesse.

La Royne.

Laissons-le, mais außi laissez toute rudesse, Ie vous pri pardonner à ce peuple captif, Ne vous souillez au sang de son Prince chetif.

950

Nabuchodonofor.

C'est vn peuple mechant qui tousiours se rebelle: L'autre est vn Roy pariure, vn traistre, vn infidelle.

La Royne.

Encore qu'il foit tel, si ne deuez-vous pas Le meurtrir de froid sang, c'est trop que du trespas.

9 *

Nabuchodonofor.

955 Bien que i'eusse à bon droit de l'égorger enuie, Pour vous gratifier ie luy donne la vie: Non qu'il ne soit puny: car un si grand forfait Ne doit couler sans peine à celuy qui l'a fait. Ie veux voir son maintien et ses raisons entendre. 960 Sus, amenez-le moy.

La Royne.

Ie ne veux pas l'attendre, I'aurois trop de pitié de voir ce pauure Roy Par desastre reduit en si grand desarroy.

Hà ie iure le ciel que vostre felonnie Sera plus griefuement que de la mort punie.

Nabuchodonofor.

965 Vous viurez vous viurez, mais fera tellement
Que vos iours rouleront en continu tourment.
Vous requerrez la mort de borner vos tortures,
Voyant deuant vos yeux meurtrir vos creatures,
Efgorger vos amis, les Prestres de la loy,
970 Qui mutins vous ont fait eleuer contre moy.
Mais qu'est-ce que i'entens? qui sont ces voix plaintiues?
D'où part ceste tristesse? hà sont ces tourbes Iuisues,

[275^v] AMITAL. LES ROYNES. NABVCHODONOSOR.

Les malheurs qu'elles ont ne seront desaigris.

Elles viennent vers moy, c'est en vain: par leurs cris

Amital.

A Llons, dolent troupeau, poßible nos prieres
Et les cris redoublez de tant de prifonnieres
Attendriront fon cœur: il n'est pas vn rocher,
Il n'est pas vn Dragon qui se paisse de chair.
Approchez donc mes Brus, laschez la bonde aux larmes,
Seo Soupirez, sanglotez, desployez toutes armes,
Guerroyez vos cheueux, n'espargnez vostre teint,
Que vostre sein d'albastre en vostre sang soit teint.

Les Roynes.

D'ennuis et de langueurs nos larmes font nourries, Sans cela dés long temps elles fussent taries: Mais la fource en est viue, et ne faut débonder Leurs canaus, pour les faire en larmes abonder.

985

990

Ie le voy: las, mon Dieu, vien et nous fauorise, Inspire nous, mon Dieu, conduy nostre entreprise. O qui, domteur du monde, auez sous vostre loy

Ce terrestre Vniuers, grand monarque, grand Roy, Cheri de l'Eternel, qui de vostre exercite Et de tous vos desseins est la seure conduite, Comme vous l'imitez en courage indomté Et en toute puissance, imitez sa bonté. »Tousiours il ne foudroye, et tousiours en menace »Pour nos impietez il ne ride sa face: »Souuent il se tempere, et rompant son courroux »Apres la repentence il se monstre plus doux.

995

1000

Enuers nous crimineux, Dieu foit vostre exemplaire. Pardonnez nos forfaits: humbles à deux genoux [276] Nous demandons pardon, helas pardonnez-nous! Nabuchodonofor.

Quel pardon voulez-vous?

Helas foyez-nous tel, monstrez-vous debonnaire

Amital

Deliurez Sedecie.

Nabuchodonofor.

Ce mechant, de qui l'ame est au mal endurcie!

Amital.

Il est assez puny de ses crimes passez. Nabuchodonofor.

1005

Sa faute ne sçauroit estre punie assez.

Amital.

» Vn grand crime demande vne clemence grande.

Nabuchodonofor.

» Vn grand crime tousiours vn grand torment demande. Leuez-vous, ie ne veux que vous foyez ainfi.

Amital.

- 1010 Nous fommes comme il faut pour demander merci.
 - »Ne nous refusez point: s'il n'estoit point d'offense,
 - » Vn Roy n'auroit moyen de monstrer sa clemence.
 - »Sire, il est tout certain, le crime d'vn suget
 - »Sert aux bontez d'vn Roy d'honorable fuget:
- 1015 »Et plus ce crime est grand que veinqueur il pardonne,
 - »Et plus en pardonnant de louange il se donne.
 - »C'est plus de se domter, domter ses passions,
 - »Que commander Monarque à mille nations.
 - Vous auez subiugué maintes belles prouinces,
- 1020 Vous auez combatu les plus belliqueux Princes,
 Et les plus redoutez, mais vous l'eftiez plus qu'eux,
 Tous ensemble n'estoyent tant que vous belliqueux:
 Mais en vous surmontant, qui estes indomtable,
 Vous acquerrez victoire à iamais memorable.
- 1025 Vous aurez double honneur de nous auoir desfaits, Et d'auoir, comme Dieu, pardonné nos mesfaits.

Nabuchodonofor.

»Le naturel des Dieux est de punir le vice.

Amital.

- »Dieu prefere tousiours la clemence à iustice, »Et ne reboutte point de sa grace celuy,
- 1030 »Quelque pecheur qu'il foit, qui se retourne à luy.
 Soyez tel, soyez Sire, vn sauueur de coupables,
 Iettez sur nous vn rais de vos yeux pitoyables.
 [276^v] La douceur en vn Prince est vn celeste don.
 Helas pardonnez-nous, et saites nous pardon.

Nabuchodonofor.

1035 Vous ne parliez ainfi, quand en fiere arrogance Vos enfans rebellez despitoyent ma puissance, Amorcez du secours dont l'Egypte a manqué: Car alors sans raison vous m'auez attaqué.

Amital.

Las! qu'y eußé-ie fait? ie ne m'en fuis pas teuë, 1040 Ie predis ces malheurs, mais ie ne fus point creuë, Ny Ieremie außi, Ieremie à qui Dieu Faifoit voir les destins du pauure peuple Hebrieu.

Ie predis ie predis auecques maintes larmes	
Le mal qui nous viendroit de prouoquer vos armes.	
Mais la ieunesse ardante et prompte aux changemens,	104
Toufiours mist sous le pié nos amonnestemens:	
Si que mon fils poußé de leurs voix indifcrettes,	
Et des predictions de quelques faux Prophetes,	
A fon dam et au nostre et de nostre Cité	
S'allia de Nechon, dont fustes irrité.	1050
Nabuchodonofor.	
Eus-ie tort de poursuiure vn rompeur d'alliance,	
Et qui print contre moy d'Egypte l'accointance?	
Amital.	
Non, vous n'eustes pas tort, et non non, ce fut nous,	
Nous mesmes de nos maux sommes cause, et non vous.	
Nabuchodonofor.	
» Qui a fait le dommage en doit porter la peine.	1058
Amital.	
Ne l'auons-nous portee? hà qu'elle est inhumaine!	
Hà qu'elle est angoisseuse!	
Nabuchodonofor.	
Et qu'auez-vous fouffert?	
Amital.	
Las! n'est-ce rien souffrir quand vn Royaume on perd?	

»Sire, Dieu vous en garde. Il n'est rien plus estrange » Que faire d'vn Royaume à des prisons eschange. Quels supplices plus grands peuuent estre soufferts Par vn Prince, que d'estre incessamment aux sers? Voir ses enfans captifs, ses femmes en servage, [277] Son peuple mis à mort, et sa ville au pillage? Soit de tant de malheurs vostre cœur satisfait.

Nabuchodonofor.

Ce n'est encore rien au prix de son forfait.

Amital.

Hé que voulez-vous plus? eftes vous implacable? Estes vous vn Tyran, vn Prince inexorable? Vn homme sans pitié? donnez-vous pour repas A vostre ame, à vos yeux, des Princes le trespas?

1070

1060

1065

Voulez-vous qu'à iamais la belle renommee De vos victoires foit de meurtres diffamee? La voulez-vous fouiller? la voulez-vous ternir? Vous rendre abominable aux races à venir?

1075 Hà ne le faites pas, ne le faites pas, Sire,
Ne contaminez point de meurtres vostre empire,
Espargnez nostre sang, vous aurez des remors
Si vous nous massacrez, pires que mille morts.

Nabuchodonofor.

Ie pardonne à vostre âge.

Amital.

Helas! ie vous rens grace,

1080 Ie ne demande point que pardon on me face,
Faites moy demembrer, faites moy torturer,
Faites à ce vieil corps tout supplice endurer:
Soulez vous en ma peine, et que ie satisface
Seule pour Sedecie, et pour toute sa race.

1085 II ne peut receuoir effort plus violant
Que voir deuant ses yeux sa mere bourrelant.
Là donc martyrez moy, versez sur moy vostre ire,
Le tourment que i'auray sera double martyre,
Torturant mere et fils par ma seule douleur:

1090 Sçauriez-vous inuenter vn outrage meilleur?

Nabuchodonofor.

Ie ne veux l'innocent fouffrir pour le coupable.

Amital.

Innocente ie suis, partant non punissable.

Nabuchodonofor.

Ie ne veux pas außi qu'aucun mal vous souffrez.

Amital.

Il faut donc que mon fils ores vous deliurez:

1095 [277] Il ne peut rien fouffrir que ie ne le ressente,

A fon bien et son mal ie suis participante.

Si doncques il vous plaist m'exempter de tout mal,

Faites, las! que ce bien à nous deux soit egal.

Nabuchodonofor.

Vous estes sans delit, mais il n'est pas de mesmes.

Amital.

Punissez donc son crime en moy qui suis luy-mesmes: 1100 Soit vostre cœur vengé par mon sanglant trespas, Que ma mort vous suffise et qu'il ne meure pas. Außi bien suis-ie assez punissable, estant celle Qui au monde ay produit ce Roy vostre rebelle. Hé! n'est-ce pas assez? ie suis cause de tout, 1105 Sans moy noître Cité fust encore debout. Le facré Temple en gloire: et sans moy le colere Ne vous forceroit d'estre enuers nous sanguinaire, Qui nous estiez ami, nous cherissant sur tous.

Nabuchodonofor.

I'ay toufiours bien aimé Iofie vostre espoux.

1110

Amital.

Helas! aimez-le encore apres la fepulture, Conseruez cet amour en sa progeniture: Souuenez-vous de luy, c'estoit vn prince bon, Qui toufiours honoroit les Rois de Babylon. Qu'il vous estoit deuôt! sa propre seigneurie Ne luy estoit de rien au prix de l'Assyrie. Il me disoit souuent ne rien tant desirer Que de voir vostre empire en tout bien prosperer Et s'accroiftre en pouvoir: le foing de vostre gloire A possedé son cœur iusqu'en la tombe noire. Nabuchodonofor.

1115

1120

Qui a son fils émeu de s'armer contre moy?

Amital.

Ie ne scay qui l'a meu de vous faulser la foy. Mais pourtant, ie vous pri ne vous y vouloir prendre, Ains plustost dessur luy vostre douceur estendre. Que la bonté du pere efface en vostre cœur [278] Et de l'enfant la coulpe, et de vous la rancœur. Il a bien merité que lon le reconnoisse, Que son loyal service en son fils apparoisse: Helas monstrez-le donc, vous sçauez qu'il est mort En combatant pour vous fur l'Arabique bord, Lors que le Roy d'Egypte attrainant son armee, Iufqu'à l'Eufrate entra par la terre Idumee.

1125

O Prince genereux! ô cœur vrayment Royal! Qui fus à ton ami fi constamment loyal, 1135 Maintenant que tu vis fur les voûtes celeftes, Regarde de Iuda les miferables reftes: Et fi tu as encor des tiens quelque fouci,
Si tes yeux immortels penetrent iufqu'ici,
Mon efpoux, mon feigneur, aide-nous à cette heure,

1140 Aßifte Sedecie, et fay tant qu'il ne meure.

Supplie à l'Eternel, qui les courages meut
Des grands Rois de la terre à faire ce qu'il veut,
Qu'ores à la douceur ce monarque il inspire,
Si que de nostre sang son poignard il retire.

Nabuchodonofor.

1145 Ie fçay bien que Iofie en ma querelle est mort, Mais cela ne fait pas que vostre fils n'ait tort.

Amital.

Il a tort voirement, personne ne le nie, Ie ne l'excuse point, sa faute est infinie:

Mais faites, ie vous pry, que voître humanité

1150 Le foit encores plus, ait plus d'infinité.

Reguerdonnez en luy le trespas de son pere,

Et la captiuité de Ioachas son frere.

Que diroit-on de vous, si des Rois vos amis

Les enfans, pour loyer, à la mort estoyent mis?

1155 Qui voudroit plus vous suiure, et aux combats dépendre, Comme fift mon espoux, sa vie à vous defendre?

[278] Las! par vous ie suis veusue, et par vous à Memphis Pleure dessous les fers mon miserable fils, Heritier de son pere au royal diadême, 1160 Et encore heritier en vn desastre mesme.

Ne vous en chaut-il point? n'auez-vous point au cœur Quelque epoinçonnement de ma iuste langueur?

Nabuchodonofor.

Quand ressemblant Iosie vn prince Iudaïque N'a prins pour m'assaillir le parti Memphitique, ¹¹⁶⁵ Ie l'ay gratissé l'assistant au besoing, Et les bornes iettant de ses terres plus loing:

Mais fi quelqu'vn fe ligue auec mes aduerfaires,
Qu'il ne face bouclier des vertus de ses peres,
Ie ne les poife point, pour n'estre liberal
A ceux qui sans raison me pourchassent du mal.
Amital.

1170

Hé qu'ay-ie fait pauurette? en quoy pouuez-vous dire Que i'aye oncque entrepris d'esperonner vostre ire? A-ce esté quand Iosie armé vous secourut? Qu'il combatit pour vous? que pour vous il mourut? A-ce esté quand mon fils lié comme vn forçaire Fut esclaue pour vous, sa ville tributaire? Las! toufiours le malheur nous tombe fur les bras, Et vous estant amis et ne vous l'estant pas.

1175

Nabuchodonofor.

Ie ne me plains de vous, n'en ayez peine aucune, Au contraire, Amital, ie plains vostre infortune De voir vos ans chenus retomber de rechef En vn second esclandre, en vn second méchef.

1180

Amital

Et qui peut mieux que vous serener ma tristesse? Qui peut donner repos à ma foible vieillesse? Nul certes: c'est de vous, Sire, c'est de vous seul, 1185 Que nous deuons attendre ou la ioye, ou le deul: Faites cesser mes pleurs, et qu'auant que ie meure, [279] I'aye par vostre grace encor quelque bonne heure, Reuoyant mon cher fils non en sa dignité, Mais viuant seulement hors de captiuité. 1190

Nabuchodonofor.

Bien que sa forfaiture ait la mort desseruie, Pour le respect de vous ie luy laisse la vie.

Amital.

Que les fers il ne porte, affranchi desormais. Nabuchodonofor.

Deuant qu'il foit vne heure il n'en verra iamais.

Amital.

O fupreme bonté! que vos genoux i'embrasse, Ie ne merite pas receuoir telle grace.

Vous redonnez la vie à mon corps qui mouroit, Vous comblez de liesse vn cœur qui souspiroit.

Les Roynes.

Prenez de ces enfans quelque folicitude. Nabuchodonofor.

1200 Ie les affranchiray du ioug de seruitude. Et de tous les malheurs qui chetiuent vn Roy Sous la main de celuy qui luy donne la loy.

Il est temps, Israël, de rendre à Dieu louange. Qui a foing de fon peuple en vne terre estrange. 1205 Sus touchons le tabour, sus la flute entonnons, Prenons harpe et guiterre, et toutes en fonnons. Le Seigneur, l'Eternel, le seul Dieu de nos peres S'est souvenu de nous au fort de nos miseres: Il a des ennemis detrempé la rigueur,

1210 Du Roy en sa colere il a touché le cœur. Que tout Iacob l'entende, et que Iuda s'accorde À le regracier de sa misericorde.

Chœur.

Omme veut-on que maintenant Si defolees Nous allions la flute entonnant Dans ces valees? Que le luth touché de nos dois [279^v] Et la Cithare Facent refonner de leur voix Vn ciel barbare? Que la harpe, de qui le son Toufiours lamente. Affemble auec noftre chanfon Sa voix dolente? Trop nous donnent d'affliction Nos maux publiques, Pour vous reciter de Sion Les faints cantiques.

1215

1220

LES IVIFVES.

Helas! tout foupire entre nous,	
Tout y larmoye:	1230
Comment donc en attendez-vous	
Vn chant de ioye?	
Nostre ame n'a plus de chanter	
Enuie aucune,	
Mais bien de plaindre et lamenter	1235
Nostre infortune.	
»Celuy doit qui est en bon-heur	
»Chanter et rire,	
»Mais il faut qu'vn homme en malheur	
»'Toufiours foupire.	1240
Außi tandis que nous aurons	
Cette detreffe,	
Iour et nuit nous lamenterons,	
Pleurans fans ceffe:	
Et remplirons l'air de foupirs,	1245
Sortans à peine,	1210
Qui renforceront des Zephyrs	
La foible haleine.	
[280] [He]las! il n'y a que la mort,	
Que la mort dure,	1250
Qui mette fin au deconfort	1200
Qui nous torture.	
Que fi fon iauelot mortel	
Ne nous deliure,	
Au dueil d'vn tourment eternel	1255
Nous faudra viure.	1200
Car helas qui se contiendra	
De faire plainte,	
Lors que de toy nous fouuiendra	
Montagne fainte!	1260
Or tandis qu'en fon corps fera	1200
Noftre ame enclose,	
Ifraël iamais n'oublira	
Si chere chofe.	
Nos enfans nous foyent deformais	1265
En oubliance,	1200
in outmance,	

Si de toy nous perdons iamais
La fouuenance.
Nostre langue tienne au gosier,
Et nostre dextre
Pour les instrumens manier
Ne soit adextre.
Que tousiours nostre nation
Serue captiue,
Si iamais i'oublie Sion

Tant que ie viue.

1275

[280^v]

1270

ACTE IIII.

SEDECIE. SARREE. NABVCHODONOSOR. Sedecie.

PEuples qui mesprisez le courroux du grand Dieu, Comme aßis inutile en vn celeste lieu Sans cure des humains, ny des choses humaines, 1280 Et qui prenez ses loix pour ordonnances vaines, Helas corrigez-vous, delaissez vostre erreur,

Que l'exemple de nous vous apporte terreur. Voyez comme enchaisnez en des prisons obscures, Nous souffrons iour et nuit de cruelles tortures,

1285 Comme on nous tient en serre estroittement liez, Le col en vne chaisne, et les bras et les pieds.

C'est pour auoir peché deuant ta sainte face,
O pere, et n'auoir craint le son de ta menace:
Te reputant semblable à ces Dieux que lon fond,
1290 Ou qu'en pierre et en bois les statuaires font,
Qui n'ont ame ny force, abominable ouurage,
Aux hommes abestis qui leur vont saire hommage.
I'ay failli, i'ay peché, i'ay suiui les sentiers
Des Rois, qui reprouuez m'ont esté deuanciers:

1295 Mais ie l'apprens trop tard, la faison est passee, l'ay par trop dessus moy de Dieu l'ire amassee.

1325

LES IVIEVES.	140
Ie chemine à la mort, ia mon supplice est prest, On me va prononcer mon rigoureux arrest. O l'incredulité de mon ame obstinee! O piteux infortune! ô dure destinee!	1300
Sarree.	
Noble fang de Dauid tous nos regrets font vains, Noftre mal ne decroift pour nous en estre plains. »Où le remede faut, rien ne sert de se plaindre: »Il n'y pend que la mort, est-elle tant à craindre?	
Sedecie.	
Ie n'en ay point de peur, ie defire mourir, Ie ne puis deformais qu'à fon dard recourir: [281] C'est mon port de salut, par qui sera ma vie De tant d'aduersitez pour iamais affranchie. » C'est vergongne à vn Roy de suruiure vaincu:	1305
»Vn bon cœur n'eust iamais son malheur suruescu.	1310
Sarree. Et qu'eußiez-vous peu faire?	
Sedecie. Vn acte magnanime, Qui malgré le destin m'eust acquis de l'estime. Ie susse aduersaire à mes pieds abbatant. Sarree.	
»Dieu conduit toute chose, et du ciel il commande, »Nous n'auons rien mortels qui de luy ne depende. »Ces royales grandeurs dont on fait tant d'estat »Luy sont comme vn roseau, de qui le vent s'esbat. Sedecie.	1315
» Que nous fommes trompez, humaines creatures,	
»Qui flottons par ce monde auec tant d'auentures, »Que nous fommes trompez, cherchant la fermeté »En vn fresse bonheur plein de legereté!	1320

»Et n'est-ce pas grand cas, n'est-ce pas chose estrange, »Qu'vne prosperité si promptement se change? »Helas! vous le voyez; nous le voyons tous deux, »Et que tout nostre bien est vn bien hazardeux.

Sarree.

Sedecie.

Nous auons delaißé de Dieu la sainte voye, C'est pourquoy des Gentils nous sommes faits la proye, Que Iacob est esclaue, et que l'alme Sion 1330 Pour iamais est tombee en desolation.

Sarree.

Au moins, Seigneur, pardonne à cette multitude, A ce peuple ignorant, ne luy fois point si rude: Il ne sçait ce qu'il fait, le peché vient de nous, Pardonne leur, pardonne, et nous puni pour tous.

Sedecie.

1335 Adouci toy, Seigneur, ne me fois trop feuere, N'afflige les enfans pour le peché du pere, Preserue-les de mal, que leur posterité [281] Puisse vn iour rebastir nostre sainte Cité.

Sarree.

Or sus allons mourir, que ce prince infidelle 1340 Estanche en nous la soif de son ame cruelle: Ie mourrois moins dolent, si c'estoit pour l'honneur Et non pour le mespris de Dieu nostre seigneur.

Sedecie.

Las! c'est pour nos messaits et non pas pour sa gloire.
Ie n'ay oncques voulu à ses Prophetes croire,
1345 Qui m'ont par tant de sois ces esclandres predit,
Ains ie me suis mocqué de tout ce qu'ils m'ont dit.
Voyez comme il m'en prend, peuple, ô peuple, qui estes
Comme moy incredule à la voix des Prophetes:
Patronnez-vous à moy, de peur que sur vos chess

Sarree.

Mais voici le Tyran! ô Dieu le fang me glace De voir fon fier regard et sa tetrique face.

Sedecie.

Pere, puis qu'il te plaist faire le chastiment De nos impietez par iuste iugement, 1355 Et que ta volonté maintenant ne s'accorde De nous faire jouir de ta misericorde,

1350 Tombent à l'aduenir de femblables mechefs.

Fay nous cette faueur de loger nos espris Auec nos peres saints au celeste pourpris: Expiant nos forfaits par vne mort seuere Que nous fera fouffrir ce Prince sanguinaire.

1360

1365

1370

1375

1380

1385

NABVCHODONOSOR. SEDECIE. SARREE.

Nabuchodonofor.

QVe ie fusse en mon cœur si lâche et si remis, Si foible de courage enuers mes ennemis, Demeurant sans vengence, et trahissant la gloire [282] Et le fruit doucereux d'vne telle victoire? Ils mourront, ils mourront, et s'il en reste aucun Que ie vueille exempter du supplice commun, Ce fera pour fon mal: ie ne laisseray viure Que ceux que ie voudray plus aigrement poursuiure: A fin qu'ils meurent vifs, et qu'ils viuent mourans, Vne presente mort tous les jours endurans.

Mais ne les voy-ie pas? les voila mes rebelles, Mes traiftres, mes mutins, mes fuiets infidelles: Amenez, attrainez: Hà rustres ie vous tiens, Vous estes à la fin tombez en mes liens.

Toy, mechant defloyal, le pire de la terre, Tu as induit ton peuple à me faire la guerre Apres t'auoir fait Roy, t'auoir au throne mis De ton pere, et pour toy les iustes Rois démis? Homme ingrat et pariure, abominable Prince, Tu as donc pour loyer reuolté ma prouince? Est-ce ainfi, malheureux, que tu me reconnois? Est-ce ainsi que tu rens le bien que tu reçois? Qui t'a mis en l'esprit de faulser ta parole? N'en faire non plus cas que de chose friuole? De pariurer ta foy? feroit-ce point ton Dieu, Ton Dieu, qui n'a credit qu'entre le peuple Hebrieu? N'est-ce point ce Pontise, et ces braues Prophetes, Les choses predisans apres qu'elles sont faites?

Respons traistre, respons, où t'es-tu confié 1390 De guerroyer celuy qui t'a gratisié?

Sedecie.

Le Dieu que nous seruons est le seul Dieu du monde,

» Qui de rien a basti le ciel, la terre et l'onde:

» C'est luy seul qui commande à la guerre, aux assaus:

»Il n'y a Dieu que luy, tous les autres sont faux.

1395 [282^v] »Il deteste le vice, et le punist seuere,

- » Quand il connoist sur tout que lon y perseuere.
- »Il ne conseille aucun de commettre vn messait,
- »Au contraire c'est luy qui la vengence en fait.

»Ses Prophetes il a, que par fois il enuoye

- 1400 »Pour radresser son peuple alors qu'il se deuoye:
 - »Par eux de nos malheurs il nous fait aduertir,
 - »A fin qu'en l'inuoquant les puisions diuertir.
 - » Mais helas! bien fouuent nostre ame est endurcie,
 - »Ne faisant conte d'eux, ny de leur prophetie:
- 1405 »Et c'est quand il nous laisse, et nous donne en butin

»Au peuple Aßyrien, Arabe, ou Philistin:

- »Autrement foyez feur que toute force humaine,
- » Quand il nous est propice, encontre nous est vaine.

Et qu'encor vos foudars, bien qu'ils foyent indomtez,

1410 Ne nous eussent iamais comme ils ont surmontez, Sans qu'il a retiré de nous sa bien-vueillance Pour nous faire tomber dessous vostre puissance.

Or vous ay-ie offensé, ie confesse ce poinct,

Ie vous ay offensé: mais qui n'offense point?

1415 Ma vie est en vos mains, vengez-vous dessur elle,
Passez-moy vostre estoc iusques à la pommelle,
Et ce peuple sauuez, qui n'a fait autre mal
Sinon de se desendre et de m'estre loyal.

Nabuchodonofor.

Tu as donc, malheureux, par ton ingratitude 1420 Mis le glaiue en la gorge à cefte multitude: Quel fupplice eft fortable à ta mechanceté?

Sedecie.

»Vn supplice trop grief ressent sa cruauté.

Nabuchodonofor.

» Peut-on estre cruel enuers vn tel pariure?

Sedecie.

»Comme en vne autre chose y faut garder mesure.

Nabuchodonofor.1

Tu en as bien gardé en me faulfant la foy. [283] Sedecie.

1425

Faisant comme i'ay fait, vous faudriez comme moy. Nabuchodonofor.

Ton crime eft exceßif.

Sedecie.

Et gardez qu'exceßiue

La vengence ne soit sur vne ame chetiue.

Nabuchodonofor.

Penses-tu qu'on te traitte autrement qu'en rigueur? Sedecie.

Cela depend de vous, qui estes le vainqueur.

1430

Nabuchodonofor.

Voire il depend de moy, qui fuis ton aduerfaire. Sedecie.

»Le deuoir vous defend de m'estre trop seuere. Nabuchodonofor.

Seuere? et quel tourment n'as-tu point merité?

Sedecie.

Vous pesez mon merite et non ma qualité.

Nabuchodonofor.

Quelle? tu n'en as point.

Sedecie.

Non par mon infortune.

1435

Nabuchodonofor.

Sans que ie t'ay fait Roy, tu n'en aurois aucune.

Sedecie.

l'estois auparauant fils et frere de Roy.

Nabuchodonofor.

Ie t'ay baillé leur sceptre en t'obligeant à moy.

Sedecie.

Ne leur estoy-ie pas successeur legitime?

10*

Nabuchodonofor.

1440 l'eusse peu confisquer le royaume pour crime. Sedecie.

Qu'ainsi soit, ie suis Prince issu de sang royal. Nabuchodonofor.

Tu es Prince voir'ment, mais Prince desloval.

Sedecie.

En qui scauriez-vous mieux monstrer vostre clemence? Nabuchodonofor.

En celuy qui n'aura commis fi griefue offense.

Sedecie.

1445 N'aurez-vous donque efgard à ma condition?

Nabuchodonofor.

Ie ne veux de personne auoir acception.

Sedecie.

» Ne regardez au crime, ainçois à vostre gloire, »Soyez fier en bataille et doux en la victoire,

» Vostre honneur est de veincre et scauoir pardonner.

Nabuchodonofor.

1450 » Mon honneur est de veincre et de reguerdonner.

Sedecie.

Quel honneur trouuez-vous à faire vn grand carnage De ceux que la fortune a fauuez de l'orage? Et qui chargez de fers et chetifs comme nous, Implorent voftre grace embrassant vos genoux?

Nabuchodonofor.

1455 Quelle grace veux-tu qu'à mes haineurs ie face? Sedecie.

Que voudriez qu'on vous fist estant en nostre place. [283^v] Nabuchodonofor.

Comment? estant rebelle et traistre comme toy? Vn ingrat, vn infame, vn violeur de foy? Plustost mille couteaux plongent en ma poitrine, 1460 Plustost tombe fur moy la celeste machine.

Sedecie.

Sire, confiderez que tout homme mortel » Peche cent fois le iour encontre l'Eternel,

»Qui sçait bien qu'en naissant nature nous y pousse,	
»C'est pourquoy, le sçachant, tant moins il s'en courrouce.	
Sire, faites ainsi, vous estes en ce lieu,	1465
Le temple, la vertu, la femblance de Dieu,	
N'exercez dessur nous vn pouuoir tyrannique,	
Ains fauuez pour le moins cette tourbe Hebraïque.	
Ainsi le Tout-puissant soit à vostre secours,	
Benisse voltre race, et l'assiste tousiours.	1470
Nabuchodonofor.	
Tu as beau raisonner, ta peine est resolüe:	
Ce n'est de tes propos que parolle perdue.	
Ie suis comme vn rocher eleué sur la mer,	
Que les flots ny les vents ne peuuent entamer.	
On pourroit escrouler plustost la terre toute	1475
Que de me démouuoir d'vne chose resoute.	
Non, vous ferez punis, et l'infidelité	
De vos cœurs receura le guerdon merité.	
Sedecie.	
Sus donc cruel Tyran, affouui ton courage,	
Enyure toy de fang, rempli toy de carnage:	1480
Là bourreau ne te lasse, infecte l'air de corps,	
Egorge les enfans, tire le cœur des morts,	
Et le mange affamé, deuelopant ta rage	
Pire que d'vn lion et d'vn tygre sauuage.	
Tu n'as le cœur royal, et außi n'es-tu pas	1485
Sorti de noble race, ains d'vn lignage bas,	
De la fange d'vn peuple, et d'vne main brigande	
[284] As couru l'Aßyrie, où ta fureur commande.	
Nabuchodonofor.	
Tu parles brauement, mais deuant que bouger,	
Peut-estre on te verra de langage changer.	1490
Sedecie.	
Fay ce que tu voudras, monstre horrible, degorge	
There to follow woming do to vilaine genera	

Fay ce que tu voudras, monstre horrible, degorge Tout le fielleux venim de ta vilaine gorge, Ie ne te crains, bourreau, carnacier, massacreur, Ie ne redoute plus ny toy ny ta fureur.

Nabuchodonofor. Tu fembles vn mâtin, qui abaye et qui grongne.

Sedecie.

C'est toy-mesmes mâtin, qui te pais de charongne.

Nabuchodonofor.

Empoignez-le, Soudars, et le tirez d'ici, Ie ne tarderay guere à le rendre adouci.

Sedecie.

Cherche nouueaux tourmens, et sur moy les deploye, 1500 Consulte tes bourreaux, tout cela ne m'effroye.

Nabuchodonofor.

Le desespoir qu'il a le rend audacieux, Ou bien pour m'emouuoir il fait le furieux: Mais son effort est vain, il ne sçauroit tant faire Qu'il euite sa peine, elle est trop exemplaire.

Chœur.

DAuures filles de Sion 1505 Vos liesses sont passes, La commune affliction Les a toutes effacees. Ne luiront plus vos habits De soye auec l'or tissue, 1510 La perle auec le rubis N'y fera plus apperceue. 1000 La chaisne qui deualoit Sur vos gorges iuoirines, Iamais comme elle fouloit 1515 N'embellira vos poitrines. [284] Vos feins, des cedres plorans En mainte larme tombee Ne feront plus odorans, Ny des parfums de Sabee. 1520 Et vos visages déteints De leur naturel albâtre. N'auront fouci que leurs teints Soyent peinturez de Cinabre. L'or crespé de vos cheueux 1525 Qui fur vos tempes fe ioue

De mille folastres nœux	
N'ombragera vostre ioue.	
Nous n'entendrons plus les fons	
De la foupireuse lyre,	1530
Qui s'accordoit aux chanfons,	
Que l'amour vous faisoit dire:	
Quand les cuifantes ardeurs	
Du iour eftant retirees,	
On dançoit fous les tiedeurs	1535
Des brunissantes soirces.	
Et que ceux-la, dont l'amour	
Tenoit les ames malades,	
Faifoyent aux Dames la cour	
De mille douces aubades,	1540
Contant les affections	
De leurs amitiez fideles,	
Et les dures paßions	
Qu'ils fouffroyent pour l'amour d'elles.	
Las! que tout est bien changé,	1545
Nous n'auons plus que triftesse,	
Tout plaisir s'est estrangé	
[285] De nous, et toute liesse.	
Nostre orgueilleuse Cité	
Qui les citez de la terre	1550
Paffoit en felicité,	
N'est plus qu'vn monceau de pierre.	
Desfous ses murs démolis,	
Comme en communs cimeteres,	
Demeurent enseuelis	1555
La plus grand' part de nos freres.	
Et nous, malheureux butin,	
Allons foupirer captines,	
Bien loin dessous le matin,	
Sur l'Eufrate aux creuses riues.	1560
Où confites en tourment,	
Toute liberté rauie,	
En pleurs et gemissement	
Nous finirons noftre vie.	

LE PREVOST DE L'HOSTEL. AMITAL. LES ROYNES. LE CHŒVR.

Le Preuoft.

Plustost qu'estre reduit à ceste extremité
D'obeir aux sureurs d'vn tyrannique maistre,
Ou resusant ma charge en sa desaueur estre.

»O qu'heureux est celuy qui vit tranquillement

1570 »En fon petit mesnage auec contentement.

Il ne voit tant d'horreurs commettre en sa presence,
Il ne voit esgorger vne foiblette enfance,
Et les Rois desattrez en miserables sers
Couchez dessus la paille accrauanter de fers.

1575 [285] Le cœur m'en attendrift, et croy qu'il n'est personne, Quelque cruel qu'il soit, qui ne s'en passionne.

Mais mon malheur est tel, dont plus ie me complains, Qu'à ces immanitez me faut mettre les mains.

Il m'e donné le charge ê chose misorable!

Il m'a donné la charge, ô chose miserable! 1580 D'enleuer de ce Roy la race lamentable,

Qu'aux yeux du pauure pere il commande meurtrir, Pour le faire au tourment de ses enfans souffrir. Ie ne sçauroy porter les complaintes ameres Et les cris douloureux de leurs chetiues meres:

1585 Partant me faut couurir cet outrageux dessein, Et les trompant en feindre vn autre plus humain.

Les Roynes.

Qui est ce gentilhomme, ayant le front si sombre?

Amital.

Las! ie crains qu'il ne vienne annoncer quelque encombre. Les Roynes.

Non fera, si Dieu plaist, ie n'en ay point de peur.

Amital.

1590 Helas! si ay bien moy, i'en tremble dans le cœur.

Les Roynes.

Dieu nous vueille estre en aide.

Amital.

Ainsi soit.

Le Preuoft.

I'ay grand' ioye

De voir qu'vn si grand Roy sa clemence desploye.

Les Roynes.

Il ne vient point pour mal, Madame, asseurons-nous.

Le Preuost.

I'eusse pensé qu'il deust les perdre en son courroux.

Amital.

Refiouy toy, mon ame, et donne à Dieu louange.

1595

Le Preuoft.

Comme le cœur des Rois en vn moment se change! Les Roynes.

Abordez-le Madame.

Amital.

Hé la peur me retient.

Le Preuost.

De leur rebellion plus il ne luy fouuient. Ne voy-ie pas la Royne?

Amital.

Et quel nouuel affaire
Vous ameine vers nous? que nous voulez-vous faire?
Nous venez-vous occire? ou d'iniustes rigueurs,
Apres tant de trauaux, renforcer nos langueurs?
Dites-nous, ie vous pri, la fortune outrageuse
Nous rendra desormais toute chose douteuse.

Le Preuost.

Ne foyez en esmoy, vostre mal a prins fin, [286] Le Roy s'est appaisé, c'est vn Prince benin.

1605

1600

Et mon fils Sedecie?

Amital.

Le Preuoft.

Deuisant auec luy.

Amital.

Las pourueu qu'il ne meure!

Le Preuost.

Hà vrayment il n'a garde.

Amital.

Hé que i'en prens d'ennuy!

Le Preuost.

1610 Il verra trespasser meint autre deuant luv.

Amital.

Dien nous le vueille rendre.

Le Chœur.

Et nous autres captiues?

Le Preuost.

Vous reuerrez bien tost vos paternelles riues.

Le Chœur.

O vray Dieu quand sera-ce? et quand viendra le iour Le iour tant desiré de nostre heureux retour?

Les Roynes.

1615 Et ces petits enfans si tendrelets encore, Qu'en veut-il estre fait?

Le Preuoft.

C'est pourquoy ie viens ore.

Les Roynes.

Hé, bon Dieu qu'est-ce-là?

Le Preuost.

Le Roy vous conferuant

Aux droicts de vostre sceptre, ainsi qu'auparauant, Et remettant l'iniure à sa maiesté faite, 1620 Vous veut tenir fuiets, et vostre foy suiette.

Amital.

Qu'il n'ait peur que iamais nous manquons de deuoir. Le Preuost.

Il veut pour s'affeurer des hostages auoir.

Les Roynes.

Quoy? ces petits enfans!

Le Preuoft.

Ce sont ceux qu'il demande.

Les Roynes.

Las! que tout autre cas plustost il nous commande. 1625 Retienne le royaume, et nous-mesmes plustost, Que prendre nos enfans en hoftager depost. Auroit-il bien le cœur de priuer vne mere De son cher enfançon, qui est son ame chere?

Plustost plustost la mort, la mort nous aimons mieux, Qu'il nous face plustost mourir deuant ses veux. 1630 Le Preuost. Et quoy? scauroyent-ils estre en lieu plus honnorable? Les Roynes. Las! ils ne scaurovent estre en lieu moins souhaitable. Le Preuost. En la court d'vn grand Roy, royalement nourris Auecques ses enfans, de tous princes cheris. Amital. Excusez s'il vous plaist la tendreur maternelle. 1635 Le Prenost. Las! ie l'excuse bien, c'est chose naturelle. [286^v] Amital. I'ay crainte que mon fils en porte desplaisir. Le Preuost. N'en ayez point de peur, c'est son plus grand desir. C'est pour sa deliurance et pour leur auantage: C'est luy mesme, c'est luy qui les offre en hostage. 1640 Hà qu'il y a de Rois qui feroyent trionfans, S'ils auovent ce credit d'y mettre leurs enfans, Pour auoir mesme table auec nos petits Princes, Qui les feront vn iour gouverneurs des Prouinces, Les chefs de leur conseil, respectez des seigneurs, 1645 Qui les suiuront par tout, mendiant leurs faueurs. En gloire ils paroiftront fur les tourbes menues, Comme luisans Soleils qui escartent les nues, Comme vn mont eleué fur les petits coûtaux, Ou vn Cedre au Liban fur les arbres moins hauts. 1650 Que vous aurez de ioye, alors qu'on viendra dire Que vos enfans tiendront les refnes de l'Empire: Regiront les Medois, et les peuples qui font

Non non, ne craignez point, ne portez point d'enuie A l'heureuse fortune où le Roy les conuie:

1655

Liurez-les viftement fans plus deliberer. »Quand vn bien fe prefente il ne faut differer.

Les premiers œilladez du Soleil vagabond.

Amital.

Allez donc mes enfans, allez à la bonne heure,
1660 Que par vous Sedecie en prifon ne demeure,
Allez alaigrement: mes filles, et pourquoy
Gemiffez-vous ains? qui cause vostre esmoy?

Les Roynes.

Qui pourroit retenir nos larmes ruisselantes?
Pourrions-nous en ce mal n'estre point larmoyantes?

1665 Ne point gemir, voyant nos ensançons rauir,

Pour les aller occire, ou les faire feruir?
O que nos lits nopciers eussent esté steriles!
[287] Puisque nous deuions estre en royautez seruiles.

Amital.

Helas! que voulez-vous? il nous faut endurer, 1670 Voudriez-vous maintenant contre Dieu murmurer? Hà qu'il ne le faut pas, gardez-vous en, mes filles, Sa volonté se face en nous et nos familles.

Le Preuoft.

Vous ne deuez plorer, finon que les grandeurs De vos enfans vous foyent iuste cause de pleurs.

Les Roynes.

1675 Nous pleurons à bon droit, nos malheurs sont pleurables, Permettez-nous pleurer nos enfans milerables, Nous ne les verrons plus: hé les pauures petits, Que feront-ils fans nous entre vos mains captifs?

Amital.

Ils iront, hostagers, decaptiuer leur pere.

Le Preuoft.

1680 Mais ils l'iront remettre au thrône hereditaire.

Les Roynes.

Que c'est chose douteuse!

Amital.

Et mais quoy? pouuons nous

Autrement esperer de r'auoir vostre espous?

Les Roynes.

Nous ne l'esperons point.

Le Preuost.

N'en ayez defiance.

Amital.

Ie ne l'espere ausi que sur vostre asseurance.

Le Preuoft.

Confiez-vous à moy, qu'il ne verra iamais De la grand' Babylon les murs ny le palais.

1685

Amital.

Mes filles, vous voyez qu'il n'y a point de feinte, Que fa parole est vraye, et sa promesse fainte. Car qui le contraindroit de feintement vser De propos mensongers, et de nous abuser? Pour prendre nos ensans il n'a besoin d'amorce,

1690

Pour prendre nos enfans il n'a besoin d'amorc Il les peut emmener auec la seule force. Qui l'en empescheroit? quel obstacle auroit-il? Tout nostre soible effort y seroit inutil.

1695

Pauurettes nous n'auons pour recours que les larmes, Les plaintes et les cris ce font nos feules armes. Ainfi, mes cheres Brus, nous ne deuons douter De bailler ces enfans, qu'il nous pourroit ofter.

[287^v] Les Roynes.

Or allez de par Dieu chetiues creatures,

1700

De vostre geniteur courez les auantures, Viuez sers comme luy, vous estes bien ieunez, Mais ja comme forçats vous estes emmenez: Au moins que vos prisons le tirent de seruage! Sçauroit-on de sa foy prendre vn plus certain gage?

1705

Et vous, ô mes enfans, scauriez-vous au bon Dieu Requerir rien meilleur, qu'estre mis en son lieu? O que, pour vous, le Roy toutes nous voulust prendre, Et piteux, espargner vostre ieunesse tendre! Nous irions volontiers, voire et nous presenter

A fouffrir tous les maux qu'on pourroit inuenter.

1710

Amital.

Or adieu mes mignons, adieu mon esperance, Adieu de tant de Rois l'heroïque semence, Race du bon Dauid, ie ne vous verray plus, Vous serez loin de nous en vn serrail reclus. Puis de mes ans vieillards la trame est acheuee, Au bout de mes trauaux ie suis presque arriuee:

Et long temps du Soleil, qui me luist ennuyeux, Les rayons etherez n'esclaireront mes yeux: Außi que tant de maux ont mon ame outragee, 1720 Qu'elle affecte se voir de son corps desgagee. Adieu donc ma lumiere, adieu pour tout iamais, Las! ie n'espere pas vous reuoir desormais.

Le Preuoft.

Pour neant vous plorez, et que seruent vos pleintes? Les Roynes.

Nous sommes de douleur à larmoyer contreintes. Le Preuoft.

1725 Plustost esgayez-vous, qui vous peut effrayer? Les Roynes.

» Quiconque est en malheur ne se peut esgayer. Enfans souuenez-vous de vous rendre agreables, De seruir vos seigneurs, de n'estre intolerables, Superbes ny fascheux: las! ce n'est pas à vous 1730 [288] De vous enfler de gloire, ains de complaire à tous.

Amital.

- » Mais sur tout, mes enfans, ayez de Dieu memoire, »Seruez-le en vostre cœur, ne tendez qu'à sa gloire,
- »Cheminez en sa voye, et n'en soyez distraits
- » Ny pour commandemens qui vous foyent onques faits,
- 1735 » Ny pour crainte de mort: souffrez la mort cruelle »Plustost cent fois, que d'estre à vostre Dieu rebelle.
 - » N'adorez qu'vn seul Dieu, que ce Dieu seulement

 - »Qui a fait mer et terre auec le firmament,
 - » Qui peut tout, qui fait tout, immortel, impaßible,
- 1740 » Qui ne se peut comprendre, à nos yeux inuisible, » Aimez-le et l'honnorez, craignez de l'offenser.
 - » Aux faux Dieux des Gentils gardez-vous d'encenser,
 - »Il en feroit ialoux: iamais ce grand Dieu n'aime
 - »Qu'on leur face l'honneur qui n'est deu qu'à luy-même.
- 1745 »C'est luy qui nous fait viure, et qui pour nostre bien »En six iours a basti tout ce monde de rien.
 - »Ne l'oubliez iamais, mes enfans, ie vous prie,

 - »Et tant que vous viurez fuyez l'idolatrie.

Adieu mon cher fouci, vous me fendez le cœur, Ie transis de pitié, ie pers force et vigueur, Ie me sens affoiblir: si est-ce helas! si est-ce Que ie veux vous baifer deuant que ie vous laisse!

1750

Les Roynes.

O malheureux destin! ô fiere cruauté! Deplorable grandeur! chetiue royauté! Que la mort n'a plustost deuidé nostre vie! Que n'a nostre pauure ame esté plustost rauie! On vous emmeine, enfans, on vous emmeine helas! Et vous ne ferez plus pendans entre nos bras Nous baifotant le sein de caresses mignardes, Et tirant nos cheueux de vos mains fretillardes. [288] Parlant voftre enfantin, et les heures paffant Auec vos compagnons en esbat innocent. Que nous baifions vos yeux et vos bouches tendrettes, Helas! vous nous laissez à ces riues seulettes.

1760

Chœur.

» T As! c'est grand cas qu'on ne trouue personne » De courage affez haut,

»Qui la fortune et malheureuse et bonne

»Supporte comme il faut,

»Sans se troubler de ses presens volages,

»Qui n'arrestent non plus

»Que l'Ocean, qui mouille ses riuages

»De flus et de reflus.

»Car le bonheur ou l'enfle outre mesure,

»Quand il le va flatant:

»Ou du malheur, suruenant d'auanture,

»Il se rabaisse autant.

»Ainfi, selon que fortune est muable,

» Nous le fommes außi:

»Comme elle change, aduerse ou fauorable,

»Nous changeons tout ainsi.

»Rien d'arresté ne se voit en ce monde,

»On v brouille toufiours,

1755

1765

1770

1775

1780

»Le ciel, la terre, et la mer vagabonde, »Se changent tous les iours. »Si maintenant le ciel est sans nuage. 1785 »Serein en fon contour. »Incontinent vous verrez vn orage » Nous embrunir le iour: »Et si la mer en tempeste foudroye [289] »Contre les rocs battus, 1790 »En moins de rien nous la reuerrons coye, »Et les vents abbatus. » Ainsi la terre est ores soleillee, »Poudroyante d'ardeur. » Ore est humide aux entrailles mouillee, 1795 »Ore a trop de froideur. »Toy que fortune accompagne riante, » Bien-heurant tes desseins. » Crains qu'elle tourne, et te plonge inconstante »En defastres soudains. 1800 » Ne t'orgueillis de l'heur de ta victoire, »Car c'est vn don de Dieu, »Qu'il peut reprendre, et t'en oftant la gloire » Mettre vn malheur au lieu. » Car luy qui maistre et terre et ciel tempere, 1805 »Qui tout fait et defait. » Comme il est bon, asprement se colere »D'vn tyrannique fait. »Et c'est pourquoy, variant la fortune, »Qui de sa dextre part, 1810 »Apres vn bien depart vn infortune, »Puis autre bien depart. »Car il s'aigrift, quand il voit que sa grace »Nous rend audacieux. »Puis quand il a rabatu nostre audace, 1815

»Puis quand il a rabatu nostre audace, »Il serene ses yeux. »Celuy prudent, la fortune modere »En ses instables tours, »Qui en malheur vn meilleur temps espere, »En hon-heur craint toussurs.

[289 ^v] Mais Babylon n'en vse en ceste sorte,	
Que la profperité	
En arrogance et cruauté transporte	
Sans peur d'aduerfité.	
Se baigne au fang du peuple Israëlite,	1825
Non contente d'auoir	
Par glaiue et feu Ierusalem destruite	
Tombee en fon pouuoir.	
Sur nous vaincus elle vomist sa rage,	
Et n'a, cruelle, horreur	1830
De deployer fur le royal lignage	
Sa brutale fureur.	
Mais Dieu qui iuste a voulu nostre offense	
Chaftier par fes mains,	
Ne laissera, bien que tard, sans vengence	1835
Ses meurtres inhumains.	

ACTE V.

LE PROPHETE. AMITAL. LES ROYNES.

Le Prophete.

O Barbare cruel, homme auide de fang!
Qu'vne Tygre felonne a porté dans fon flanc,
Ennemi des mortels et leur commune pefte,
Execrable inftrument de la rancœur celefte,
Que tu es impiteux! que tu es fans merci!
Que tu as en rigueur le courage endurci!
Penfes-tu qu'il y ait vn Dieu desfur ta teste,
De tonnerres armé, d'esclairs et de tempeste,
Vengeur de cruautez? Ou bien estimes-tu
Qu'il soit, comme tes Dieux, vn bronze sans vertu?
[290] Ie t'atteste, Eternel, Eternel ie t'appelle,
Spectateur des forsaits de ce Prince insidelle,
Descens dans vne nuë, et auec tourbillons,

11

1840

1850 Grefle, tourmente, esclairs, brise ses bataillons, Comme on te veit briser la blasphemante armee Du grand Sennacherib, à nos murs assommee: Et le chef de ce Roy soudroye aux yeux de tous, Qui superbe ne craint ny toy ny ton courroux.

1855 Trouble le ciel de vents, qu'en orage il noircisse, Qu'il s'emplisse d'horreur, que le Soleil pallisse, Que le feu qui brusa les deux enfans d'Aron, Qui brillant consomma les fauteurs d'Abiron, Qui deuora les murs de Sodome et Gomorre, 1860 Descende, petillant, et ces bourreaux deuore.

Es-tu Dieu de Iuda, pour fans fin l'affliger? Pour nous donner fans ceffe en proye à l'estranger? Englouti-nous plustost dans les terrestres gouffres, Fay nous fondre aux enfers, plustost que tu nous souffres

1865 Opprimer des Gentils, lesquels ne font finon,
Ton peuple bourrelant, que blasphemer ton nom.
Ils se gaussent de toy, ta force mesprisee
Par nos aduersitez leur sert d'vne risee.
Et c'est ce qui nous gréue en nostre affliction,

1870 C'est de nos pasions l'extreme pasion.

Amital.

Hà bon Dieu!

Le Prophete.

L'arrogant pense que son espee Ait contre ton vouloir nostre terre occupee. En est plus outrageux, n'attribuant qu'à soy Tout ce nouueau bon-heur qu'il a receu de toy.

Amital.

1875 Las! i'ay crainte.

Les Roynes.

Il y a quelque nouuel esclandre.

Le Prophete.

Bourreler des enfans en vn âge si tendre!

Les Roynes.

O piteux accident!

Amital.

O dure cruauté!

[290^v] Hé hé. Les Roynes.

Amital.

O Roy pariure! ô la deloyauté!

Le Prophete.

Et encor les meurtrir deuant les yeux du pere!

Les Roynes.

O bourreau de monarque!

Amital.

O befte fanguinaire!

1880

Le Prophete.

Pauures Dames, comment pourrez-vous supporter Vn si funcste encombre, et moy le rapporter?

Amital.

Hà Dieu quel desconfort!

Les Roynes.

Hé hé chetiues meres,

Meres pleines de dueil, d'esclandre et de miseres!

Le Prophete.

Ce mal est incredible, il n'a besoin de pleurs:
»Les pleurs et les soupirs sont pour moindres douleurs.

1885

Amital.

O mechant! detestable! as-tu bien le courage De rauir des enfans pour en faire vn carnage?

Les Roynes.

Hà le monstre infernal!

Le Prophete.

Il a faict pirement.

Amital.

Pirement? et en quoy? las! dites-nous comment.

1890

Le Prophete.

Derriere le chaîteau, où le bruyant Oronte Coule en le trauerfant d'vne carriere promte, S'estend vne grand' place ensermee à l'entour D'vne longue muraille, où flanque mainte tour: Là les Rois Syriens, quand ils vouloyent s'esbatre, Ensermoyent les lions, pour les faire combatre.

Le Roy que la fureur embrasoit au dedans, Comme vn bucher farci de gros charbons ardans, Y entre forcené, monstrant à son visage,

1900 Et à ses yeux affreux, l'horreur de son courage.
Fait venir nostre Roy, palle, maigre, hideux,
Et les princes du peuple attachez deux à deux:
Le poil long et messé leur tomboit sur la face,
Leur barbe mal pignee espoissifoit de crace,

1905 Leur dos courbé plioit fous le feruile poix

Des chaifnes qui ferroyent leurs bras couchez en croix,

Les iambes leur enfloyent fous les fers escorchees,

Et leur sein degoutoit de larmes espanchees.

[291]

Amital.

O spectacle funebre!

Les Roynes.
O veinqueur inhumain!

Amital.

1910 Peut vn Roy fi felon auoir vn cœur humain? Le Prophete.

Helas! ce n'est pas tout, car tout soudain nous vismes Presenter vos enfans comme pures victimes. Si tost que Sedecie entrer les apperceut, Transporté de fureur, se contenir ne sceut;

1915 Il s'eflança vers eux, hurlant de telle forte Qu'vne Tygre, qui voit ses petits qu'on emporte. Les pauures Enfantets auec leurs dois menus Se pendent à son col et à ses bras charnus, Criant et lamentant d'vne façon si tendre,

1920 Qu'ils eussent de pitié fait vne roche fendre. Ils luy leuoyent les fers, et d'efforcemens vains, Taschoyent de luy saquer les menottes des mains, Les alloyent mordillant, et ne pouuant rien faire, Ils prioyent les bourreaux de déferrer leur pere.

Luy, ayant le parler arrefté de fanglots, S'entre-pouffant l'vn l'autre außi dru que les flots D'vne mer courroucee, eleuoit, pitoyable, Ses yeux enflez de pleurs vers le ciel implacable, Le corps roide et tranfi, comme fi le tourment
Eust de son ame osté tout humain sentiment.
Chacun en eut pitié, nos plus durs aduersaires
Ne peurent, sans plorer, regarder ces miseres.
Les vns se retiroyent, ou destournoyent les yeux,
Les autres, gemissans, detestoyent terre et cieux,
Se battoyent l'estomac, se couuroyent le visage,
Et bas, contre leur Roy, vomissoyent maint outrage.

Mais luy non plus esmeu, que le cœur d'vn rocher,
Les fait des bras du pere outrageux arracher:

1935

1930

Mais luy non plus elmeu, que le cœur d'vn rocher,
Les fait des bras du pere outrageux arracher:
Puis d'vn regard meurtrier le guignant se renfrongne,
[291'] Descouurant sa rancœur par son austere trongne.
Luy reproche les biens qu'il auoit eus de luy,
Qu'il l'auoit toutefois delaißé pour autruy,
Comme vn traistre, vn ingrat, vn rebelle, vn pariure,
Mais qu'il veut son forfait paver auec vsure.

Mais qu'il veut son forfait payer auec vsure.

Quand il luy eut tout dit ce qu'il auoit vouloir,
Il commande aux bourreaux de faire leur deuoir.

Lors le cœur nous transit, le fang de nostre face
S'escoula dans le sein, nostre front deuint glace,
Tout le corps nous trembla, comme fueilles aux bois,
Au gosier s'attacha nostre muette voix.

Vn silence, vn effroy par les troupes se glisse,
Nous pallissons d'horreur, tout le poil nous herisse.
Que ie taise le reste, helas? ie n'en puis plus:
Quelque autre suruiendra qui dira le surplus.

Amital.

Acheuez ie vous pri'.

Les Roynes.

Ne nous laissez en doute.

Amital.

Ie defire sçauoir ce que plus ie redoute.

Le Prophete.

Le pontife Sarree, à ce commandement, Se presente au bourreau sans espouuantement, Met les genoux à terre, eleue au ciel la veuë, Prie à Dieu que son ame aux saints lieux soit receuë,

1960

Qu'il vueille par pitié ses fautes oublier, Et du joug des Gentils son peuple dessier. Cette parolle à peine il auoit acheuee, Que la teste luy est de son col enleuee. 1965 Le sang tiede jaillit, qui la place tacha, Et le tronc immobile à terre trebucha.

Amital. Les Roynes.

Mifericorde!

Le Prophete. Alors vne grande allegresse

Saissift les condamnez, chacun d'eux s'entrepresse Pour courir à la mort, tous s'y viennent offrir: 1970 L'vn veut preuenir l'autre, et le premier souffrir.

270 L'vn veut preuenir l'autre, et le premier fouffrir.

[292] Qui a veu quelquefois, quand vne ville prife
Par l'ennemy vainqueur est au pillage mise,
Le peuple espouuanté, pour la mort euiter,
A la foule à la foule aux portes se ietter,

1975 S'estouffer, se gachir, à cause du grand nombre Des suyarts accourus, qui s'entresont encombre. Cestuy-là se pourroit representer l'effort, Que ces Seigneurs faisoyent de se haster la mort.

Le tyran eut despit ent son ame bourrelle 1980 De leur voir au martyre vne asseurance telle, Et tost se repentit de les auoir contraints D'eschapper par la mort ses violentes mains.

Les Roynes.

Helas! mais nos enfans?

Amital. Helas! mais Sedecie?

Le Prophete.

Cela n'a du Tyran la rancœur adoucie, 1985 Ains forcenant plus fort, et se voulant gorger Du sang de vos ensans, les fait tous egorger.

Les Roynes.

O monstre abominable!

Le Prophete.

Et ce pendant le pere Voyant choir à fes pieds sa geniture chere,

Qui l'appelle en mourant, et qui luy tend les bras, Transpercé de douleur, donne du chef à bas, 1990 S'outrage de ses fers, se voître contre terre, Et tasche à se briser le test contre vne pierre: Rugist comme vn lyon, ronge ses vestemens, Adjure terre et ciel, et tous les elemens. Puis voyant les bourreaux à la hideuse face, 1995 Teints de fang s'approcher, humblement leur rend grace De venir terminer par vne prompte mort L'indomtable douleur qui ses entrailles mord. Mais eux branlant le chef, et montrant à leur trongne Qu'ils s'alloyent empescher à vne autre besongne, 2000 L'estendent sur le dos, la face vers les cieux, [292] Et luy cernent d'vn fer la prunelle des yeux.

Amital.

O cruauté barbare! ô prodige du monde!

Les Roynes.

O fiere Babylon, en outrages feconde!

Amital.

O trop seuere ciel!

Les Roynes.
O vengence de Dieu!

O Dieu trop irrité contre le peuple Hebrieu!

Amital.

Las que ferons-nous plus? que ferons-nous plus ores? Qu'auons-nous que la mort pour requerir encores? Vien mort, vien mort heureuse! et ne viendras-tu pas? Tu cours à tant de gens qui craignent le trespas, Et tu me fuis dolente! aumoins vien à cette heure, Il est temps, si iamais, il est temps que ie meure.

Mes filles foupirez, pleurez, foyez en deul, Ayez durant vos iours cet exercice feul. Vos enfans font occis, voftre espoux venerable Deplore entre ses fers son destin lamentable. Ses iours sont aueuglez, et vous allez errant Entre vne tourbe serue à ces bords soupirant.

Mes filles foupirez, et lamentez fans ceffe, Alambiquez en pleurs voftre belle ieuneffe: 2020

2015

2005

Dediez-vous au dueil, et ne pensez, helas!
Tandis que vous viurez auoir autre soulas.
Mes filles soupirez, plorez vos infortunes,
Ils ne sont pas communs, vos pleurs ne soyent communes:

2025 Ie vous plains plus que moy, qui viurez plus long temps, Et qui estes encore en vostre beau printemps. Mais pleurez, soupirez, et que le temps n'essuye L'eau tombant de vos yeux en vne large pluye.

Les Roynes.

O defaftres cruels! ô rages! ô fureurs! 2030 O deteftables faits! ô Scythiques horreurs!

O la defloyauté d'vn monstre sanguinaire!

O des Rois ensceptrez l'eternel vitupere!
[293] O meurtrier d'innocens! ô pariure! bourreau!
Qui au sein des ensans vas tremper le couteau.

2035 Efgorge efgorge nous, ne te feins homicide,
Vien amortir ta foif dans nostre sang liquide:
Nos ensans n'en auoyent pour te ressafier,
Pren le nostre et le boy, nous tendons le gosier.

Amital.

Est-ce ainsi qu'ils deuoyent demeurer en hostage, 2040 Et le Roy leur seigneur deliurer de seruage? Est-ce ainsi qu'ils deuoyent de l'Asie ordonner Quand ils seroyent en âge, et les Rois gouuerner? O propos mensongers! ô promesse trompeuse!

O defloyal courage! ô fraude malheureuse!

Les Roynes.

Des Roynes.

2045 Hé cruel! tu difois que le Roy ne mourroit,
Et que iamais, captif, Babylon ne verroit:
O que tu difois vray! car iamais de fa veuë
Ne fera Babylon ny autre cité veuë.
O mifere! ô mechef! pauure Roy aueuglé,
2050 Par ton malheur le nostre est du tout redoublé.
Employons nostre vie à soupirer et plaindre,

Puisque nous n'auons plus qu'esperer ny que craindre.

Amital.

O Dieu, qui vois du ciel nos esclandres diners, Tout ainsi que te sont nos forfaits descouuers,

Qui des Preftres facrez à ta gloire immortelle
Viens de voir icy bas l'occision cruelle,
Ne puniras-tu point ce Roy persecuteur,
Bien que de ta colere il foit l'executeur?
Le fang des innocens iufqu'à ton thrône monte,
Se presente à tes yeux, las! n'en feras-tu conte?

2055

2060

Les Roynes.

Plutost fay nous meurtrir, fay-nous meurtrir plutost, Nous n'auons plus desir que de mourir bien tost.

Amital

Il faut auparauant que nostre soin procure [293] Que les corps trespassez soyent mis en sepulture, De peur qu'ils soyent la proye et des loups affamez Et des corbeaux bécus, s'ils n'estoyent inhumez.

2065

Les Roynes.

Allons madame, allons, nous fommes toutes preftes, Pour garder nos enfans de la gueule des bestes. Qui fournira de pleurs à nos yeux tarissans? Qui fournira de force à nos corps languissans? Quels funebres soupirs tirez de nos entrailles Pourront suffire au dueil de tant de funerailles?

2070

Amital.

Or allons de par Dieu, rendons leur ce deuoir, Et puis face de nous la Parque fon vouloir. Ce nous fera grand heur fi la mort nous enferre, Sans voir de Babylon l'iniurieuse terre.

2075

Le Prophete.

Hé Dieu quel deconfort! iamais affliction Si eftrange ne fut à filles de Sion. Las! qu'il faut bien que Dieu eust la poitrine pleine D'vn amas de courroux, pour lancer telle peine Contre son peuple eleu! qu'il falloit que son cœur Fust de long temps espris de mortelle rancœur!

2080

Tu reçois, Ifraël, les rigoureux falaires De tes propres pechez et de ceux de tes peres, Tu endures pour eux. Mais quoy? ne voy-ie pas Nostre infortuné Roy tourner icy ses pas?

Hà chose pitoyable! vn Roy de la semance
Du fidelle Dauid estre en telle souffrance!
Comme ses yeux esteints vont decoulant à val
2090 Le sang au lieu de pleurs, par leur double canal!
Las que c'est grand pitié! vray Dieu comme il soupire.
Hà qu'il souffre, hà qu'il souffre vn angoisseux martyre!

[294] SEDECIE. LE PROPHETE.

Sedecie.

A Stres, qui fur nos chefs eternels flamboyez.
Regardez mes tourmens, mes angoisses voyez,
2005 Mes yeux ne verront plus vostre lumiere belle,
Et vous verrez toussurs ma passion cruelle:
Vous me verrez vn Roy priué de liberté,
De royaume, d'amis, d'enfans et de clairté.
Qui vit si miserable? autour de ceste masse
2100 Voyez-vous vn malheur qui mon malheur surpasse?

Le Prophete.

Non, il est infini, de semblable il n'a rien. »Il en faut louer Dieu tout ainsi que d'vn bien.

Sedecie.

Toufiours foit-il benift, et que par trop d'angoisse Iamais desesperé ie ne le deconnoisse.

2105 Ie fçay bien que ie l'ay mille fois irrité, Que i'ay trop iustement mes peines merité, Que i'ay son ire esmeuë, et que par mon seul crime l'ay incité à mal toute Ierosolyme. Ie suis cause de tout, ie le sçay, mais pourquoy

2110 Me fait-il torturer par vn pire que moy?

Par ce Roy Chaldean qui rien ne le redoute,

Qui fa grace n'inuoque, ainçois qui la reboute?

Le Prophete.

Et ne sçauez-vous pas qu'il le fait tout expres, Le souffre en ses horreurs, pour l'en punir apres? 2115 »Il vse de sa dextre à venger son colere, »Comme fait d'vne verge vne prudente mere

2135

2140

»Enuers fon cher enfant, quand vne mauuaitié
»Qu'il a fait à quelqu'vn, veut qu'il foit chatié.
»Car apres cet vsage en la flamme on la rue,
[294^v] »Ou auecques mespris est en pieces rompue.
»Ainsi Dieu vengera les massacres commis
»Par ce Roy carnacier, bien qu'il les ait permis.
Les maux qu'il nous a faits il luy sçaura bien rendre,
Et quelquesois sera Babylon mise en cendre.

Sedecie.

Qu'ainfi puisse auenir, et qu'elle sente vn iour,
Qu'elle y pensera moins, nos malheurs à son tour.

» Qu'elle entende qu'au monde il n'est rien perdurable,

» Qu'il n'y a qu'vn seul Dieu qui ne soit perissable,

» Qui hait les cruautez, de carnages comblant

» La maison de celuy qui ha le cœur sanglant.

Le Prophete.

Non non, affeurez-vous qu'vne eftrangere race
En bref rabaiffera fon orgueilleuse audace.
Comme soudres ie voy les peuples d'Aquilon
Descendre par milliers sur ton chef, Babylon.
Ie voy les morions esclatter sur leurs testes,
Les scadrons indomtez bruire comme tempestes,
De piques herissez, faisant de leurs bouclairs
Comme d'vn ciel sortir vn orage d'éclairs.
Ie les voy ia camper autour de tes murailles,
Briser tours et rempars, remplir de surrailles
Tes temples et maisons, tes vierges captiuant,
Et au sang des occis leurs cheuaux abreuuant.

Toy qui le temple faint de nostre Dieu supreme
As cruel profané, vomissant maint blaspheme
Contre sa maiesté, qui reueré n'as point
Celuy qu'il a pour Roy par ses Pontises oint,
Qui ses Prestres as mis au trenchant de l'épee,
Qui l'as dans le gosier des innocens trempee,
Te voîtrant sur leurs corps, prendras, homme sanglant,
La figure d'vn bœus pasturant et buglant.

2150
[295] Dieu le veut, Dieu l'ordonne, et par moy son Prophete
Predit sa volonté deuant qu'elle soit faite.

Sedecie.

O feigneur nostre Dieu, ton cœur soit adouci Vers ton affligé peuple, et le pren à merci, 2155 Tire ses pieds des ceps, et clement le deliure, Ne le souffre long temps les idolâtres suiure.

Le Prophete.

Le Soleil feptante ans dessus nos chefs luira
Tandis qu'en Babylon Israel feruira:

Mais le cours acheué de ces dures annees,
2160 Ses infelicitez se verront terminees.

Vn Roy Persan viendra, plein de benignité, Qui fera rebastir nostre antique cité, Ses tours s'eleueront et ses murailles fortes, Les portaux redressez se fermeront de portes:

2165 Et au temple deuôt par nous redifié,
Dieu mieux qu'auparauant fera glorifié,
Les autels fumeront de placables hofties,
Et feront des faux Dieux nos ames diuerties.
Quelques fiecles apres le Seigneur enuoyra

2170 Son Chrift, qui les pechez des peuples netoyra, Destruisant les Enfers, et desiré Meßie Viendra pour mettre fin à toute Prophetie.

FIN.

adung für literarhistorische, grammatische und lexikophische Arbeiten erleichtert die überall durchgeführte lenzählung.

Die französischen Neudrucke wenden sich nicht nur Studierende und Lehrer der neueren Sprachen, sondern ih an die vielen Freunde der französischen Literatur dan die Liebhaber literarischer Seltenheiten. Die rlagshandlung wird den Zweck des Unternehmens dassen weiteste Verbreitung durch möglichst billigen eis zu fördern suchen.

Jährlich erscheinen einige Bändchen. Jedes Bändchen einzeln käuflich.

Erschienen:

- De Villiers, Le Festin de Pierre ou le fils criminel. Neue Ausgabe von W. Knörich. Geh. M. 1.20.
- 2. Armand de Bourbon, Prince de Conti, Traité de la comedie et des spectacles. Neue Ausgabe von Karl Vollmöller. Geh. M. 1.60.
- 3. Robert Garnier, Les tragedies. Treuer Abdruck der ersten Gesammtausgabe (Paris 1585). Mit den Varianten aller vorhergehenden Ausgaben und einem Glossar herausgegeben von Wendelin Foerster.
 - I. Band: Porcie, Cornelie, M. Antoine. Geh. M. 3.60.
 - II. Band: Hippolyte, La Troade. Geh. M. 2.80.

Zunächst soll sich anschliessen:

es tragédies de Robert Garnier. IV. Band. (Schluss.)

Ferner:

ean de Mairet, Sämmtliche Werke.

acobi Sylvii Ambiani in linguam gallicam Isagwge (1531).

ean de la Forge, le Cercle des Femmes Sçavantes (1663).

rammaire de P. de la Ramee, lecteur du Roy, en
l'Université de Paris (1572).

Die provenzalische Poesie der Gegenwart von Dr. Ed. Bo geh. M Mireia. Provenzalisches Gedicht in zwölf Gesängen von Fi

Mistral. Mit selbstbiographischer Vorrede des Verfasser leitung, Anmerkungen etc. Uebersetzung in Versen vor B. M. Dorieux-Brodbeck. (In Commission.) geh. M.

La Fontaine's Fabeln. Mit Einleitung und deutschem Com von Dr. Adolf Laun, Professor. Zwei Theile in einem

Herder's Cid, die französische und die spanische Quell sammengestellt von A. S. Vögelin.

Dante-Forschungen. Altes und Neues von Karl Witte. I
Mit Dante's Bildniss nach Giotto, nach dem 1840 wied
deckten Frescobilde im Pallazo del Bargello (Pretorio),
dasselbe 1841 übermalt ward, in Kupfer gestochen von
Thaeter.

H. Bende, Mit Dante's Bild.

 II. Band. Mit Dante's Bildniss nach einer alten zeichnung und dem Plan von Florenz zu Ende des XIII hunderts.

Shakspere, sein Entwicklungsgang in seinen Werken.

Edward Dowden. Mit Bewilligung des Verfassers üb
von W. Wagner.

geh. M.

Zur Volkskunde. Alte und neue Aufsätze von Felix Liebr geh. M.

Gedanken und Bemerkungen über das Studium der ne Sprachen an den deutschen Hochschulen von Prof. Dr. 6 Körting.

Der Sprachunterricht muss umkehren! Ein Beitrag zur I bürdungsfrage von Quousque Tandem. geh. M.

bürdungsfrage von **Uuousque Tandem.** geh. M. Die Entlastung der überbürdeten Schuljugend der M schulen. Zwei Dialoge von Prof. Dr. August Behaghe geh. M.

Literaturblatt

für

germanische und romanische Philolo

Unter Mitwirkung von Prof. Dr. Karl Bartsch herausgegeben von

Prof. Dr. Otto Behaghel und Prof. Dr. Fritz Neuman

Abonnementspreis M. 5.—, pro Semester von 6 monatl. Nummern von ca. 32 Spalten. 4°.

Einzelne Nummern werden nicht abgegeben. Abonnements werden durch alle Buchhandlungen des In- und Auslandes sowie die Postanstalten vermittelt.

PQ 1625 G2A14 1882a Bd.3 Garnier, Robert Les tragédies

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

